

ହମାଯୁନ ଆଜାଦ  
କତୋ ନଦୀ  
ଶରୋବର  
ବା ବାଙ୍ଗଲା ଭାଷାର ଜୀବନୀ

হুমায়ুন আজাদ  
কতো নদী সরোবর  
বা  
বাঙ্গলা ভাষার জীবনী

ভূমায়ন আজাদ  
কতো নদী সরোবর  
বা  
বাঙ্গলা ভাষার  
জীবনী



আগামী প্রকাশনী

ছিতীয় সংস্করণ : অষ্টম মুদ্রণ ফালুন ১৪১৮ : ফেব্রুয়ারি ২০১২

প্রথম প্রকাশ ফালুন ১৩৯৩ : ফেব্রুয়ারি ১৯৮৭

ছিতীয় সংস্করণ ফালুন ১৩৯৮ : ফেব্রুয়ারি ১৯৯২

ছিতীয় সংস্করণ : ছিতীয় মুদ্রণ মার্চ ১৪০২ আনুয়ারি ১৯৯৬

ছিতীয় সংস্করণ : তৃতীয় মুদ্রণ ফালুন ১৪০৬ ফেব্রুয়ারি ২০০০

ছিতীয় সংস্করণ : চতুর্থ মুদ্রণ কার্তিক ১৪১১ অক্টোবর ২০০৮

ছিতীয় সংস্করণ : পঞ্চম মুদ্রণ ফালুন ১৪১২ ফেব্রুয়ারি ২০০৬

ছিতীয় সংস্করণ : ষষ্ঠ মুদ্রণ আগস্ট ১৪১৫ সেপ্টেম্বর ২০০৮

ছিতীয় সংস্করণ : ষষ্ঠ মুদ্রণ বৈশাখ ১৪১৮ মে ২০১১

বতু মৌলি আজাদ, শিল্প আজাদ ও অনন্য আজাদ

প্রকাশক ওসমান গণি আগমী প্রকাশনী ৩৬ বালাবাজার

ঢাকা-১১০০ ফোন ৯১১-১৩৩২, ৯১১-০০২১

প্রচন্দ সমর মজুমদার

মুদ্রণ প্রবর্তন প্রিস্টার্ট ১৮/২৬/৮ পুকলাল দাস লেন ঢাকা

মূল্য : ১৫০,০০ টাকা

ISBN 978 984 40 1421 5

*Kato Nadi Sharobar ba Bangla Bhashar Jibani : So Many Rivers  
And Lakes or A Biography of the Bengali Language :  
by Humayun Azad.*

Published by Osman Gani of Agamee Prakashani

36 Bangla Bazar, Dhaka-1100 Bangladesh.

Phone : 711-1332, 711-0021

e-mail : info@agameeprakashani-bd.com

First Published : February 1987

Second Edition : Eighth Printing : February 2012

দুনিয়ার পাঠক একই হিঁড়ে Tk. 150.00 Only  
[www.amarboi.com](http://www.amarboi.com) ~

শিভামণি  
অনন্যমণি  
যে-ভাষা এখন তোমাদের বুকের ডেতরে  
যে-ভাষা একদিন হয়ে উঠবে তোমাদের জীবন

## পূর্বলেখ

দু-দশক আগে আমার এক প্রিয় সম্পর্কে একটি বই লিখেছিলাম কিশোরতরূপদের জন্যে। প্রিয়র নাম বাঙলা সাহিত্য, বইটির নাম লাল শীল দীপাবলি। বইটি বাঙলা সাহিত্যের ইতিহাস। তবে প্রথাগত রীতিতে আর ভাষায় লিখি নি বলে, আর লিখেছিলাম যেহেতু স্পুর্ণ ও আবেগালোড়িত কিশোরতরূপদের জন্যে, তাই তার রেখেছিলাম এমন নাম। কবিতা মেখাব মতোই অনুপ্রাপ্তি হয়ে লিখেছিলাম বইটি; পাতায় পাতায় লেগেছিলো সৃষ্টিশীলতার ছোঁয়া। কয়েক বছর আগে আবার অনুপ্রাপ্তি হয়ে আমার আরেক প্রিয় সম্পর্কে লিখি এ-বইটি। এ-প্রিয়র নাম বাঙলা ভাষা। আমার ভেতরে এর নাম জেগে ওঠে কতো নদী সরোবর বা বাঙলা ভাষার জীবনী। এটিও প্রথাগত রীতি ও ভাষায় ও প্রাক্ষ পাঠকদের জন্যে লিখি নি। লিখেছি কিশোরতরূপদের জন্যে, যাদের কাছে বাস্তবও অনেকটা অপ্রের মতো। জ্ঞান যাদের কাছে এক রকম আবেগ ও সৌন্দর্য। আমার দুই আছেন্দা সম্পর্কে জড়িত প্রিয় সম্পর্কে কিশোরতরূপদের জন্যে দুটি বই লিখতে পেরে সুখ পাইছি। এ-বইটি প্রথম বেরিয়েছিলো “ধানশালিকের দেশ”-এর একটি বিশেষ সংখ্যায়। আমার দুটি বই—ফুলের গকে ঘূম আসে না ও এটি—ঝুবই অল্প সময়ের মধ্যে লিখেছিলাম এ-পত্রিকার সম্পাদকের আগ্রহে। বইটির টিতীয় সংস্করণ বেরোলো, এতে সুখ পাইছি। ভালো লাগবে যদি বইটি আবারো গ্রহণ করে আবেগ ও স্পন্দকাতর কিশোরতরূপেরা, কিশোরীতরণীরা।

## সূচিপত্র

চাতকচাতকীর মতো ৯ জনুকথা ১২ আদি-মধ্য-আধুনিক : বাঙলার জীবনের তিন কাল ১৫ গজা জটিল মাঝে যে বহুই নাই ১৭ কালিন্দীর কূলে

বাঁশি বাজে ২৪ হাজার বছর ধ'রে ৩০ খনিবদলের কথা ৩৩

খনিপরিবর্তন : শব্দের ঝপবদল ৩৭ আরি তুমি সে ৪৫ জলেতে উঠিলী  
রাহী ৫০ বহুচন ৫৪ আইসসি যাসি কয়সি ৫৭ সোনালি কৃপোলি শিকি

৬০ বাঙলা শব্দ ৬২ সিন্ন তাহার শব্দ ৬৫ বাঙলা তাহার ভূগোল ৬৮  
আ কালো অ শাদা ই লাল ৭৫ গদোয় কথা ৭৮ মান বাঞ্ছলা তারা ; সাধু ৭  
চলাতি ৮৭ অভিধানের কথা ৯৩ ব্যাকরণের কথা ৯৮ যে-সব বস্তে জনি

দুনিয়ার প্রাচীক প্রাচীক ইঙ্গ! তোমার মধ্যে দিকে ১০৫ [www.amarbol.com](http://www.amarbol.com) ~

## চাতকচাতকীর মতো

চাতকচাতকী আমি কখনো দেখি নি। তবে স্বপ্নজাগানো একটি গল্প শুনেছি আমার অদেখা ওই পাখি সম্পর্কে। পিপাসায় বুক ফেটে যেতে চায় চাতকের। দরকার তার ঠাণ্ডা জল। চারদিকে কতো দিঘিহ্রদ সাগর। কতো নদী সরোবর, কিন্তু তাতে, কবি রামনিধি গুণ প্রশংস করেছেন, কিবা ফল চাতকীর? চাতকচাতকীর পিপাসা তো মিটবে না পদ্মদিধির জলে। ঝর্নাধারায়, নদীর স্রোতে, সরোবরের টলটলে পানিতে। তার চাই মেঘগলা ঠাণ্ডা জল। চাতকচাতকী ডাকে, 'ঠাণ্ডা মেঘ, কালো মেঘ, জল দাও। তোমার ধারাজল ছাড়া কিছুতেই যে পিপাসা মেটে না।' এক সময় নীল আকাশের কালো মেঘ গ'লে বৃষ্টি নামে। আকাশ থেকে ঝর্ণার রেখার মতো নেমে আসা বৃষ্টির জল পান ক'রে তৃঝণ মেটে চাতকের। চাতকীর। আর কোনো জলে—ওই নদীর, দিঘির, ঝর্নার, সাগরের, সরোবরের জলে—পিপাসা মেটে না তাদের। আমরা সবাই ওই চাতকচাতকীরই মতো।

কতো ভাষা এই পৃথিবীতে। বাঙ্গলা ইংরেজি ফরাশি জর্মনি জাপানি কুশ তামিল তেলুগু মালায় আরবি ফারাসি হিন্দি আসামি ওড়িয়া হিন্দু ও আরো কতো ভাষা। ইচ্ছে করলে আর সুযোগ পেলে আমরা, শিখতে ও বলতে পারি যে-কোনো ভাষা। কিন্তু পৃথিবীর প্রতিটি মানুষের রয়েছে একটি আপন ভাষা : মাতৃভাষা। যে-ভাষা তার মায়ের, যে-ভাষা তার বাবার। যে-ভাষা তার সমাজের অন্যান্যের; যে-ভাষা তার নিজের। নিজ ভাষা ব'লে আর শুনে যে-সুখ, তা পাওয়া যায় না অন্য কোনো ভাষায়। প্রতিটি মানুষের মূল পরিচয় তার ভাষায়। তার জাতীয় পরিচয়ও খচিত তার ভাষায়। প্রতিটি মানুষ তার আপন ভাষার চাতক। প্রত্যেকের নিজ ভাষা তার কাছে মেঘগলা বৃষ্টির জলের মতো। তার ঠাণ্ডা আদর ছাড়া মানুষের পিপাসা মেটে না। কতোদিন আমি দূরদেশে, তিন বছর ধরে, বাসে চেপে পায়ে হেঁটে তুষার

ঠেলে বঙ্গুর বাসায় টোকা দিয়েছি শুধু একটু বাঙ্গলা বলবো ব'লে। শুধু একটু বাঙ্গলা শুনবো ব'লে। এমন হয় সব মানুষেরই। পৃথিবীতে কতো ভাষা, তবু শুধু একটি ভাষাই তার কানের ভেতর দিয়ে মর্মে পশে। পৃথিবীতে কতো মা, তবু শুধু একজনের জন্যেই চোখ জলে ভ'রে ওঠে। আনচান করে প্রাণ।

বাঙ্গলা আমার মাতৃভাষা। আমাদের মাতৃভাষা। তার রূপ আর শোভায় আর সৌন্দর্যে আমি মুক্ষ। পৃথিবীতে আরো বহু ভাষা আছে। তাদের কোনোটির সৌন্দর্যে অঙ্ক হয়ে যায় চোখ। কোনোটির গ্রিশ্বর্যের কাছে নুয়ে আসে মাথা। কোনোটির দর্পের কাছে হার মানতে হয় মুখোমুখি হওয়ার সাথেসাথে। তবুও আমার কাছে বাঙ্গলার মতো আর কোনো ভাষা নেই। বাঙ্গলা আমার মাতৃভাষা। আমার ভাষা। আমার আনন্দ এ-ভাষায় নেচে ওঠে ময়ূরের মতো। আমার সুখ ভোরের রৌদ্র বিকেলের ছায়া আর সন্ধ্যার আভার মতো বিচ্ছুরিত হয় বাঙ্গলা ভাষায়। আমার বেদনা আমার দুঃখ থরোথরো ক'রে ওঠে বাঙ্গলা ভাষায়। আর কোনো ভাষা আমার দুঃখে কাতর হয় না। আর কোনো ভাষা পুনর্কিত শিহরিত মর্মান্তির আকুল ব্যাকুল চপ্পল অধীর হয় না আমার সুখে আমার আনন্দে।

আমি বাঙ্গলা ভাষার রূপে আর শোভায় আর সৌন্দর্যে মুক্ষ। আমার মায়ের মুখের মতো সে শান্ত। তার অঙ্গের মতো সে কোমলকাতর। আমার মায়ের দীর্ঘশ্বাসের মতোই নরম আমার মাতৃভাষা। কখনো সে অন্য রূপ নেয়, শোভা ছড়িয়ে দেয়। মুক্ষ করে আমাকে অন্যভাবে। তাকে দেখে আমার চাঁদের কিরণের কথা মনে পড়ে; জ্যোৎস্নায় ছেয়ে যায় চারদিক। তার শরীর থেকে দৃতি ঠিকরে পড়ে। বলমল ক'রে ওঠে চিন্ত। যখন বাঙ্গলা ভাষা দীর্ঘশ্বাস ফেলে তখন আমার চণ্ডীদাসের নাম মনে পড়ে। তার উল্লাসে আমার মনে পড়ে মধুসূন্দনের মুখ। তার থরোথরো ভালোবাসার নাম আমার কাছে রবীন্দ্রনাথ। তার বিজন অঞ্চলবিদ্যুর নাম জীবনানন্দ। তার বিদ্রোহের নাম নজরুল। বাঙ্গলা আমার ভাষা। এ-ভাষা ছাড়া আমি নেই।

হাজার বছর আগে জন্ম হয়েছিলো বাঙ্গলা ভাষার। প্রাচীন ভারতীয় আর্যভাষা মানুষের মুখেয়ে রূপান্তরিত হয়ে বঙ্গীয় অঞ্চলে জন্ম নিয়েছিলো এক মধুর-কোমল-বিদ্রোহী প্রাকৃত। তার নাম বাঙ্গলা। তাকে কখনো বলা হয়েছে ‘প্রাকৃত’, কখনো বলা হয়েছে ‘গৌড়ীয় ভাষা’। কখনো বলা হয়েছে ‘বাঙালা’, কখনো ‘বাঙলা’। এখন বলি ‘বাঙ্গলা’ বা ‘বাংলা’।

এ-ভাষায় লেখা হয় নি কোনো ঐশ্বী শ্লোক। জন্মের সময় বাঙ্গলা ভাষা মেহ পায় নি সমাজপ্রভুদের। কিন্তু তা হাজার বছর ধ'রে বইছে ও প্রকাশ

করেছে কোটিকোটি সাধারণ মানুষের স্বপ্ন ও বাস্তব। বৌদ্ধ বাউলেরা এ-ভাষায় রচেছেন দৃঢ়ব্রহ্মের গীতিকা। বৈক্ষণ কবিরা ভালোবেসেছেন হাতাকার করেছেন এ-ভাষায়। মঙ্গলকাব্যের কবিরা এ-ভাষায় রচনা করেছেন লৌকিক মঙ্গলগান। এ-ভাষায় রচিত হয়েছে আধুনিক মানুষের কতো না উপাখ্যান। এ-ভাষার জন্য উৎসর্গিত হয়েছে আমার ভাইয়ের রক্ত। এ-ভাষার জল ছাড়া আমার পিপাসা মেটে না। আমার স্বপ্ন ভেঙে যায় এ-ভাষা ছাড়া। এ-ভাষা ছাড়া থেমে যায় আমার বাস্তব। আমার জীবন। আমি তার গান গাই।

## জন্মকথা

কোথা থেকে এসেছে আমাদের বাঙ্গলা ভাষা? ভাষা কি জন্ম নেয় মানুষের মতো? বা যেমন বীজ থেকে গাছ জন্মে তেমনভাবে জন্ম নেয় ভাষা? না, ভাষা মানুষ বা তরুণ মতো জন্ম নেয় না। বাঙ্গলা ভাষাও মানুষ বা তরুণ মতো জন্ম নেয় নি। বা কোনো কল্পিত স্বর্গ থেকে আসে নি। এখন আমরা যে-বাঙ্গলা ভাষা বলি এক হাজার বছর আগে তা ঠিক এমন ছিলো না। এক হাজার বছর পরও ঠিক এমন থাকবে না। বাঙ্গলা ভাষার আগেও এ-দেশে ভাষা ছিলো। সে-ভাষায় এ-দেশের মানুষ কথা বলতো, গান গাইতো, কবিতা বানাতো। ভাষার ধর্মই বদলে যাওয়া। মানুষের মুখেমুখে বদলে যায় ভাষার ধর্ম। রূপ বদলে যায় শব্দের, বদল ঘটে অর্থের। অনেক দিন কেটে গেলে মনে হয় ভাষাটি একটি নতুন ভাষা হয়ে উঠেছে। বাঙ্গলা ভাষার আগেও এ-দেশে ভাষা ছিলো। আর সে-ভাষার বদল ঘটেই জন্ম হয়েছে বাঙ্গলা ভাষার।

আজ থেকে এক শো বছর আগেও কারো কোনো স্পষ্ট ধারণা ছিলো না বাঙ্গলা ভাষার ইতিহাস সম্পর্কে। কেউ জানতো না কতো বয়স এ-ভাষার। জানতো না কোন ভাষা থেকে জন্ম নিয়েছে বা উদ্ভূত হয়েছে বাঙ্গলা ভাষা। তখন একে কেউ বলতো বাঙালা ভাষা। কেউ বলতো প্রাকৃত ভাষা। কেউ বলতো গৌড়ীয় ভাষা। ভারতবর্ষের একটি পবিত্র ভাষা হচ্ছে সংস্কৃত। সংস্কৃত ভাষার অনেক শব্দ ব্যবহৃত হয় বাঙ্গলা ভাষায়। একদল লোক মনে করতেন ওই ভাষাই বাঙ্গলার জননী। বাঙ্গলা সংস্কৃতের মেয়ে। তবে দুষ্ট মেয়ে, যে মাঝের কথা মতো চলে নি। না চ'লে চ'লে অন্য রকম হয়ে গেছে। তবে উনিশ শতকেই আরেক দল লোক ছিলেন, যাঁরা মনে করতেন বাঙ্গলার সাথে সংস্কৃতের সম্পর্ক বেশ দূরের। তাঁদের মতে বাঙ্গলা ঠিক সংস্কৃতের কল্যা নয়। অর্থাৎ সরাসরি সংস্কৃত ভাষা থেকে উৎপত্তি ঘটে নি।

১২ কতো নদী সরোবর বা বাঙ্গলা ভাষার জীবনী

বাঙলার। ঘটেছে অন্য কোনো ভাষা থেকে। সংস্কৃত ছিলো হিন্দু সমাজের উচ্চশ্রেণীর মানুষের লেখার ভাষা। তা কথ্য ছিলো না। কথা বলতো মানুষেরা নানা রকম 'প্রাকৃত' ভাষায়। প্রাকৃত ভাষা হচ্ছে সাধারণ মানুষের দৈনন্দিন জীবনের কথ্য ভাষা। তাঁরা বিশ্বাস করতেন যে সংস্কৃত থেকে নয়, প্রাকৃত ভাষা থেকেই উন্নত ঘটেছে বাঙলা ভাষার।

কিন্তু নানা রকম প্রাকৃত ছিলো ভারতবর্ষের বিভিন্ন অঞ্চলে। তাহলে কোন প্রাকৃত থেকে উন্নত ঘটেছিলো বাঙলার? এ-সম্পর্কে প্রথম স্পষ্ট মত প্রকাশ করেন জর্জ আব্রাহাম গ্রিয়ারসন। বহু প্রাকৃতের একটির নাম মাগধী প্রাকৃত। তাঁর মতে মাগধী প্রাকৃতের কোনো পূর্বাঞ্চলীয় রূপ থেকে জন্ম নেয় বাঙলা ভাষা। পরে বাঙলা ভাষার উন্নত ও বিকাশের বিস্তৃত ইতিহাস রচনা করেন ডেট্রি সুনীতিকুমার চট্টোপাধ্যায় এবং আমাদের চোখে স্পষ্ট ধরা দেয় বাঙলা ভাষার ইতিহাস। সে-ইতিহাস বলার জন্যে আমাদের একটু পিছিয়ে যেতে হবে। পিছিয়ে যেতে হবে অস্তত কয়েক হাজার বছর।

ইউরোপ ও এশিয়ার বেশ কিছু ভাষার ধ্বনিতে শব্দে লক্ষ্য করা যায় গভীর মিল। এ-ভাষাগুলো যে-সব অঞ্চলে ছিলো ও এখন আছে, তার সবচেয়ে পশ্চিমে ইউরোপ আর পুরো ভারত। ভাষাবিজ্ঞানীরা এ-ভাষাগুলোকে একটি ভাষাবৎশে সন্দেহ বলে মনে করেন। ওই ভাষাবৎশেটির নাম ইন্দো-ইউরোপীয় ভাষাবৎশ বা ভারতী-ইউরোপীয় ভাষাবৎশ। এ-ভাষাগুলোকে অসমৰ্থ নামেও ডাকা হতো এক সময়। ইন্দো-ইউরোপীয় ভাষাবৎশে আছে অনেকগুলো ভাষা-শাখা, যার একটি হচ্ছে ভারতীয় আর্যভাষা। ভারতীয় আর্যভাষার প্রাচীন ভাষাগুলোকে বলা হয় প্রাচীন ভারতীয় আর্যভাষা। প্রাচীন ভারতীয় আর্যভাষার প্রাচীন রূপ পাওয়া যায় ঝঁঝেদের মন্ত্রগুলোতে। এগুলো সম্ভবত লিখিত হয়েছিলো জেসাস ক্রাইস্টের জন্মেরও এক হাজার বছর আগে; অর্থাৎ ১০০০ খ্রিস্টপূর্বাব্দে। এ-সময় আর্যরা আরো নানা "বেদ" ও রচনা করেন। বেদের শ্লোকগুলো খুব পবিত্র; তাই অনুসারীরা মুখস্থ করে রাখতো ওই সব শ্লোক। শতাব্দীর পর শতাব্দী কেটে যেতে থাকে। মানুষ দৈনন্দিন জীবনে যে-ভাষা ব্যবহার করতো বদলে যেতে থাকে সে-ভাষা। এবং এক সময় সাধারণ মানুষের কাছে দুর্বোধ্য হয়ে ওঠে বেদের ভাষা বা বৈদিক ভাষা। তখন ব্যাকরণবিদেরা নানা নিয়ম বিধিবদ্ধ করে একটি মান ভাষা সৃষ্টি করেন। ওই ভাষার নাম 'সংস্কৃত'; অর্থাৎ বিধিবদ্ধ, পরিশীলিত, শুন্দি ভাষা। খ্রিস্টপূর্ব ৪০০ অ�্দের আগেই এ-ভাষা বিধিবদ্ধ হয়েছিলো।

সংস্কৃত ছিলো লেখা ও পড়ার ভাষা। তা কথ্য ছিলো না। তখন ভারতবর্ষে যে-কথ্য ভাষাগুলো ছিলো, সেগুলোকে বলা হয় প্রাকৃত।

কতো নদী সরোবর বা বাঙলা ভাষার জীবনী ১৩

জেসাসের জন্মের আগেই তাই পাওয়া যায় ভারতীয় আর্যভাষার তিনটি শ্বর। প্রথম স্তরটির নাম বৈদিক বা বৈদিক সংস্কৃত। খ্রিস্টপূর্ব ১২০০ অব্দ থেকে খ্রিস্টপূর্ব ৮০০ অব্দ এ-ভাষার কাল। তারপর পাওয়া যায় সংস্কৃত; খ্রিস্টপূর্ব ৮০০ অব্দের দিকে এটি সম্ভবত বিধিবন্ধ হতে থাকে এবং খ্রিস্টপূর্ব ৪০০ অব্দের দিকে ব্যাকরণবিদ পাণিনির হাতে এটি চরমভাবে বিধিবন্ধ হয়। বৈদিক ও সংস্কৃতকে বলা হয় প্রাচীন ভারতীয় আর্যভাষা। প্রাকৃত ভাষাগুলোকে বলা হয় মধ্যভারতীয় আর্যভাষা। মোটামুটিভাবে খ্রিস্টপূর্ব ৪০০ অব্দ থেকে ১০০০ খ্রিস্টাব্দ পর্যন্ত এ-ভাষাগুলো কথ্য ও লিখিত ভাষারূপে ভারতের বিভিন্ন স্থানে প্রচলিত থাকে। এ-প্রাকৃত ভাষাগুলোর শেষ শ্বরের নাম অপদ্রংশ বা অবহট্ট অর্থাৎ যা খুব বিকৃত হয়ে গেছে। এ-অপদ্রংশরাশি থেকেই উৎপন্ন হয়েছে বিভিন্ন আধুনিক ভারতীয় আর্যভাষা—বাঙ্গলা, হিন্দি, গুজরাটি, মারাঠি, পাঞ্জাবি প্রভৃতি ভাষা।

ডষ্টের সুনীতিকুমার চট্টোপাধ্যায় একটি অপদ্রংশের নাম বলেন মাগধী অপদ্রংশ। মাগধী অপদ্রংশের আবার তিনটি শাখা। একটির নাম পূর্ব-মাগধী অপদ্রংশ; আরেকটির নাম মধ্য-মাগধী অপদ্রংশ, এবং আরেকটির নাম পশ্চিম-মাগধী অপদ্রংশ। তাঁর আবার এ-ভাগ করেছিলেন জর্জ প্রিয়ারসন; সুনীতিকুমার অনুসরণ করেন্সে প্রিয়ারসনকেই। পূর্ব-মাগধী অপদ্রংশ থেকে উদ্ভূত হয়েছে বাঙ্গলা আৰ আসামি ও ওড়িয়া ভাষা। তাই বাঙ্গলার সাথে খুবই ঘনিষ্ঠ সম্পর্ক আসামি ও ওড়িয়ার। আরো কয়েকটি ভাষারও ঘনিষ্ঠ আঘীয়তা প্রয়োজনে বাঙ্গলার সাথে; কেননা সেগুলোও জন্মেছিলো মাগধী অপদ্রংশের অন্য দুটি শাখা থেকে। ওই ভাষাগুলো হচ্ছে মেথিলি, মগহি, ভোজপুরিয়া। ডষ্টের মুহম্মদ শহীদুল্লাহ বাঙ্গলা ভাষার উৎপন্নি সম্পর্কে অবশ্য একটু ভিন্ন মত পোষণ করেন। তিনি একটি প্রাকৃতের নাম বলেন গৌড়ী প্রাকৃত। তিনি মনে করেন গৌড়ী প্রাকৃতেরই পরিণত অবস্থা গৌড়ী অপদ্রংশ থেকে উৎপন্নি ঘটে বাঙ্গলা ভাষার। এ-মতটিকে অবশ্য বেশি লোক মানে না।

## আদি-মধ্য-আধুনিক : বাঙ্গলার জীবনের তিন কাল

কখন জন্মেছিলো বাঙ্গলা ভাষা? কারা সেই প্রথম বাঙালি, যাদের কঠে বেজে উঠেছিলো একটি নতুন ভাষা, যার নাম বাঙ্গলা? ঠিক একটি বাঙ্গলা ভাষাই কি জন্ম নিয়েছিলো সেই ধূসর অতীতে? নাকি বাঙ্গলার বিভিন্ন অঞ্চলে বাঙালির কঠে ধ্বনিত হয়েছিলো বিভিন্ন রকম বাঙ্গলা ভাষা? তা ঘটেছিলো কোন শতাব্দীতে? খুব নিশ্চিত কঠে কিছুই বলা যায় না। কারণ যে-দিন জন্মেছিলো বাঙ্গলা সে-দিনই তা ক্ষেত্র লিখে রাখে নি। মানুষের বৃক্ষ থেকে মানুষের মুখে এসে ধ্বনিত হয়ে আদি বাঙ্গলা ভাষা মিশে গেছে আকাশেবাতাসে। তবে বাঙ্গলা ভাষার জন্মের কাল সম্পর্কে নানা অনুমান করতে পারি আমরা, যেমন্তে অনুমান করেছেন বাঙ্গলা ভাষার বিভিন্ন ঐতিহাসিক।

ডেট মুহম্মদ শহীদুল্লাহ বাঙ্গলা ভাষার জন্মলগ্নের রোজে একটু বেশি অতীতে যেতে ভালোবাসেন। তিনি মনে করেন ৬৫০ খ্রিস্টাব্দের কাছাকাছি কোনো সময়ে, অর্থাৎ সপ্তম শতকে, গৌড়ী প্রাকৃত থেকে জন্ম নিয়েছিলো আধুনিকতম প্রাকৃত বাঙ্গলা ভাষা। এতো আগে বাঙ্গলা ভাষার জন্ম না হলেও বাঙ্গলা পৃথিবীর জীবিত ভাষাগুলোর মধ্যে অত্যন্ত বয়ক্ষ ভাষা। তবে আজকাল এতো বয়ক্ষ মনে করা হয় না বাঙ্গলা ভাষাকে। ডেট সুনীতিকুমার চট্টোপাধ্যায় মনে করেন ৯০০ বা ৯৫০ খ্রিস্টাব্দের কাছাকাছি সময়ে, অর্থাৎ দশম শতকে, মাগধী অপভ্রংশ থেকে জন্ম নিয়েছিলো কোমল-মধুর-বিদ্রোহী বাঙ্গলা ভাষা। এ-হিশেবেও বাঙ্গলা ভাষার বয়স এক হাজার একশো বছর। সুনীতিকুমার চট্টোপাধ্যায়ের মতই আজকাল গৃহীত।

হাজার বছর আগে যে-বাঙ্গলা ভাষা বেজে উঠেছিলো আদি বাঙালিদের কঠে, তার সাথে আজকের বাঙ্গলার অমিল অনেক। প্রথম জন্মের পর কেটে

কতো নদী সরোবর বা বাঙ্গলা ভাষার জীবনী ১৫

গেছে অনেক অঙ্ককার শতাব্দী, জ্যোৎস্নায় জড়ানো অনেক শতক। বাঙ্গলা ভাষাও জ্যোৎস্না অঙ্ককার ভেঙে এগিয়েছে সামনের দিকে। জন্মকালে যে-বাঙ্গলা ভাষা ছিলো, তা আজ শুনলে মনে হয় বহু অতীতের কর্তৃত্ব শুনছি। যার কিছুটা বুঝি, বুঝি না অনেকটা। যার স্বর চেনা মনে হয় কখনো, আবার মনে হয় অচেনা। যেনে স্বপ্নের মধ্যে শুনছি জড়িয়ে-যাওয়া এক আধো অপরিচিত আধো পরিচিত ভাষা। ভাষা বদলে যায় কালেকালে; বদলে গেছে বাঙ্গলা ভাষাও। বিভিন্ন যুগে বিভিন্ন শতকে বিভিন্নভাবে বদলে, সুন্দর শক্তিশালী রূপময় হয়ে, গ'ড়ে উঠেছে আজকের বাঙ্গলা ভাষা। কিন্তু তা এমন ছিলো না দুশো বছর আগে। আবার দুশো বছর আগে যেমন ছিলো, ঠিক তেমনি ছিলো না চারশো বছর আগে। আবার তেমন ছিলো না জন্মের লংগে জন্মের শতকে।

সেই পুরোনো সেই প্রথম কালের বাঙ্গলা ভাষাকে বলা হয় প্রাচীন বাঙ্গলা বা আদি বাঙ্গলা ভাষা। সে-ভাষা সহজে বোঝা যায় না। পণ্ডিতদের ব্যাখ্যা প'ড়ে বুঝতে হয়। ১২০০ থেকে ১২০০ খ্রিস্টাব্দ;—এই আড়াই শো বছরে বাঙ্গলা ভাষা যে-রূপ নিয়েছিলো, তাকে বলা হয় আদি বাঙ্গলা ভাষা। “চর্যাপদ” নামে একগুচ্ছ গান পাওয়া গেছে। ওই গানগুলো লেখা হয়েছিলো আদিযুগের বাঙ্গলা ভাষায়। আদিযুগের পরের বাঙ্গলা ভাষাকে বলা হয় মধ্যযুগের বাঙ্গলা ভাষা। মধ্যযুগের বাঙ্গলা ভাষা অতো সুন্দর অচেনা নয়—অনেক কিছু বোঝা যায় তার। যদিও সবটা বোঝা যায় না। কিন্তু বোঝা যায় অনেক কিছু। তার অনেক শব্দ আজকের শব্দের মতো, তার ধ্বনি আজকের ধ্বনির মতোই অনেকটা। বাঙ্গলা ভাষার মধ্যযুগটি খুব দীর্ঘ। ছ-শো বছরের এ-যুগ। ১২০০ থেকে ১৮০০ খ্রিস্টাব্দ পর্যন্ত সময়ে যে-বাঙ্গলা ভাষা কথিত হতো, আর পাওয়া গেছে যার লিখিত রূপ, তাকে বলা হয় মধ্যযুগের বাঙ্গলা ভাষা। মধ্যযুগের শুরুতেই আছে দেড় শো বছরের একটি ছোট যুগ। ১২০০ থেকে ১৩৫০ খ্রিস্টাব্দের বাঙ্গলা ভাষাকে বলা হয় আঁধার যুগের বা ক্রান্তিকালের বাঙ্গলা ভাষা। ১৮০১ থেকে শুরু হয় আধুনিক বাঙ্গলা ভাষা। উনিশ শতকের বাঙ্গলা আর আজকের বাঙ্গলার মধ্যেও অধিল অনেক। তবু ওই বাঙ্গলারই পরিণতি বিশ্বাসকের বাঙ্গলা।

## গঙ্গা জউনা মাঝেরে বহই নাঈ

গঙ্গা যমুনার মাঝে নৌকা বয় রে । হাজার বছর আগে যদি এ-কথাটি বলতে হতো আমাকে, তাহলে বলতাম : গঙ্গা জউনা মাঝেরে বহই নাঈ; —যেমন বলেছিলেন বাঙ্গলা ভাষার প্রথম যুগের এক কবি ডোঁফীপাদ । ওই আদি বাঙ্গলা ভাষা হারিয়ে গিয়েছিলো । আশি বছর আগেও কোনো বাঙালি জানতো না কেমন ছিলো প্রথম যুগের বাঙ্গলা ভাষা । মানুষের মুখের কথা তো খাঁচা-ছেড়ে-উড়ে-যাওয়া পাখির মতো, স্বেচ্ছ-পাখি আর কখনো খাঁচায় ফিরে আসে না । কথা বলার সময় মুখ থেক্কে মুখের হয়ে ওঠে যে-ধৰনিগুলো, সেগুলো মিলিয়ে যায় আকাশেবাতাসেও কেউ আর তাদের ফিরিয়ে আনতে পারে না । কিন্তু যদি লিখিত হয়ে আসায় কথাগুলো, তাহলে তা টিকে থাকে বছরের পর বছর, শতাব্দীর প্রশংস্তাব্দী । প্রাকৃত থেকে, হাজার বছর আগে কোনো এক সময়ে, বঙ্গীয় ভূখণ্ডে যখন জন্ম নিয়েছিলো বাঙ্গলা ভাষা, ধ্বনিত হয়ে উঠেছিলো তার স্বর আর ব্যঞ্জন, ঠিক তখনি কেউ সে-ভাষা লিখে ফেলে নি কাগজে বা গাছের বাকলে বা ভূর্জপত্রে । তাই প্রথম যুগের বাঙ্গলা ভাষা মিশে গেছে আকাশেবাতাসে । তারপর এক সময় বুকের গান বাঙ্গলা ভাষায় ধ্বনিত করতে শুরু করেন আমাদের প্রথম কবিরা । কিন্তু সেটা তো লেখার সময়, ছাপাখানার সময় ছিলো না । অনেক কবি হয়তো লিখতেই জানতেন না, কিন্তু বুক থেকে তাঁদের গান উঠতো । তাঁদের চোখ ছবি দেখতো । এক সময় তাঁদের গান লিখিত হয় । বাঁধা পড়ে কালি আর কাগজের বা অন্য কিছুর সোনার খাঁচায় । বন্ধনে জড়িয়ে পড়ে বন্ধনইন বাঙ্গলা ভাষা । সেই আদিয় রহস্যময়, সুন্দর, আলোঁআধারজড়ানো বাঙ্গলা ভাষার কথা কেউ জানতো না ১৯০৭ খ্রিস্টাব্দের আগে । হারিয়ে গিয়েছিলো আদি বাঙ্গলা ভাষা । বিদেশে লুকিয়ে ছিলো কোনো আবিষ্কারকের প্রতীক্ষায় ।

একজন অমর হয়ে গেছেন ওই আদি বাঙ্গলা ভাষা আবিক্ষার ক'রে। তিনি মহামহোপাধ্যায় হরপ্রসাদ শাস্ত্রী। তিনি সেই ভাগ্যবান, যাঁর চোখ প্রথম দেখতে পেয়েছিলো প্রথম যুগের বাঙ্গলা ভাষার মুখ। যেনো তাঁরই প্রতীক্ষায় ছিলো বাঙ্গলা ভাষা। ১৯০৭ অন্দে নেপালে যান মহামহোপাধ্যায় হরপ্রসাদ শাস্ত্রী। নেপাল রাজদরবারের প্রত্নশালায় তিনি আবিক্ষার করেন চারটি পুঁথি। ওই পুঁথিগুলো তিনি ১৯১৬ খ্রিস্টাব্দে বঙ্গীয়-সাহিত্য-পরিষৎ থেকে প্রকাশ করেন “হাজার বছরের পুরাগ বাঙ্গালা ভাষায় বৌদ্ধ গান ও দোহা” নামে। এ-বইটিতে সংকলিত হয়েছিলো চারটি বই। বইগুলো হচ্ছে “চর্যাচর্যাবিনিষ্ঠয়”, সরোজবজের “দোহাকোষ”, কৃষ্ণচার্যের “দোহাকোষ”, ও “ডাকর্ণব”। এ-গুলোর মধ্যে “চর্যাচর্যাবিনিষ্ঠয়”-এর গানগুলোই লেখা হয়েছিলো আদি যুগের বাঙ্গলা ভাষায়। “চর্যাচর্যাবিনিষ্ঠয়” নামটি দিয়েছিলেন হরপ্রসাদ শাস্ত্রী। তাঁর এ-বই প্রকাশের পর সাড়া প'ড়ে যায় বাঙ্গলার পণ্ডিতসমাজে—শিহরিত, বিস্মিত, উল্লম্বিত হন তাঁরা। কেননা বাঙ্গলা ভাষার এতো পুরোনো নমুনা আর আগে দেখা যায় নি। “চর্যাচর্যাবিনিষ্ঠয়”-এর নানা রকম নাম প্রস্তাৱ করেছেন পণ্ডিতেরা। কেউ বলেছেন এর নাম হওয়া উচিত “চর্যাচর্যাবিনিষ্ঠয়”। কেউ বলেন এর নাম “চর্যাগীতিকোষ”। এখন এ-গানগুলো “চর্যাপদ” নামেই পরিচিত ও প্রিয়।

“চর্যাপদ” আদিযুগের বাঙ্গালা ভাষায় লেখা কয়েকজন কবির গীতিবিতান। হরপ্রসাদ শাস্ত্রী আবিক্ষার ও প্রকাশ করেছিলেন যে-চর্যাপদগুচ্ছ, তাতে ছিলো ছেচাল্লশটি পুরো আর একটি খণ্ডিত পদ। অর্থাৎ মোট সাড়ে ছেচাল্লশটি পদ বা গান ছিলো তাঁর চর্যাপদে। পরে প্রবোধচন্দ্র বাগচী এ-গানগুলোর একটি তিবরতি অনুবাদ আবিক্ষার করেন। তাতে মনে হয় চর্যাপদের মোট গানের সংখ্যা ছিলো একান্ন। কয়েকটি পদ হয়তো নষ্ট হয়ে গিয়েছিলো। এখন বিভিন্ন চর্যাপদ সংকলনে পাওয়া যায় পঞ্চাশটি পদ। এ-পদগুলো লিখেছিলেন বৌদ্ধ সহজিয়া সাধকেরা—সিদ্ধাচার্যেরা। তেইশজন সিদ্ধাচার্য লিখেছিলেন এ-গানগুলো। এ-গানগুলোর ভাষা যেমন সুন্দর, ভাব যেমন রহস্যময়, তেমনি সুন্দর-রহস্যময় বাঙ্গলা ভাষার প্রথম কবিদের নামগুলো। তাঁদের নাম এমন : কাহপা, লুইপা, কুকুরীপা, বিরুআপা গুড়ীপা ভূসুকুপা, সরহপা, শবরপা প্রভৃতি। সবচেয়ে বেশি গান লিখেছেন কাহপা, যাঁর অন্য নাম কৃষ্ণচার্য বা কৃষ্ণচার্যপাদ বা কৃষ্ণবজপাদ। তিনি লিখেছেন তেরোটি গান। আর ভূসুকুপা লিখেছেন আটটি গান। অন্যরা কেউ একটি কেউ দুটি গান লিখেছেন। ‘চর্যা’ শব্দের অর্থ হলো ‘আচরণ’। এ-গানগুলোতে বৌদ্ধ সিদ্ধাচার্যেরা ধর্মের গৃঢ় কথা

বলেছেন, নির্দেশ করেছেন বিধিনিষেধ; অর্থাৎ সাধনার জন্য করতে হবে কী আচরণ, আর কী আচরণ পরিহার করতে হবে। তাই এগুলো তাত্ত্বিক গাথা। সাধারণ পাঠক বা শ্রোতার জন্যে এগুলো রচিত নয়। শুধুমাত্র দীক্ষিতদের জন্যেই এ-রহস্যময় গানগুলো।

এ-গানগুলো মূল্যবান প্রাচীন বাঙ্গলার সমাজের ছবির জন্যে; এবং কবিতার জন্যে। আমাদের প্রাচীনতম কবিদের বুকে কবিত্বের কোনো অভাব ছিলো না। তাঁদের আবেগ কবিতা হয়ে উঠেছে, তাঁদের দেখা দৃশ্য চিত্ররূপময় হয়ে উঠেছে গানেগানে। মণিমাণিক্যের মতো তাঁরা কবিতাকে সাজিয়ে দিয়েছেন উপমা-রূপক-উৎপ্রেক্ষায়। এ-সবের জন্যে চর্যাপদ সোনার মতো দামি। কিন্তু তারচেয়েও বেশি দাম এর ভাষার জন্যে। কবিতা তো আরো পাওয়া যায়, ছবিরও অভাব নেই। উপমা, রূপক, উৎপ্রেক্ষা তো ছড়িয়ে আছে বাঙ্গলা কবিতার পদেপদে। কিন্তু এ-ভাষা আর পাওয়া যাবে কোথায়? কোথায় পাওয়া যাবে প্রথম বাঙালিদের কঠিন? কোথায় আর পাওয়া যাবে জন্মকালের বাঙ্গলা ভাষার রূপ? কোথায় পাওয়া যাবে, এ-পঞ্চশটি পদে ছাড়া? ভাষার জন্যে চর্যাপদ মাণিক্যের চেয়েও মূল্যবান।

চর্যাপদ পড়ার সময় মনে হয় যেনো হাজার বছরেরও আগের কারো কথা শুনছি। তাঁর কথা সবটা বুঝে উঠেছে পারি না। আমার কথাও বুঝতেন না ওই কবিরা। আমি বলি : 'গঙ্গায়সুন্দর মাঝে নৌকা চলে।' তিনি বলেন : 'গঙ্গা জউনা মাঝে রে বহই নাই।' আমি বলি : 'সোনায় ভরা আমার করুণা নৌকো।' তিনি বলেন : 'পিলোনে ভরিলী করুণা নাবী।' আমি বলি : 'অঙ্কুরাব রাত, ইন্দুর চরছে।' তিনি বলেন : 'নিসি অঙ্কুরী মূসার চারা।' এভাবে তাঁর কথা আর আমার কথার মাঝে অনেকটা মিল আর অনেকটা অমিল। চর্যাপদ পড়ার সময় মনে হয় আমি যেনো স্বপ্নে কারো কথা শুনছি। তাঁর কথায় ছড়িয়ে গেছে আমার বাঙ্গলা ভাষা। কিছুটা বুঝতে পারি আর অনেকটা বুঝতে পারি না। না পারারই কথা। কেননা এ তো হাজার বছরের আগের বাঙ্গলা ভাষা।

দশম খেকে দ্বাদশ শতকের মধ্যে বাঙ্গলার আদিকবিরা আদি বাঙ্গলা ভাষায় রচনা করেছিলেন এ-রহস্যময় আদিম সৌন্দর্যময় কবিতাণুজ্ঞ। তাঁদের ভাষা বুঝতে পারি না; ভাব বুঝতে পারি না। চর্যাপদের 'কবিয়াও জানতেন, তাঁরা যে-কথা বলেছেন তা খুবই কঠিন, সকলের পক্ষে বোঝা সম্ভব নয়। কবি বুক্সুরীপা তো স্পষ্টই বলেছেন যে তাঁর কথা 'কোড়ি-মাঝে' একু হিআহি সনাইউ'; অর্থাৎ কোটিকের মাঝে গোটিকের মর্মে পশে তাঁর কথা। তাঁকে বুঝতে পারে এক-আধজন। কবি চেণ্টেগোও বলেছেন যে তাঁর

কতো নদী সরোবর বা বাঙ্গলা ভাষার জীবনী ১৯

গান বোবে খুব কম লোকেই—‘চেঞ্চে-গাএর গীত বিরলে বুঝই’। কিন্তু এ তো ভাবের কথা। বেশ কঠিন তাত্ত্বিক ধর্মীয় ভাবের কথা বলেছেন ঘরছাড়া সমাজছাড়া ওই সাধক কবিরা। তাঁদের ভাব বুবাতে হ’লে ঘর ছাড়তে হবে সমাজ ছাড়তে হবে। দীক্ষিত হ’তে হবে তাঁদের ধর্মে। কিন্তু ভাষা?

চর্যাপদের ভাষার মুখোমুখি বেশ বিচলিত বোধ করেছিলেন আবিক্ষারক হরপ্রসাদ শাস্ত্রীও। পুথি খুলেই যেনো একগুচ্ছ প্রহেলিকায় বিশ্বল হয়েছিলেন শাস্ত্রী। তিনি ভালোভাবেই বুঝেছিলেন যে চর্যাপদের ভাষা পুরোনো বাঙলা। কিন্তু বড়োই রহস্যময়;—কিছুটা বোঝা যায় কিছুটা বোঝা যায় না। তিনি এ-ভাষার নাম দিয়েছিলেন ‘সন্ধ্যাভাষা’। তাঁর মতে, ‘সন্ধ্যাভাষার মানে আলো-আঁধারি ভাষা, কতক আলো কতক অঙ্কার, খানিক বুৰা যায় কতক বুৰা যায় না।’ তিনি এ-ভাষাকে আলোঁআঁধারজড়ানো রহস্যময় সন্ধ্যার সাথে তুলনা করেছিলেন। তাঁর উপর শোভায় আলোড়িত হয়েও কেউকেউ একে আলোঁআঁধারি ভাষা ব’লে মেনে নেন নি। তাঁদের মতে ‘সন্ধ্যাভাষা’ হচ্ছে সে-ভাষা, যার অর্থ গভীরভাবে অনুধান ক’রে বুবাতে হয়। অর্থাৎ এ হচ্ছে এক রূপক ভাষা। আমরা প্রতিদিন যে-সব কথা বলি, তাতে তালো রূপক নেই। আমরা এক কথা ব’লে অন্য কিছু বোঝাতে চাই না। নোকোকো বললে নোকোই বোঝাই, হরিগ বললে হরিগ। গাছ বললে গাছবোঝাই, নদী বললে নদী। কিন্তু ওই কবিরা বলতেন নোকো, বোঝাতেন অন্য কিছু; বলতেন গাছ, বোঝাতেন শরীর। তাই এ-ভাষা রূপক, রহস্যময়, বোঝা-না-বোঝার মেঘরোদজড়ানো। একটি পদ পড়া যাক :

নগর বাহিরে ডোঁধি তোহোরি কুড়িআ।  
ছই ছেই যাই সো বাক্ষ নাড়িআ ॥  
আলো ডোঁধি তোএ সম করিবে ম সাঙ ।  
নিধিণ কাহকপালি জোই লাঙ ॥  
এক সো পদমা চৌসড়ী পাখড়ি ॥  
তাই চড়ি নাচআ ডোঁধী বাপুড়ি ॥  
আলো ডোঁধী তো পুছমি সদভাবে ।  
আইসসি জাসি ডোঁধী কাহরি নাবে ॥  
তান্তি বিকণহ ডোঁধী অবরনা চঙতা ।  
তু লো ডোঁধী হাউ কপালী ।

তোহোর অন্তরে মোএ ঘলিলি হাড়েরি মালী প্রচা।  
সরবর ভাঙীত ডোঁধী খাও মোলাণ।  
মারমি ডোঁধী লেমী পোরাণ প্রচা॥

এটি কবি কাহ্নপাদের একটি পদ। পুরোনো বাঙ্গলা ভাষায় পণ্ডিত নন এমন কারো পক্ষেই এটি পরোপুরি বোঝা সম্ভব নয়। পণ্ডিতেরাও যে সবাই একইভাবে পদটি বোঝেন, তাও নয়। তাঁদের মধ্যেও রয়েছে নানা রকম মত। যেমন প্রথম পংক্তির 'বাহিরে' শব্দটি কারো মতে 'বারিহিরে', কারো মতে 'বাহিরিরে'। এমন মতভেদ আছে পদটির বেশ কয়েকটি শব্দ সম্পর্কেই। আর অর্থ সম্পর্কে তো মতভেদ বেশ প্রকাও। তারপর আছে পদটির রূপকার্থ—সে-অর্থ যা শব্দের অর্থে ধরা পড়ে না। আধুনিক বাঙ্গলায় অনুবাদ করলে পদটি নেবে এমন রূপ :

নগরের বাইরে, ডোঁধী, তোমার কুঁড়েঘর।  
তুমি ত্রাক্ষণ নেড়াকে ছুঁমেছুঁয়ে যাও।  
ওগো ডোঁধী আমি তোমাকে বিয়ে কুরবো।  
আমি ঘৃণাহীন কাহ—কাপালিক যোগী ও উলঙ্গ।  
একটি সে পঞ্চ, তার চৌষট্টি পাপড়ি।  
তাতে চংড়ে নাচে ডোঁধী বেচাবী।  
ওগো ডোঁধী তোমাকে সদভাবে জিজ্ঞেস করি।  
কার নৌকোয় ~~প্রস্তুতি~~ আসা-যাওয়া করো?  
ডোঁধী তুমি তাঁত আর চাঙারি বিক্রি করো।  
তোমার জন্যে ছাড়লাম নটসজ্জা।  
তুমি তো ডোঁধী আর আমি কাপালিক।  
সরোবর ভেঙে ডোঁধী তুমি মৃগাল খাও।  
তোমার জন্যেই আমি নিয়েছি হাড়ের মালা।  
আমি ডোঁধীকে মারি, প্রাণ নিই।

আধুনিক অনুবাদে হয়তো বোঝা যাচ্ছে কথাগুলো। কিন্তু তার ভেতরের ভাব ধরা পড়ছে না। তাই হেঁয়ালি, বলবো কী চমৎকার হেঁয়ালির, যতো মনে হচ্ছে কথাগুলো।

চর্যাপদের ভাষা যে বাঙ্গলা তা পণ্ডিতেরা প্রমাণ করেছেন এ-ভাষার ব্যাকরণ তন্মত্ব ক'রে রেঁটে। তবে অন্যরাও, যেমন হিন্দিভাষী, মৈথিলিভাষী, ওড়িয়াভাষীরাও, দাবি করেছে চর্যার ভাষাকে নিজেদের ভাষা ব'লে। এমন দাবির কারণ দশম-দ্বাদশ শতকে বাঙ্গলা-হিন্দি-ওড়িয়া ভাষা

কতো নদী সরোবর বা বাঙ্গলা ভাষার জীবনী ২১

সবে জন্ম নিচ্ছিলো, আর তাদের মাতৃভাষার মধ্যে মিল ছিলো খুবই। আসামি ভাষা ও বাঙ্গলার মধ্যে তো ঘনিষ্ঠ মিল ছিলো ঘোলো শতক পর্যন্ত। চর্যাপদের ভাষাকে যে আমরা বাঙ্গলার আদিরূপ বলে মানি, তার কারণ এ-ভাষার সাথে পরবর্তী কালের বাঙ্গলা ভাষার মিল খুবই গভীর। ওই মিল আকস্মিক হ'তে পারে না। চর্যাপদের শব্দরাশির বহু শব্দ এখন আর আমরা ব্যবহার করি না। আর প্রায় সমস্ত শব্দেরই রূপ বদলে গেছে এক হাজার বছরে। তবু আদি বাঙ্গলা ভাষা ও আধুনিক বাঙ্গলা ভাষার রক্তের সম্পর্ক নষ্ট হয় নি। সম্পর্কটা ধরা পড়ে চর্যাপদের ভাষার ব্যাকরণ আলোচনা করলেই। ব্যাকরণ ব্যাপারটি বেশ ভয়ানক; তবুও দু-একটি জিনিশ সাহস ক'রে দেখে নেয়া ভালো।

আধুনিক বাঙ্গলায় আমরা সমস্কপদে অর্থাৎ অধিকার বা সমস্ক বোঝানোর জন্যে বিশেষ, সর্বনাম ইত্যাদির সাথে যোগ করি 'র', 'এর'। বলি : 'আমার আকাশ', 'কবির কবিতা', 'মায়ের মন'। চর্যাপদের বাঙ্গলায়ও পাওয়া যায় 'এর', 'অর'। কবি কুকুরীপাদ লিখেছেন : 'রখের তেতুলি কুঁটীরে খাও', অর্থাৎ 'গাছের তেতুল কুমীরে খাও'। কবি ভুসুকুপাদ লিখেছেন : 'হরিণ হরিণির নিলাত ন জাণি', এর অর্থ হলো : 'হরিণ জানে না হরিণীর ঘর।' 'রখের তেতুলি', 'হরিণির নিলাত' প্রভৃতি পদে যে-চিহ্ন দেখি, তা পাওয়া যায় আধুনিক বাঙ্গলা ভাষায়ও। ক্রিয়ার কাল প্রকাশের রীতি বিভিন্ন ভাষায় বিভিন্ন রক্তস্তো যখন বলি : 'স্মিতা খাচ্ছে', তখন স্মিতার খাওয়ার ক্রিয়াটি বক্তৃতান কালে ঘটছে বলে গেছে। যদি বলি : 'স্মিতা খাবে', তখন ক্রিয়াটি ভবিষ্যতে ঘটবে বলে গেছে। আর যদি বলি : 'স্মিতা খেলো', তখন বোঝায় যে খাওয়ার ক্রিয়াটি একটু আগে শেষ হয়েছে। সাধু বাঙ্গলায় ক্রিয়ার অতীত কাল বোঝানোর জন্যে ক্রিয়ামূলের সাথে 'ইল' যোগ করা হয়। যেমন : 'লক্ষণ কহিল', 'তাহারা আসিল', 'চোরে নিল'। কবি কুকুরীপাদ একটি আবেগাতুর বউর কথা লিখেছেন, যে রাতে জেগে থাকে, অথচ বিশ্বয়করভাবে তার কানের দুল চুরি হয়ে যায়। তিনি বলেছেন : 'কানেট চোরে নিল কা গই মাগঅই।' অর্থাৎ তাঁর কানেট নিলো চোরে এখন সে তা কোথায় খুজবে? ভবিষ্যৎকালে সাধুভাষায় ক্রিয়ামূলের সাথে যোগ করা হয় 'ইব'। যেমন : 'আমি করিব', 'আমি নাচিব'। চর্যাপদের ভাষায়ও তা দেখা যায়। কাহুপাদ লিখেছেন : 'শাখি করিব জালঙ্করি পাএ', অর্থাৎ সাক্ষী করবো জালঙ্করিপাদকে। এভাবে খুজেখুজে পাই আধুনিক বাঙ্গলার সাথে হাজার বছর আগের বাঙ্গলার সম্পর্ক।

চর্যাপদের কিছু শব্দ, যেগুলোকে অস্তুত মনে হয় আমাদের কাছে, তুলে দিচ্ছি এখানে। বন্ধনির ভেতরে দেয়া হলো অর্থ। অকিলেসেঁ (অক্রেশেঁ : বিনা পরিশ্রমে), আচ্ছঁ (আছি), অদ্ভুত (অস্তুত), অবগাগবন (আনাগোনা), আইলেসি (এসেছে), উইএ (উদিত হয়), উএস (উপদেশ), উঞ্চা উঞ্চা (উচু উচু), করুণা নাবী (করুণা নৌকো), কল-এল-সাদেঁ (কলকল শব্দ), কাআবাকচিঅ (কায়বাকচিত্ত), কেডুআল (দাঁড়), গঅণ (আকাশ), শুহাড়া (অনুরোধ), ঘলিলি (নিলাম), চটকেড়ি (চোর কোটি), ছুপই (ছোই), জাগহঁ (জানি), জোহা (জোঞ্চা), গাণা (নানা), গাবড়ি-খণ্ডি (ছোট নৌকো), তংংত্রী (তত্ত্ব), তিঅধাউ (তিন ধাতু), দুলি (কচ্ছপ), নঅ বল (দাবা খেলা), নঞ্জ (নদী), নাচঅ (নাচে), নাবী (নৌকো), পঁউআ-খালে (পদ্মার খালে), পিবই (পান করে), পীছ (পুছ), বিআলী (বিকেল), বেন্টে (বাঁটে), ভণই (বলে), মরণঅঅণা (মরণ ও জীবন), মহাসুখ (মহাসুখ), রহখের (গাছের), ষবসলী (অতিদুঃখ), ষামায় (ঢোকে), সাসু ঘরেঁ (শাস্ত্রীর ঘরে), হাঁড় (আমি), হিঅহি (হাদয়ে), হিওই (ঘুরে বেড়ায়), হোহ (হও)।

চর্যাপদের গানগুলোতে খচিত হয়ে আছে আদিমুগের বাঙ্গলা ভাষার পরিচয়। চর্যাপদের বাইরে পুরোনো বাঙ্গলা ভাষার কিছু শব্দ পাওয়া গেছে আরেকটি প্রহে। ১১৫৯ খ্রিস্টাব্দে সৰ্বানন্দ বন্দ্যোপাধ্যায় লিখেছিলেন সংস্কৃত অভিধান অমরকোষ-এর টীকা। ওই টীকার নাম টীকাসর্বসং। সংস্কৃত অভিধানের বাঙালি টীকাকার সংস্কৃত শব্দের প্রতিশব্দরূপে ব্যবহার করেছিলেন তিনশোর মতেছিদেশি শব্দ। তাঁর টীকায় পাওয়া যায় ফড়িঙ (ফড়িং), ডাশ (ড়াশ), ডাঢ়কাক (দাঁড়কাক), বেঙ (ব্যাঙ), চাল (চাল), টোপৰ (টোপৰ), সিঙ্কল (শেকল) প্রভৃতি শব্দ।

## কালিন্দীর কূলে বাঁশি বাজে

কালিন্দীর কূলে বাঁশি বেজে উঠলো । বাঁশি বেজে উঠলো গোঠ গোকুলে । তার সুরে কেঁদে উঠলো একটি মেয়ে । রাধা । সে তীনভুবনজনমোহিনী । শিরীষকুসুমকোঁআলী । অস্তুত কনকপুতলী । তার রূপে মুক্ত হয় তিন ভুবনের অধিবাসীরা । শিরীষকুসুমের মতো কোমল সে । রাধা এক অস্তুত—আগে কখনো দেখা যায় নি এমন—সোনার প্রতিমা । সে-রাধার কান্নার সুরে বাঁধা প'ড়ে আছে মধ্যযুগের প্রথম দিকের বাঙলা ভাষ্টা ।

যেমন আদি বাঙলা ভাষার কল্পের কথা কেউ জানতো না মহামহোপাধ্যায় হরপ্রসাদ শাস্ত্রীর “চর্যাপদ” আবিষ্কারের আগে, তেমনি মধ্যযুগের শুরুতে কেমন রূপ ছিলো বাঙলা ভাষার, তাও জানতো না কেউ “শ্রীকৃষ্ণকীর্তন” নামের একটি পুরু আবিষ্কারের আগে । পুরুখানি ছিলো বাঁকুড়া জেলার কাঁকিল্যা গ্রামের দেবেন্দ্রনাথ মুখোপাধ্যায়ের বাড়িতে । বহু শতাব্দী ধরে অনাদরে চোখের আড়ালে প'ড়ে ছিলো সোনার সূর্পের চেয়েও দামি এ-পুরুটি । ১৯০৯ খ্রিস্টাব্দে বসন্তরঞ্জন রায় বিদ্যুল্লভ ওই বাড়িতে উদ্দেশ পান পুরুটির । বলা যেতে পারে আবিষ্কার করেন তিনি পুরুটি । এর দু-বছর আগে বাঙলা ভাষার পুরোনো রূপ নেপালে আবিষ্কার করেছিলেন হরপ্রসাদ শাস্ত্রী । বসন্তরঞ্জন রায় আবিষ্কার করেন বাঙলা ভাষার মধ্যযুগের সূচনাকালের রূপ । তাই অমরতা জুটেছে তাঁরও ভাগ্যে ।

বাঙলা ভাষার ইতিহাসে ১৯১৬ একটি সোনার বছর । ওই বছরই বেরোয় হরপ্রসাদ শাস্ত্রীর আবিষ্কৃত হাজার বছরের পূর্বাগ বঙ্গলা ভাষায় বৌদ্ধ গান ও দোহা, অর্থাৎ “চর্যাপদ” । বাঙলি দেখতে পায় তার মাত্তভাষার আদি চেহারা । আর ওই বছরেই বসন্তরঞ্জন রায় বিদ্যুল্লভের সম্পাদনায় বঙ্গীয়-সাহিত্য-পরিষৎ থেকে প্রকাশিত হয় শ্রীকৃষ্ণকীর্তন। “শ্রীকৃষ্ণকীর্তন” বহু কবির লেখা কাব্য নয় । এটি একজন কবির লেখা

একটি বড়ো কাহিনীকাব্য। কবির নাম বড়ু চণ্ডীদাস। কাব্যটির “শ্রীকৃষ্ণকীর্তন” নাম কবি দেন নি, দিয়েছেন সম্পাদক। কাব্য হিশেবে অতুলনীয় ও অসামান্য “শ্রীকৃষ্ণকীর্তন”। কবি বড়ু চণ্ডীদাস বাঙ্গলা ভাষার প্রথম মহাকবি।

কখন জীবিত ছিলেন মহাকবি বড়ু চণ্ডীদাস? কখন লিখেছিলেন তিনি এ-কাব্য? কবি ও কাব্যের কাল সম্পর্কে বিতর্ক হয়েছে অনেক। রাখালদাস বন্দ্যোপাধ্যায় ছিলেন একজন লিপিবিদ। তিনি পুথিটির লিপি পরীক্ষা করে সিদ্ধান্তে পৌঁছেছিলেন যে কাব্যটি ১৩৮৫ খ্রিস্টাব্দের আগে—সম্ভবত চতুর্দশ শতকের প্রথমার্ধে—রচিত হয়েছিলো। মুহম্মদ শহীদনুল্লাহ মনে করেন যে চতুর্দশ শতকের শেষভাগে রচিত হয়েছিলো বড়ু চণ্ডীদাসের “শ্রীকৃষ্ণকীর্তন”। সুনীতিকুমার চট্টোপাধ্যায়ও এমনই মনে করেন। তিনি মনে করেন পঞ্চদশ শতকের সূচনার আগেই, অর্থাৎ চতুর্দশ শতকের দ্বিতীয় ভাগে রচিত হয়েছিলো কাব্যটি। এখন মনে করা হয় ১৩৫০ থেকে ১৪০০ খ্রিস্টাব্দের মধ্যে কোনো এক সময়ে এটি রচিত হয়েছিলো। এটির ভাষায় ওই কালের চিহ্ন আছে। তাই “শ্রীকৃষ্ণকীর্তন”-এ পাই মধ্যযুগের সূচনাকালের বাঙ্গলা ভাষার রূপ। বাঙ্গলা ভাষার ওই কালের এমন বিশ্বস্ত রূপ আর কোনো রচনায় পাওয়া যায় না।

“চর্যাপদ”-এ পাই দশম থেকে পাঁচদশ শতকের বাঙ্গলা ভাষা। শৈশবের বাঙ্গলা ভাষা। জন্মকালের বাঙ্গলা ভাষা। “শ্রীকৃষ্ণকীর্তন”-এ পাই চোদ্দশ শতকের শেষ দিকের বাঙ্গলা ভাষা। মধ্যযুগের শুরুর কালের বাঙ্গলা ভাষা। কিন্তু এর মাঝে যে কেটে গেছে দেড় শো বছর, ১২০০ থেকে ১৩৫০ খ্রিস্টাব্দ অন্ত। কোথায় গেল ওই দেড় শো বছরের বাঙ্গলা ভাষা? এক নয়, দুই নয়, দশ নয়, দেড় শো বছর? ওই সময় কি ছিলো না বাঙ্গলা ভাষা? তা তো হ'তে পারে না। আগে আছে, পরেও আছে, মাঝখানে ভাষার এ-ফাঁক তো বিস্ময়কর। এ নিয়ে বিস্মিত থাকতে হবে বাঙালিকে চিরকাল। ওই সময় বাঙালি ছিলো, ছিলো বাঙ্গলা ভাষা। কিন্তু তা মিশে গেছে আকাশেবোতাসে। তার লিখিত নমুনা নষ্ট হয়ে গেছে। এ-জন্যে বাঙ্গলা ভাষা ও সাহিত্যে এ-সময়টাকে, ১২০০ থেকে ১৩৫০-এর কালকে, বলা হয় অঙ্গকার যুগ। কখনো বলা হয় ক্রান্তিকাল। ওই সময়ে বাঙ্গলা ভাষার বিশ্বস্ত নমুনা পাই না। তাই যেই পাই “শ্রীকৃষ্ণকীর্তন”, উৎফুল্ল হয়ে উঠি আনন্দে। কেননা “চর্যাপদ”-এর ভাষার দেড় শো বছর পরের বাঙ্গলা ভাষার রূপ এতে লিপিবদ্ধ হয়ে আছে। ওই ফাঁকটা পুরবে না কখনো, বুঝতে পারবো না কীভাবে দেড় শো বছর ধরে বদলিয়েছিলো বাঙ্গলা। কিন্তু যেই

কভো নদী সরোবর বা বাঙ্গলা ভাষার জীবনী ২৫

“শ্রীকৃষ্ণকীর্তন” পাই, বুঝি বদলে গেছে বাঙ্গলা ভাষা। রঙের সম্পর্ক আছে তার সাথে “চর্যাপদ”-এর ভাষার, আছে রূপের সম্পর্ক। কিন্তু তা বেশ দূরের।

নদীর পারে বাঁশির সুরের মতো নরম, বুক থেকে বেরিয়ে আসা দীর্ঘশাসের মতো কোমল “শ্রীকৃষ্ণকীর্তন”-এর ভাষা। সোনার প্রতিমা রাধা এ-কাব্যে অনেক কেঁদেছে। তার চোখের জলের দাগ লেগে আছে এর ভাষায়। রাধা যেমন শিরীয় ফুলের মতো, এর ভাষাও তেমনি। আজকাল এর বেশকিছু শব্দ অচেনা হয়ে গেছে আমাদের কাছে, কিন্তু তা আমাদের বেশি কষ্ট দেয় না। “চর্যাপদ”-এর ধাঁধা আর প্রহেলিকা নেই, নেই কর্কশতা। “চর্যাপদ”-এর কবিরা ‘এবংকার দিচ্চি বাখোড় মোড়িট’ বলে গর্জন করেন, ‘বিবিহ বিআপক বান্ধন তোড়িট’ বলে ভেঙেচুরে ফেলেন সব বাধা। অনেক কষ্ট ক’রে বুঝি যে কবি ভেঙে ফেলেছেন দিনরাত্রির বন্ধনসন্ত্বস্ত, চুরমার করেছেন বিবিধ ব্যাপক শৃঙ্খল। তাঁর ওই ভাষা না বুঝে শুধু ধ্বনি শনেই বুঝি যে চিৎকার ক’রে উঠেছেন এক কর্কশ তাত্ত্বিক। ভয় লাগে ওই তাত্ত্বিকের চেহারা ভেবে। মন কেঁপে ওঠে তাঁর কথা শনে। কিন্তু “শ্রীকৃষ্ণকীর্তন”-এ কোথাও ওড়ে রাধার নীল শাড়ি, কোথাও মুক্তোর মতো যিলিক দেয় তার অঞ্চ। কোথাও তার জিশ্বাসে ভিজে ওঠে মাঠঘাট। তার কান্নায় কেঁদে ওঠে নীল হয়ে যমন্ত্রীর চেউ। “চর্যাপদ”-এর ভাষা পদ্মার গর্জন। “শ্রীকৃষ্ণকীর্তন”-এর ভাষ্য যমন্ত্রার কলতান।

বুঝতে খুব কষ্ট হয় না শুভভাষা। রাধা যখন বলে, ‘আল বড়ায়ি। এগার বৎসরের বালী। যেহে নলিনীদল কোঁঅলী।’ তখন গুণগুণ সুর শুনি। বুঝি সে বলছে, ‘ওগো বড়ায়ি, আমি এগারো বছরের বালিকা। যেনো পদ্মদলের মতো কোমল।’ কৃষ্ণ যখন বলে, ‘মুখ তোর আল রাধা বিকচ কমলে। নয়ন তোর নীল উত্পলে। মাণিক জিণিআঁ তোর দশনের যুতী।’ তখন বুঝি কৃষ্ণ খুব মুক্ষ হয়েছে রাধার সৌন্দর্যে। কেননা মুখ তার ফোটা পদ্ম। মাণিকের চেয়েও সুন্দর তার দন্তপংক্তি। কৃষ্ণ বলে, ‘রাধাকে না পাঁচা বেআকুল মনে।’ এ-কাব্যে ‘এবেঁ মলয় পবন ধীরে বহে।’ ‘সুগন্ধি কুসুমগণ বিকসএ।’ কৃষ্ণ চলে যাওয়ার পর রাধাকে ‘দিনের সূরজ পোড়াঁ মারে রাতিহো এ দুখ চান্দে।’ দিনের সূর্য তাকে দহন করে, রাতে দুঃখ দেয় চাঁদ। তারপর আসে ‘মেঘ আঙ্কারী অতি ভয়ঙ্কর নিশি।’ মেঘে অঙ্কারার ভয়ঙ্কর রাত। একা কদমতলায় ব’সে কাঁদে রাধা। ‘একসরী বুরো মো কদমতলে বসী।’ আর তখন ‘মলয় পবন বহে বসন্ত সমএ।’ বিকসিত ফুলগন্ধ বহু দূর জাএ।’ ফুলের গন্ধ ছড়িয়ে পড়ে দূর থেকে দূরে। কিন্তু কাঁদে রাধা। তার কান্নার

সুরে তার চোখের জলে টলমল করতে থাকে মধ্যমুগের শুরুর সময়ের  
কোমল-মধুর বাঙলা ভাষা । এ-কাব্যের একটি আকুলব্যাকুল পদ এমন :

কে না বাঁশী বাএ বড়ায়ি কালিনী নইকুলে ।  
কে না বাঁশী বাএ বড়ায়ি এ গোঠ গোকুলে॥  
আকুল শরীর মোর বেআকুল মন ।  
বাঁশীর শবদে মো আউলাইলো রাক্ষন ॥১॥  
কে না বাঁশী বাএ বড়ায়ি সে না কোন জনা ।  
দাসী হঁস্তা তার পাএ নিশিবৰ্ণ আপনা ॥২॥  
কে না বাঁশী বাএ বড়ায়ি চিত্তের হরিষে ।  
তার পায়ে বড়ায়ি মৌ কৈলো কোণ দোষে॥  
অৰৱ ঝৰএ মোর নয়নের পাণী ।  
বাঁশীর শবদে বড়ায়ি হারায়িলো পরাণী ॥৩॥  
আকুল করিতে কিবা আক্ষাৰ মন ।  
বাজাএ সুস্র বাঁশী নান্দেৰ নদন ॥  
পাখি নহো তার ঠাই উড়ি পঢ়ি জাও ।  
মেদনী বিদূৰ দেউ পসিআ লুকাও ॥৪॥  
বন পোড়ে আগ বড়ায়ি জগজনে জাণী ।  
মোর মন পোড়ে যেহে কুস্তান্তি পণী ।  
আন্তৰ সুখে মোর কান্দু অভিলাসে ।  
বাসলী শিরে বন্দী গাইল চৌদাসে ॥৫॥

‘শ্রীকৃষ্ণকীর্তন’-এর একটি সর্গের নাম ‘বংশীখণ্ড’। এটি ‘বংশীখণ্ড’-এর  
দ্বিতীয় পদ। ভাষা এর কঠিন নয়। এখানে সেখানে একটুআধটু বদল  
করলে, বানান আধুনিক করলে এ-ভাষা আমাদের কালের ভাষা হয়ে ওঠে।  
এর কানায়, এর বেদনায় সহজেই সাড়া দেয় আমাদের চিন্ত। আধুনিক  
বাঙলায় এ-পদটি হবে এমন :

কে বাঁশি বাজায় বড়ায়ি কালিনী (যমুনা) নদীৰ কূলে?  
কে বাঁশি বাজায় বড়ায়ি এ-গোঠ গোকুলে (যমুনা পারেৰ গ্রামে)?  
আমাৰ শরীৰ আকুল আৰ মন ব্যাকুল ।  
বাঁশিৰ সুৱে আমি রান্না এলোমেলো ক'ৱে ফেললাম ।  
কে বাঁশি বাজায় বড়ায়ি, কে সে জন?  
দাসী হ'য়ে তার পায়ে নিজেকে সঁপে দেবো ।  
কে বাঁশি বাজায়, বড়ায়ি, মনেৰ আনন্দে?

কতো নদী সৱোবৱ বা বাঙলা ভাষার জীবনী ২৭

তার কাছে, বড়ায়ি, আমি কী দোষ করেছি?  
 আমার চোখের পানি খারে অজস্র ধারায়।  
 বাঁশির সুরে আমি প্রাণ হারালাম।  
 আমার মন আকুল করার জন্যে কি  
 মধুর সুরের বাঁশি বাজাচ্ছে কৃক্ষ?  
 আমি পাখি নই যে তার কাছে উড়ে যাবো।  
 মাটি দু-ভাগ হও, আমি প্রবেশ ক'রে লুকোবো।  
 আগুনে বন পুড়লে বড়ায়ি সকলেই জানে।  
 আমার মন পোড়ে কুমোরের পোআনের মতো।  
 কৃষ্ণের অনুরাগে আমার মন সুখ পায়।  
 বাশলীর বন্দনা ক'রে গাইল চন্দিদাস।

এ-অনুবাদে অর্থ হয়তো কিছুটা বেশি স্পষ্ট হয়েছে, কিন্তু মুছে গেছে রাধার অঞ্চল, থেমে গেছে বাঁশির সুর, স্তুতি হ'য়ে গেছে যমুনার পার ব্যাকুল-করা রাধার আকুলতা।

“চর্যাপদ”-এর ভাষা নিয়ে বিতর্ক আছে, অন্যরাও—যেমন হিন্দি, মৈথিলি, ওড়িয়াভাষীরা—দাবি করেছেন “স্তুতিপদ”-এর ভাষাকে নিজেদের ভাষা ব'লে। “শ্রীকৃক্ষকীর্তন” নিয়ে অসম তর্কের সুযোগই নেই। এর ভাষা বাঙলা; এবং শুধুই বাঙলা। “শ্রীকৃক্ষকীর্তন”-এর অধিকাংশ শব্দই প্রাকৃত ও প্রাকৃতজাত। ওই শব্দরাশির একটি বড়ো অংশ এখনো বাঙলা ভাষায় চলে। প্রচুর ‘ণ’ ব্যবহৃত হয়েছে প্রির বানানে, আর চন্দ্রবিন্দু (ঁ) পাওয়া যায় এখানেস্থানে। এতে বেশকিছু অন্যর্থ শব্দ ব্যবহৃত হয়েছে। কিন্তু সেগুলো সংস্কৃত শব্দের সাথে ঘনিষ্ঠভাবে অনেক শতক ধ'রে আছে ব'লে সেগুলোকে সংস্কৃত শব্দ ব'লেই মনে হয়। নীর, পূজা, মলয়, মীন, মুকুট, কদলী, গঙ্গা, দুমুর, তাম্বল, নারিকেল প্রভৃতি এমন শব্দ। বইটিতে কয়েকটি আরবিফারাসি শব্দও পাওয়া গেছে। যেমন : কামান, মজুরি, মজুরিআ, খুরমূজা, বাকী, মিনতি প্রভৃতি শব্দ।

আধুনিক বাঙলায় বাক্যের কর্তা পুরুষ বা স্ত্রী, যাই হোক, তাতে ক্রিয়ার ক্রমে কোনো পার্থক্য ঘটে না। আমরা বলি, ‘ছেলেটি গেলো’, ‘মেয়েটি গেলো’। দু-বাক্যই ‘গেলো’। “শ্রীকৃক্ষকীর্তন”-এ অনেক জায়গায় দেখা যায় বাক্যের কর্তা যদি স্ত্রী হয়, তাহলে ক্রিয়াও স্ত্রী-ক্রম ধরে। পাওয়া যায় ‘গেলী রাহী’, ‘বড়ায়ি চলিলী’, ‘কোপে গরজিলী রাধা’র মতো প্রয়োগ।

আধুনিক বাঙলায় বহুবচন করা হয় সাধারণত ‘রা’, ‘এরা’, ‘দের’, ‘গলো’ প্রভৃতি যোগ ক'রে। বহুবচনের চিহ্নপে ‘রা’র প্রয়োগ ঘটে

“শ্রীকৃষ্ণকীর্তন”-এই প্রথম। পাওয়া যায় ‘আজি হৈতে আক্ষারা হৈলাহো একমতী’, ‘পুছিল তোক্ষারা কেহে’র মতো প্রয়োগ। তবে “শ্রীকৃষ্ণকীর্তন”-এ সমষ্টিবাচক শব্দ—‘সব’, ‘গণ’, ‘জন’ প্রভৃতি—দিয়েই বহুবচন প্রকাশ করা হয়েছে বেশি। যেমন : ‘তোক্ষে সব’, ‘যত নানা ফুল পান করপুর সব পেলাইল পা’, ‘এসব গোপবধূজন লঁআ কথা না যাসি বড়ায়ি’, ‘আর যত বাদ্যগণ আছের কাহাঙ্গি’।

ক্রিয়ার খুব মজার মজার রূপ পাওয়া যায় এ-কাব্যে। এখন আমরা শুধু ক্রিয়ার সাথে ‘ই’ যোগ ক’রে যা কিছু বোঝাই, এ-কাব্যে তা বোঝানোর জন্যে ক্রিয়ার সাথে কখনো কখনো ‘অঙ্গ’, কখনো ‘ও’, বা ‘ওঁ’, কখনো ‘ই’ বা ‘ঈ’, কখনো ‘ইএ’ যোগ করা হতো। যেমন : ‘যবে আন করো’, ‘নাহি হেন ডাল যাত করো বিসরামে’, ‘আক্ষে জাইএ দধি বিকে’, আক্ষে করিবাক পারী’।

এখন বাঙ্গালায় যেখানে ‘লাম’ বসে এ-কাব্যে সেখানে পাওয়া যায় ‘লো’ বা ‘লো’, কখনো ‘লাহো’, কখনো ‘ল’, কখনো ‘ই’। কৃষ্ণ বলছে, ‘হাথে তুলী মৌ খাইলো বীমে’, ‘অর্থাৎ হাতে তুলে আমি বিষ খেলাম’। রাধা বলছে, ‘পুনৰপি পড়িলাহো তাহান হাথে’।<sup>১</sup> অর্থাৎ ‘আবার তার হাতে পড়লাম’। কৃষ্ণ গর্ব করছে এমনভাবে : ‘মেদনী ধরিল আক্ষে দশনের আগে’, অর্থাৎ ‘দাঁত দিয়ে আক্ষিপৃথিবীকে ধরলাম’। এখন ভবিষ্যৎ বোঝানোর জন্যে যেখানে ‘বো’ ব্যবহার করি, এ-কাব্যে সেখানে বসেছে ‘বো’, কখনো ‘বওঁ’, কখনে ‘বোঁ’, কখনো ‘মো’। রাগেভিমানে যখন রাধা বাহুর বলয় চূর্ণবিচূর্ণ করতে চায়, তখন সে বলে, ‘বাহুর বলয়া মো করিবো শংখুর’। বাহুর বলয় আমি চূর্ণবিচূর্ণ করবো। অভিমানে অপমানে যখন আর বেঁচে থাকতেও চায় না, তখন রাধা বলে : ‘দিবওঁ পরাণ মোঁ করিব আঘাতী’। আমি প্রাণ দেবো, আঘাত্যা করবো।

কলিন্দীর কূলে বাঁশি বেজে উঠেছিলো ছ-শো বছর আগে। সে-বাঁশির সুর “শ্রীকৃষ্ণকীর্তন”। তাতে চিরকালের জন্যে বাঁধা পঁড়ে আছে বাঙ্গালা ভাষার মধ্যযুগের সূচনাকালের রূপ।

## হাজার বছর ধ'রে

কালের কুয়াশা যেরা এক সময়ে মাগধী প্রাক্তের বুক থেকে উদ্ভূত হয়েছিলো বাঙলা ভাষা। তারপর কেটে গেছে হাজার বছর। প্রজন্মের পর প্রজন্ম জন্মেছে বাঙালি, মিশে গেছে প্রকৃতির সাথে। কতো রাজা এসেছে আর মিশে গেছে আগুনে মাটিতে। নানাভাবে রূপ বদল ঘটেছে বাঙালির মাতৃভূমির। এসব নশ্বরতার মধ্যে শুধু অবিনশ্বর হয়ে আছে বাঙলা ভাষা। অবশ্য বাঙলা ভাষা বলতে একটি অনন্য বাঙলা ভাষা বোঝা ঠিক হবে না। বাঙলা ভাষা-অঞ্চলে বাঙালিরা ব্যবহার করেছে বিভিন্ন রকম বাঙলা ভাষা। কিন্তু তাদের মধ্যে ছিলো আন্তর মিহু তারা একই বাঙলা ভাষার বিভিন্ন আঞ্চলিক রূপ। বা বলা যেতে পারে বিভিন্ন আঞ্চলিক রূপ থেকে আধুনিক কালে জন্ম নিয়েছে এক সর্ববঙ্গীয় বাঙলা ভাষা। হাজার বছরে বিলুপ্ত হয়ে গেছে মানুষ, রাজাবাদশাহী বদলে গেছে দেশের আকৃতি। কিন্তু টিকে আছে বাঙালির ভাষা। তার কর্তৃস্বর। বাঙলা ভাষা।

কিন্তু কিছুই চিরস্থির অবিনশ্বর নয় পৃথিবীতে। বাঙলা ভাষাও নয়। হাজার বছরে পৃথিবীর কতো ভাষা ম'রে গেছে, হারিয়ে গেছে। বহু ভাষা শুধু লাশের মতো রক্ষিত হয়ে আছে কাগজের কফিনে। কোথায় আজ ভাষার রাজারা, হ্রিক-লাতিন-সংস্কৃত? কোথায় পালিপ্রাকৃত? ওই সব ভাষা আজ শুধু পঞ্চিদের আনন্দ। কোনো মানুষের বুক থেকে মুখ থেকে সেগুলো মুখর হয়ে ওঠে না। কিন্তু বাঙলা জীবিত ও জীবন্ত ভাষা, মুখর হয়ে ওঠে বাঙালির মুখ থেকে। বুক থেকে। রক্ত ও অঙ্গিত্ব থেকে। জন্মের পর কেটে গেছে তারও জীবনের হাজার বছরেরও বেশি সময়। এতো বছর ধ'রে স্থির অবিচল থাকে নি বাঙলা ভাষা। নানাভাবে বদলে গেছে তার রূপ। বদলে গেছে তার স্বর। কালেকালান্তরে নতুন থেকে নতুনতর হয়ে উঠেছে বাঙলা।

৩০ কতো নদী সরোবর বা বাঙলা ভাষার জীবনী

তিনিঁ পাটে লাগেলি রে অণহ কসণ ঘণ গাজই । “চর্যাপদ”-এ বাঙলা ভাষা ছিলো এমন সুদূর ।

মুছিওঁ পেলায়িবোঁ বড়ায়ি শিবের সিন্দুর । “শ্রীকৃষ্ণকীর্তন”-এ বাঙলা ভাষা বেশ কাছে এসে গেছে আমাদের ।

কার কিছু নাখিঁ লই করি পরিহার । যথা যাই তথায় গৌরব মাত্র সার॥ কৃষ্ণবাসের “রামায়ণ”-এ (পঞ্চদশ শতকের শেষভাগ) বাঙলা আরো কাছাকাছি এসে গেছে আমাদের ।

এ ঘোর রঞ্জনী মেঘের ঘটা কেমনে আইলে বাটে । চণ্ডীদাসের পদে বাঙলা ভাষা এমন ।

তৈল বিনা কৈলুঁ মান করিনু উদক পান শিশু কাঁদে ওদনের তরে ।  
মুকুল্পরামের “চণ্ডীমঙ্গল”-এ (মোড়শ শতকের শেষভাগ বা সপ্তদশ শতকের পুরুর দশক) বাঙলা ভাষা এমন ।

আমি তো ধর্মো নিদা করি না, ধর্মের ধর্মো কহি; অধর্মোরে অধর্মো কহি । দোষ আনন্দিয়ার “ব্রাক্ষণ-রোমান ক্যাথলিক-সংবাদ”-এ (সপ্তদশ শতক) আই এমন বাঙলা ভাষা ।

পাঁচ বৎসর পর্যন্ত কৌমার বলি । কেশ বৎসর পর্যন্ত পৌগণ বলি ।  
এমন অন্তুত বাঙলা পাই আঠারোশতকের একটি রচনায় ।

বদলে গেছে বাঙলা ভাষা । নানা রূপে । নানা সুরে । স্বরব্যঙ্গনে ।  
বিশেষ্যবিশেষণে । সর্বনামে ক্রিয়ারূপে ।

এখন যে-ধনিশ্বলো আছে বাঙলা ভাষায়, সেগুলো এখন যেভাবে উচ্চারণ করি, হাজার বছর আগে সেগুলো অবিকল এমনভাবে উচ্চারিত হতো না । একেবারে ভিন্নভাবে যে উচ্চারিত হতো, তাও নয় । প্রত্যেক যুগের মানুষ একইভাবে তাদের ভাষার ধ্বনি উচ্চারণ করে না । বাঙালিরাও করে নি । তাতেই বদলে গেছে বাঙলা ভাষার ধ্বনি । পরিবর্তিত হয়ে গেছে শব্দের রূপ । হাজার বছর আগে যে-সব শব্দ ব্যবহার করতো বাঙালিরা, সেগুলোর সব আমরা ব্যবহার করি না । অনেক শব্দ ব্যবহার করি অন্যরূপে । রূপ বদলে গেছে । বিশেষ্যের বিশেষণের । ক্রিয়ার রূপ বদলে গেছে । অনেক শব্দের অর্থ বদলে গেছে । ম'রে গেছে বহু শব্দ । জন্ম নিয়েছে অনেক নতুন শব্দ । বিদেশি ভাষা থেকে শব্দ ঝণ করেছি অনেক । তাই হাজার বছরে অনেকখানি বদলে গেছে বাঙলা ভাষার শরীর । কথা বলতে হয় বাক্যে । বাক্য তৈরির নিয়মে ঘটেছে অনেক বদল । আদিযুগ থেকে মধ্যযুগ, মধ্যযুগ থেকে আধুনিক যুগে বাঙলা ভাষা প্রবেশ করছে নিজের

কতো নদী সরোবর বা বাঙলা ভাষার জীবনী ৩১

କୁପ ବାରବାର ବଦଳ କ'ରେ । ତାତେ ତା ସମ୍ପୂର୍ଣ୍ଣ ଭିନ୍ନ ହେଁ ଯାଇ ନି । ନଦୀର ମତୋ ଏଗିଯେହେ ସାମନେର ଦିକେ । ନଦୀର ଉତ୍ସ ଥେକେ ମୋହାନା ଅନେକ ଦୂର, ଆର ଅନେକ ଭିନ୍ନ । ଠିକ ତେମନି ଅନେକ ଦୂର ଆର ଭିନ୍ନ ବାଞ୍ଚଳା ଭାଷାର ଉତ୍ସ ଓ ମୋହାନା । କତୋଟା ସୁଦୂର, କତୋଟା ଭିନ୍ନ? ତାର କିଛୁ ପରିଚୟ ନେଯା ଯାକ ଏବାର ।

୧

AMARBOI.COM

## ধ্বনিবদলের কথা

বাঙলার মূলে প্রাচীন ভারতীয় আর্যভাষ্য। তাতে অনেকগুলো ধ্বনি ছিলো। স্বরধ্বনি ছিলো : অ, আ, ই, ঈ, উ, উ, ঝ, ঝ, ন, এ, ঐ, ও, ঔ। ছিলো অনেকগুলো বাঙ্গনধ্বনি : ক, খ, গ, ঘ, ঙ, চ, ছ, জ, ঝ, এও, ট, ঠ, ড, ঢ, ণ, ত, থ, দ, ধ, ন, প, ফ, ব, ভ, ম, ঘ, র, ল, অ [মূর্ধণ্য-ল], হ্র [মহাপ্রাণ-ল], ব [অন্তঃস্থ ব], শ, ষ, স, হ, ঃ,ঃ। এ-ধ্বনিগুলোই আছে বাঙলা ভাষায়। তবে সবগুলো নেই। এগুলোর কয়েকটি লোপ পেয়েছে বাঙলা থেকে। আবার কয়েকটি জন্ম নিয়েছে বাঙ্গলা ভাষায়। এগুলো প্রাচীনকালে পৃথকভাবে যেভাবে উচ্চারিত হতে এখন বাঙলায় তেমন হয় না। আদিযুগের বাঙলায় হয়তো হত্তে ধ্বনি মিলে গড়ে ওঠে শব্দ। প্রাচীন ভারতীয় আর্যভাষ্য থেকে বাঙ্গলা পর্যন্ত আসতে শব্দে ধ্বনির বিন্যাস ও উচ্চারণ বদলে গেছে নানাভাবে। তাতে ধ্বনি পরিবর্তিত হয়েছে, শব্দ ভিন্ন চেহারা পেয়েছে। প্রাচীন ভারতীয় আর্যভাষ্য থেকে আদি বাঙলা ভাষায় ধ্বনির পরিবর্তন, আর আদি বাঙলা থেকে আধুনিক বাঙলায় ধ্বনির পরিবর্তনের ইতিহাস খুবই জটিল। এখন সব বলা যাবে না। শুধু কয়েকটির কথা বলি।

বাঙলা ভাষার প্রথম ধ্বনি ‘অ’। হাজার বছর আগে, “চর্যাপদ”-এ এই ‘অ’ অবিকল এমন ছিলো না। উচ্চারণ আজকের উচ্চারণের মতো ছিলো না। খুব সহজে বলা যায় তখন ‘অ’ ছিলো অনেকটা আজকের ‘আ’-র অনেক কাছাকাছি। আমরা এখন ‘ই’-কে বলি হ্রস্ব-ই, আর ‘ঈ’-কে বলি দীর্ঘ-ঈ। প্রাচীন ভারতীয় আর্যভাষ্য ‘অ’ ছিলো হ্রস্ব-আ। পুরোনো বাঙলা ভাষায়ও অনেকটা তাই ছিলো।

এই ‘অ’ যে অনেকটা ‘আ’-র কাছাকাছি ছিলো, তার প্রমাণ পাই “চর্যাপদ”-এ। “চর্যাপদ”-এর বিভিন্ন শব্দের আদিতে যেখানে জোর

পড়েছে, সেখানেই মাঝেমাঝে বিপর্যয় ঘটেছে ‘আ’ এবং ‘আ’-র। পাওয়া যায় ‘আইস’ আর ‘আইস’; ‘কবালী’ আর ‘কাবালী’, ‘সমাঅ’ আর ‘সামাঅ’ প্রভৃতি শব্দ। ‘শ্রীকৃষ্ণকীর্তন’-এও ‘আ’ অনেকটা ‘আ’-র মতোই ছিলো। তাই পাই ‘আকারণ’, ‘আচেতন’, ‘আতিশয়’, ‘আতী’ প্রভৃতি শব্দ। উল্লেখ করা ভালো যে আদিযুগে অ-কারাত্ত শব্দ অর্থাৎ যে-সব শব্দের শেষে ‘আ’ আছে সে-সব শব্দের শেষে ‘আ’ উচ্চারিত হতো। ‘আকারণ’ উচ্চারিত হতো ‘আকারণআ’, ‘আচেতন’ উচ্চারিত হতো ‘আচেতনআ’। তাই এখন পুরোনো বাঙ্লা উচ্চারণ শুনলে আমাদের কেমনকেমন লাগে।

‘আ’ এখন আছে, চিরকাল ছিলো। “চর্যাপদ”-এ ছিলো। তবে শব্দের শেষে ‘আ’ শাস্ত্রাত না পেলে পরিণত হয়ে যেতো হুস্ত ‘আ’ ধ্বনিতে। “চর্যাপদ”-এ পাওয়া যায় ‘পাণিআ’ ও ‘পানী’, ‘করিআ’, ও ‘করিঅ’, ‘অমিআ’ ও ‘অমিঅ’ প্রভৃতি একই শব্দের দু-রূপ। এসব উদাহরণে দেখা যাচ্ছে শব্দের শেষের ‘আ’ লোপ পেয়ে গেছে, বা পরিণত হয়ে গেছে ‘আ’-তে।

আধুনিক বাঙ্লায় বানানেই শধু পার্থক্য করা হয় ‘ই’ আর ‘ঈ’ এবং ‘উ’ আর ‘উ’-মধ্যে। উচ্চারণে ‘ই’ আর ‘ঈ’, ~~উই~~ আর ‘উ’-র মধ্যে কোনো পার্থক্য নেই। এমন ঘটেছে বাঙ্লা ভাষার জ্ঞানকাল থেকেই। “চর্যাপদ”-এ হুস্ত ও দীর্ঘ স্বরের কোনো পার্থক্য ছিলো না; পার্থক্য ছিলো না “শ্রীকৃষ্ণকীর্তন”-এ, ও পরে। “চর্যাপদ”-এও পাওয়া যায় ‘সবৰী’ ও ‘শবৰি’, ‘জোই’ ও ‘জোই’, ~~জুই~~ ও ‘লুয়ি’ প্রভৃতি শব্দ। এগুলো প্রমাণ করে উচ্চারণে ভিন্নতা ছিলো না ‘ই’ আর ‘ঈ’, ‘উ’ আর ‘উ’-র মধ্যে। “শ্রীকৃষ্ণকীর্তন”-এ পাই ‘কাজলে রঞ্জিল দুই আথী’, ‘অমৃতে সিঞ্চিউ দুই আথী’, ‘মোর দুই অধি ধারা শ্রাবণে’, মাণিক জিনিআ তোর দশন উজলে’, ‘মণিকিরণ উজলে আঙদ ভুজ্যুগলে’ প্রভৃতি উদাহরণ। এগুলোতে দেখা যায় কোনোই পার্থক্য নেই ‘ই’/‘ঈ’, আর ‘উ’/‘উ’-র মধ্যে। পার্থক্য ছিলো না মধ্যযুগে। নেই আধুনিক কালে।

‘ঝ’ ধ্বনিটি স্বরধ্বনির মধ্যে স্থান পেলেও এটি স্বরধ্বনি নয়। আগের ‘ঝ’ আদি বাঙ্লায় পরিণত হয়ে যায় ‘উ’-তে। ‘ঝজু’ শব্দটি “চর্যাপদ”-এ হয়ে গেছে ‘উজু’। কবি সরহ বলেছেন, ‘বপা উজুবাট ভাইলা’; অর্থাৎ ‘বাবা, সোজা পথ দেখা গেলো’।

আরো বহু ব্যাপার ঘটে স্বরধ্বনিরাশিতে।

প্রাচীন ভারতীয় আর্যভাষার ব্যজনধ্বনিগুলো বাঙ্লায় আসে কিছুটা বিকল হয়ে।

কয়েকটির কথা বলা যাক।

৩৪ কতো নদী সরোবর বা বাঙ্লা ভাষার জীবনী

আমাদের কাছে দুটি 'ন', 'ণ'। এ-দুটির উচ্চারণে কোনো পার্থক্য নেই। শুরুতেও পার্থক্য ছিলো না। পার্থক্য ছিলো প্রাচীন ভারতীয় আর্যভাষ্য। কিন্তু "চর্যাপদ", "শ্রীকৃষ্ণকীর্তন"-এ এ-দুটি ধ্বনিত হতো একই রূপে। তাই এ-বই দুটিতে পাওয়া যায় 'ন' আর 'ণ'-র যথেচ্ছ ব্যবহার। "চর্যাপদ"-এ পাই 'ণিঅ মণ ণ দে উলাস', অর্থাৎ 'নিজের মন উল্লাস দেয়'; আবার পাই 'নিঅ দেহ করণ শূন মেহেরী', অর্থাৎ 'নিজ দেহ হলো করণ ও শূন্য-মহিলা'। তাই দেখি কোনোই ভেদ নেই 'ন' আর 'ণ'-তে। 'শ্রীকৃষ্ণকীর্তন'-এ পাই 'আঘার ঘরয়ে মোর নয়নের পাণী'। 'পানি' শব্দের বানানে 'শ্রীকৃষ্ণকীর্তন'-এ কোথাও 'ন' ব্যবহৃত হয় নি। তাই কেউকেউ মনে করেন হয়তো 'ণ'-এর একটি পৃথক উচ্চারণ ছিলো কিন্তু তা থাকার কথা নয়। 'গাষায়িল' ও 'নাষায়িল' ধরণের বানান খুব পাওয়া গেছে এ-কাব্যে।

এখন তিনটি 'শ', 'ষ', 'স' আছে আমাদের। "চর্যাপদ", "শ্রীকৃষ্ণকীর্তন"-এর কালেও ছিলো। এখনকার মতোই তিনটিরই প্রধান উচ্চারণ ছিলো 'শ'। 'চর্যাপদ'-এ পাওয়া 'শণ' ও 'সুণ', 'সহজে' ও 'ষহজে', ও 'মুসা' ও 'মুষা'—মনে হয় উচ্চারণে ছিলো এদের একই। বিভিন্ন শব্দের বানান তখনো স্থির হয় নি বলে খেখানেসেখানে বসানো হয়েছে 'শ', 'ষ', 'স' তিনটিকে।

"শ্রীকৃষ্ণকীর্তন"-এ পাই 'শিশুর সিন্দুর সুরেখ শোভে আর দশনের যুতী', 'মুছিআঁ পেলায়িবো বিড়ায়ি শিশুর সিন্দুর', 'শিশুর সিন্দুর তোর লাসে'। এতে বুঝি তিন 'শ'-র ভেদ ছিলো না উচ্চারণে।

আমাদের আছে দুটি 'ঝ' আর 'ঘ'। এদের উচ্চারণের ভেদ নেই। প্রাচীন আর্যভাষ্য 'ঘ' উচ্চারিত হতো অনেকটা 'ঝ'-র মতো। বাঙ্গলায় সে-পুরোনো 'ঘ'-র উচ্চারণ কোথাও 'ঝ' হয়ে গেছে, কোথাও হয়েছে 'ঘ'। তাই একটি নতুন অক্ষরই তৈরি করতে হয়েছে আমাদের 'ঘ'-রূপে। শব্দের শুরুতে 'ঘ' নতুন উচ্চারণ অনুসারে সাধারণত 'ঝ'-ই উচ্চারিত ও লিখিত হতো। "চর্যাপদ"-এ পাওয়া যায় 'ঝৰ্বে মুষাএর চার তুটআ', 'জে জে আইলা তে তে গোলা', 'গঙ্গা জউনা মাঝে রে বহই নাঙ্গি'। "শ্রীকৃষ্ণকীর্তন"-এও একই রকম ঘটে। পাওয়া যায় 'তাহার ঠাইক জাইতে লাগে বড় ডরে', 'আজি যখনে মোঁ বাঢ়িলোঁ পাএ', 'মথুরা নগর যাইতে দিলাত মেলানী', 'বৃন্দাবন যান্বোঁ যমুনা নদী বহে'।

আধুনিক বাঙ্গলায় বেশ কিছু মহাপ্রাণ ধ্বনি আছে। যেমন 'খ', 'ঘ', 'ছ', 'ঝ' প্রভৃতি। আরো কিছু মহাপ্রাণ ধ্বনি আছে, যেগুলো এখন শুধু লেখায়

কভো নদী সরোবর বা বাঙ্গলা ভাষার জীবনী ৩৫

ব্যবহৃত হয়, কিন্তু তাদের উচ্চারণ বদলে গেছে। যেমন 'ক্ষ', 'হ', 'চ', 'র' প্রভৃতি। "চর্যাপদ"-এ 'ক্ষ', 'হ', 'চ' খাঁটি মহাপ্রাণ রূপেই হয়তো উচ্চারিত হতো। "চর্যাপদ"-এ পাই 'অক্ষে ভলি দান দাহ', 'ভণই কাহু', 'নউ দাঢ়ই নউ তিমই ন ছীজই'। "শ্রীকৃষ্ণকীর্তন"-এর কাল থেকেই অবশ্য এগুলো মহাপ্রাণতা হারাতে থাকে। তবে এ-কালে 'ক্ষ', 'হ', 'চ', 'র' মহাপ্রাণ ধ্বনি ছিলো। পাওয়া যায় 'আক্ষাক পরাণে মাইলে কি লাভ তোকার', 'কেহে ঘর জাইতে মোকে বোল শুণনিয়ী', 'বজরে গঢ়িল বুক না জাএ ফুটিআঁ', 'পহাইল হরিষমণে কষ্টত ভূষণগণে', 'কনক যুথিকা মাহলী লবঙ্গ সেয়তী'। এগুলো এখন শুধুই কয়েকটি শব্দের বানানে পাওয়া যায়। উচ্চারণে পাওয়া যায় না।

AMARBOI.COM

## ধ্বনিপরিবর্তন : শব্দের রূপবদল

প্রাচীন ভারতীয় আর্য (বা বলা যাক সংস্কৃত) ভাষার বহু শব্দ বাঙ্গলায় এসেছে। অনেক শব্দ এসেছে অবিকল, কোনো বদল ঘটে নি তাদের। অনেক শব্দ এসেছে রূপ বদল ক'রে। শতাব্দীর পর শতাব্দী ধ'রে মানুষের মুখে ক্ষনি বদলে গেছে ওই শব্দগুলোর। কোনোটির শব্দরূপ স্বরধ্বনি লোপ পেয়েছে। কোনোটিতে পুরোনো স্বরধ্বনি লোপ পেয়ে ধ্বনিত হয়েছে নতুন স্বর। ব্যঙ্গন বদলে গেছে নানাভাবে। বদলে গেছে পুরোনো আর্যভাষার যুক্তব্যঙ্গনের সঙ্গ। বদল ঘটেছে প্রাকৃতের যুগে। পরিবর্তন ঘটেছে বাঙ্গলার যুগে। বাঙ্গলা ভাষার উজ্জ্বলে কালে। পরিবর্তন ঘটেছে বাঙ্গলার মধ্যযুগে। পরিবর্তন ঘটেছে এখন-প্রি-পরিবর্তন ঘটেছে অনেক সময় বেশ নিয়মকানুন মেনে। সুত্রান্ধুরে। কালিন্দী নদীর কুলে বাঁশি বেজে উঠেছিলো। 'বাঁশি' শব্দটিকে এখনো কেউকেউ লেখেন 'বাঁশী'। বাঙ্গলায় শব্দটি 'বাঁশি' বা 'বাঁশী'। বাঙ্গলা ভাষার আগের যুগ প্রাকৃতের যুগ। তখন শব্দটি ছিলো 'বংশী'। তারও আগে প্রাচীন ভারতীয় আর্যভাষার যুগ। তখন শব্দটি ছিলো 'বংশী'। 'বংশী' শব্দটি এখনো বাঙ্গলায় কখনো কখনো ব্যবহৃত হয়। ম'রে যায় নি শব্দটি। কিন্তু এটি থেকে প্রাকৃতে যে 'বংশী' জন্মেছিলো, সেটি ম'রে গেছে। রাতের আকাশের রূপসীর নাম 'চাঁদ'। পুরোনো বাঙ্গলায় শব্দটি ছিলো 'চান্দ'। তারও আগে প্রাকৃতের যুগে ছিলো 'চন্দ'। আর প্রাচীন ভারতীয় আর্যের কালে ছিলো 'চন্দ'। 'চন্দ' এখনো বাঙ্গলা ভাষার উজ্জ্বল। কিন্তু 'চাঁদ' আছে বুকের কাছাকাছি।

'চন্দ' থেকে 'চাঁদ', আর 'বংশী' থেকে 'বাঁশি' জন্ম নিয়েছে নিয়মকানুন মেনে। এলোমেলোভাবে নয়। প্রাচীন ভারতীয় আর্যভাষার শব্দগুলো নানা রকম নিয়মে পরিবর্তিত হয়েছে, পরিণত হয়েছে প্রাকৃত শব্দে। তারপর আরো ধ্বনিপরিবর্তন ঘটেছে, জন্ম নিয়েছে বাঙ্গলা শব্দ। বাঙ্গলা ভাষার

কতো নদী সরোবর বা বাঙ্গলা ভাষার জীবনী ৩৭

জন্মের পর শব্দের ধ্বনিপরিবর্তন থেমে যায় নি, ধীরে ধীরে পরিবর্তন ঘটে চলছে। এখনি খুঁজলে বাঙলা ধ্বনিপরিবর্তনের অনেক নিয়ম বের করতে পারি। তবে তাতে যাচ্ছ না। কিন্তু কীভাবে প্রাচীন ভারতীয় আর্যভাষার স্বর আর ব্যঞ্জন বদলে গিয়েছিলো? কী রূপ নিয়েছিলো প্রাকৃতে? কী রূপ নিয়েছে বাঙলায়? তার কয়েকটি নমুনা এখন দেখতে চাই। জানতে চাই কয়েকটি নিয়ম।

প্রাচীন ভারতীয় আর্যভাষার যে-সব শব্দে যুক্তব্যঞ্জন (যেমন : ন্ম, দ্য, স্ত্র প্রভৃতি) ছিলো প্রাকৃতে সেগুলো হয়ে যায় যুগ্মব্যঞ্জন (যেমন : শ্ম, জ্জ, থ, প্রভৃতি), এবং বাঙলায় সেগুলো হয় একক ব্যঞ্জন (যেমন : ম, জ, থ প্রভৃতি)। সাথেসাথে আরো একটি ব্যাপার ঘটে। প্রাচীন ভারতীয় আর্যভাষায় ও প্রাকৃতে যুক্ত ও যুগ্ম ব্যঞ্জনের আগে যেখানে ছিলো ‘অ’ বাঙলায় সেখানে হয়ে যায় ‘আ’। কয়েকটি উদাহরণ দিলে বোবা সহজ হবে।

প্রাভাআ	প্রাকৃত	প্রাচীন বাঙলা	আধুনিক বাঙলা
জন্ম	জ্ঞ্ম	জাম	০
অদ্য	অজ্জ	আজি	আজ
অষ্ট	অট্ঠ	হাট	আট
হস্ত	হথ	হাথ	হাত

প্রাচীন ভারতীয় আর্যভাষায় ‘জন্ম’ শব্দে ‘ন’ ও ‘ম’ যুক্ত ছিলো, ‘জ’-র সাথে ছিলো ‘অ’। প্রাকৃতে ‘ন্ম’ হয়ে গেলো যুগ্মব্যঞ্জন ‘শ্ম’। বাঙলায় হলো ‘ম’,—একক ব্যঞ্জন। তবে সাথেসাথে ‘জ’-র সাথের ‘অ’ হয়ে গেলো ‘আ’। লেখা হলো ‘জা’। ‘জন্ম’ থেকে পুরোনো বাঙলায় জন্মেছিলো ‘জাম’ শব্দটি। তবে শব্দটি প্রমাণ করেছে যে জন্মিলে মরিতে হয়—আধুনিক বাঙলায় শব্দটি আর নেই। গোপনে অনেক আগে শেষ নিশ্চাস ত্যাগ করেছে শব্দটি। কিন্তু

“চর্যাপদ”-এ পাওয়া যায় :

গেলী জাম বছড়ই কইসে। জনমভর গেলাম, ফিরে আসে কিসে।

ডোঁধি বিবাহিআ আহারিউ জাম। ডোঁধীকে বিয়ে ক’রে জন্ম আহার করলাম।

জাম মরণ ভব কইসণ হোই। জন্ম-মরণ-ভব কী ক’রে হয়।

“শ্রীকৃষ্ণকীর্তন”-এ পাওয়া যায় ‘হাথ’:

আক্ষার হাথত দেহ কিছু ফুল পানে। তাকে লাঁা জাই আক্ষে  
রাধিকার থানে ॥ আমার হাতে কিছু ফুলপান দাও। তা নিয়ে আমি  
রাধিকার কাছে যাই ।

হাথতে লঙড় বাঁশী বাএ সে সুরঙ্গে। হাতে সে লঙড় বাঁশি আনন্দে  
বাজায় ।

প্রাচীন ভারতীয় আর্যভাষার অনেক আদিশ্বর বাঙলায় লোপ পেয়েছে।  
যেমন :

প্রাভাআ	প্রাকৃত	প্রাচীন বাঙলা	আধুনিক বাঙলা
অতসী	তসী	০	তিসি
উড়ুম্বর	ডুম্বর	০	ডুমুর
অরিষ্ট	রিষ্ট	০	রিঠা
অলারু	০	০	লাউ

শব্দ শুরুর ‘ঝ’ বাঙলায় বদলে গেছে নানাভাবে। প্রাচীন ভারতীয়  
আর্যভাষার শব্দের শুরুর একলা বা ব্যঙ্গের স্থাথে যুক্ত ‘ঝ’ কোথাও ‘অ’  
কোথাও ‘ই’ কোথাও ‘উ’ হয়ে গেছে বাঙলায়। যেমন :

প্রাভাআ	প্রাকৃত	প্রাচীন বাঙলা	আধুনিক বাঙলা
ঝৃত	ঘিত	ঘী	ঘি
বৃক্ষ	কৃক্ষ	কৃখ	০
ঝজু	উজ্জু	উজু	০

“শ্রীকৃষ্ণকীর্তন”-এ পাওয়া যায় : ‘মঠ হৈল ঘোল দুধ আৱ নঠ ঘী।’  
নঠ হলো ঘোল দুধ আৱ ঘি ।

“চর্যাপদ”-এ পাওয়া যায় : ‘রংখেৰ তেন্তলি কুষ্টীৱে খাআ।’ গাছেৰ  
তেঁতুল কুমিৱে খায় ।

“চর্যাপদ”-এ পাওয়া যায় : ‘জে জে উজুবাটে গেলা আনাবাটা ভইলা  
সোঙ্গ।’ যে যে সোজা পথে গেলো তাৱা আৱ ফিৱে এলো না ।

‘ঝুখ’ আৱ ‘উজু’ আধুনিক বাঙলায় আৱ নেই ।

প্রাচীন ভারতীয় আর্যভাষা ও প্রাকৃতেৰ বহু শব্দেৰ শুরুতে যেখানে ‘অ’  
ছিলো, শ্বাসাঘাতেৰ ফলে বাঙলায় সেখানে ‘আ’ হয়ে গেছে। এমন হ’তে  
শুরু কৱে বাঙলা ভাষার জন্মেৰ বেশ কিছুকাল পৰ, মধ্যযুগেৰ শুরু থেকে।  
যেমন :

প্রাভাআ	প্রাকৃত	প্রাচীন/মধ্য বাঙ্গলা	আধুনিক বাঙ্গলা
অপর	অবর	আঅর	আৱ
অবিধবা	অবিহবা	আইহ	এয়ো
অভিমন্ত্য	অহিম্পু	আইহণ	আয়ান
অলঙ্ক	অলঙ্গ	আলতা	আলতা

“শ্রীকৃষ্ণকীর্তন”- এ পাওয়া যায় :

আঅর কাঢ়িଆ নিল গুণিআ গলাৱ। আৱ কেড়ে নিলো গলাৱ হাৱ।

কুগুল নিলেক আঅর বলয়া। কুগুল আৱ বলয় নিলো।

চিৱকাল জীউ মোৱ সামী আইহন। চিৱকাল জীবিত থাকুক আমাৱ  
সামী অভিমন্ত্য।

ধ্বনিপরিবৰ্তনের একটি নিয়মকে বলে নাসিক্যাভবন। বাঙ্গলায়  
নাসিক্যাধ্বনি হচ্ছে ঙ, এং, ণ, ন, ম। এগুলো উচ্চারণের সময় নাক দিয়ে  
কিছুটা বাতাস বেরিয়ে যায়। অনেক শব্দে আগে এ-ধ্বনিগুলো ছিলো, কিন্তু  
পরে লোপ পেয়ে গেছে। লোপ পেয়েছে কিন্তু তাদেৱ স্মৃতি একেবাবে লোপ  
পায় নি। স্মৃতিস্মৃত এৱা আগেৱ স্বৰধ্বনিকে ‘আননুনাসিক ক’ৱে দিয়েছে;  
অর্থাৎ ওই স্বৰধ্বনিৰ উচ্চারণেৱ সময় বচ্ছোস কিছুটা নাক দিয়ে বেৱোয়।  
বাঙ্গলায় এমন ব্যাপার নিৰ্দেশ কৱা কৰে চন্দ্ৰবিন্দু [ ঁ ] দিয়ে। একটি শব্দ  
ছিলো ‘চন্দ্ৰ’, যাতে আছে ‘ন’ শব্দে ‘ন’-টি লোপ পায়, আগেৱ ধ্বনিটি  
‘আ’ হয়, ও আননুনাসিক হয়। পুলে জন্ম নেয় ‘চাঁদ’ শব্দটি। প্রাচীন ভাৱতীয়  
আৰ্যভাষার বহু শব্দ এভাৱে বদলে বাঙ্গলা হয়ে উঠেছে। কয়েকটি উদাহৰণ:

প্রাভাআ	প্রাকৃত	প্রাচীন বাঙ্গলা	আধুনিক বাঙ্গলা
চন্দ্ৰ	চন্দ	চন্দ, চান্দ	চাঁদ
চম্পক	চম্পঅ	চম্পা, চাম্পা	চাঁপা
বঞ্চা	বঞ্চ্ৰ	বাঁৰা	বাঁৰা
সঞ্চ্যা	সঞ্চ্ৰ	সঁৰা	সঁৰা, সাঁজ

“চৰ্যাপদ”-এ পাওয়া যায় : ‘বলদ বিআএল গবিআ বাঁৰো।’ বলদে  
প্ৰসব কৱলো গাভী বঞ্চা।

“চৰ্যাপদ”-এ পাওয়া যায় : ‘পিঠা দুহিএ এ তিনা সাঁৰোঁ।’ পাত্ৰ  
দোহন কৱা হয় তিন সঞ্চ্যা (বেলা)।

“শ্রীকৃষ্ণকীর্তন”-এ পাই : ‘ৱাহঁ গালিল যেন চাঁদ সুধাধাৱ।’

‘শৰু সদৃশ তোৱ খোম্পা তাত দিল বেঢ়িଆ চম্পা।’ ‘আকাশেৱ চান্দ  
চাহা তাক আণি দিবোঁ।’

প্রাচীন ভারতীয় আর্যশব্দের বাঞ্জনধ্বনি নানাভাবে বদলে, কখনো অবিকল কখনো বিকল হয়ে, উপনীত হয়েছে বাঙ্গলায়। একশ্রেণীর ধ্বনিকে বলা হয় স্পর্শধ্বনি। প্রাচীন ভারতীয় আর্যভাষার শব্দ তরঙ্গ স্পর্শব্যঞ্জনধ্বনি টিকে ছিলো প্রাক্তে, আর টিকে আছে বাঙ্গলায়ও। কয়েকটি উদাহরণ :

প্রাভাআ	প্রাক্ত	প্রাচীন বাঙ্গলা	আধুনিক বাঙ্গলা
কর্ণ	কণ	কান	কান
গবী	গবী, গাঙ্গি	গবিআ, গাই	গাই
টলতি	টালই	টালিউ	টলে
ফুল	ফুল	ফুল	ফুল
ঠাকুর	ঠাকুর	ঠাকুর	ঠাকুর

“চর্যাপদ”-এ পাওয়া যায় : ‘কাজ ণ কারণ সসহর টালিউ।’ কাজ নেই কারণ নেই চাঁদকে টলানো হলো।

“চর্যাপদ”-এ পাওয়া যায় : মতিএঁ ঠাকুরক পরনেবিতা। অবস করিআ ভববল জিতা।’ মন্ত্রী দিয়ে রোধ করলাম রাজাকে। নিশ্চিতভাবে জেতা হলো ভববল(দ্যামু)।

“শ্রীকৃষ্ণকীর্তন”-এ পাই : ‘ডালী ডৰী ফুল পানে। মোরে পাঠায়িল কাহে।’ কৃষ্ণ আমাকে ডালা ভৱে ফুল পান পাঠালো।

প্রাচীন ভারতীয় আর্যভাষ্য শব্দের মধ্যে অবস্থিত ক, গ, ত, দ, ব, প্রাক্তে লোপ পেয়েছিলো। তাই ‘পাদ’ শব্দ প্রাক্ত হয়ে গিয়েছিলো ‘পাআ’; ‘মাতা’ হয়ে গিয়েছিলো ‘মাআ’। বাঙ্গলায়ও তাই হয়েছে। ওইসব ধ্বনি লোপ পেয়ে বাঙ্গলায় জন্ম নিয়েছে নতুন শব্দ। যেমন :

প্রাভাআ	প্রাক্ত	প্রাচীন বাঙ্গলা	আধুনিক বাঙ্গলা
শাব	ছাঅ	ছাও	ছা
মুকুল	মুউল	মউল	মউল, বৌল
পিবতি	পিঅই	পিয়া, পিয়ে	পিয়া

“চর্যাপদ”-এ পাওয়া যায় : “ণাগা তরুবর মৌলিল রে গঅণত লাগেলী ডালী।’ নানা তরু মুকুলিত হলো আকাশে লাগলো ডালপালা।

“শ্রীকৃষ্ণকীর্তন”-এ পাই : ‘কুসুমসমূহমধু পিআ মধুমত মধুকরনিকরে মধুর ঝক্কারে।’ ফুলের মধু খেয়ে মধুমাতাল মৌমাছিরা মধুর ঝক্কার তুলছে।

কঠো নদী সরোবর বা বাঙ্গলা ভাষার জীবনী ৪১

“শ্রীকৃষ্ণকীর্তন”-এ পাই : ‘অবুধ ছাওয়াল কাহাত্রিঁ মাসি দান।’  
অবোধ শিশু কৃষ্ণ তুমি দান চাও।

প্রাচীন ও মধ্যযুগের বাঙ্গলায় শব্দমধ্য এসব ব্যঙ্গনের লোপ প্রচুর পরিমাণে দেখা যায়। কিন্তু আধুনিক বাঙ্গলায় ব্যঙ্গন-লোপ-পাওয়া শব্দগুলো আমরা পরিহার করি, ব্যবহার করি একেবারে প্রাচীন ভারতীয় আর্য শব্দ। “চর্যাপদ”-এ পাওয়া যায় ‘ভূঅণ’, কিন্তু এখন আমরা বলি ‘ভূবন’, পাওয়া যায় ‘সঅল’, কিন্তু আমরা বলি ‘সকল’; পাওয়া যায় ‘নঙ্গ’, কিন্তু আমরা বলি ‘নদী’। “শ্রীকৃষ্ণকীর্তন”-এ পাওয়া যায় ‘রআনী’, কিন্তু আমরা বলি ‘রজনী’; পাওয়া যায় ‘কুয়লী’, কিন্তু আমরা বলি ‘কোকিল’; পাওয়া যায় ‘কোয়ল’, এখন আমরা বলি ‘কোমল’! অর্থাৎ ধ্বনিবদল হয়ে প্রাচীন ভারতীয় শব্দ যেমন রূপ পেয়েছিলো বাঙ্গলা ভাষায়, তাদের অনেকগুলোই আমরা ত্যাগ করেছি। ফিরে গেছি পুরোনো ভারতে, খুঁজে এনেছি পুরোনো শব্দ, যেগুলো বেশ অভিজাত। কিন্তু পুরোনো বাঙ্গলার কবিরা ধ্বনিবদলের ফলে জন্ম নেয়া শব্দেই লিখেছিলেন চমৎকার কবিতা :

কাহপাদ গৰ্ব ক’রেই বলেছেন : ‘জিষ্ঠি ভূঅণ মই বাহিত হেলেঁ।’  
তিনি ভূবন আমি অবলীলায় পার হয়ে এলাম।

তিনিই আবার বলেছেন : ‘তুলুলো ডোঁঢ়ী সঅল বিটলিউ।’ তুমি হে  
ডোঁঢ়ী সব কিছু টলিয়ে দিলে।

চাটল্পাদ দেখেছেন স্তোর সামনে : ‘ভবণই গহণ গঢ়ীর বেঁগে  
বাহী।’ গহীন গঢ়ীর ভবনদী তীব্র বেঁগে ব’য়ে যায়।

বড় চৰ্বীদাসের রাধা বলেছে : ‘শীতল মনোহৰ বাঁশী কে না বাএ।  
ডালত বসিঁওঁ যেহে কুয়লী কাঢ়ে রাএ।’ কে বাজায় স্মিক্ষ মনোহৰ  
বাঁশি? ডালে ব’সে যেনে কোকিল ডেকে যায়।

কৃষ্ণ বলেছে : ‘দিবস রআনী এঠা একোহি না জাণী নাহি লাগে রবির  
কিরণে।’

আরো একটি চমৎকার পরিবর্তন ঘটেছিলো প্রাচীন ভারতীয় ধ্বনির। একরকম ধ্বনিকে বলা হয় মহাপ্রাণধ্বনি। ‘প্রাণ’ শব্দের অর্থ হচ্ছে ‘বাতাস, হাওয়া’। যে-সব ধ্বনি উচ্চারণ করার সময় ফুসফুস থেকে একটু বেশি বাতাস বেরোয়, সেগুলোকে বলা হয় মহাপ্রাণধ্বনি। ‘ধ’ একটি মহাপ্রাণধ্বনি, ‘ফ’ একটি মহাপ্রাণধ্বনি। ‘ক’ একটি মহাপ্রাণধ্বনি, ‘ভ’ একটি মহাপ্রাণধ্বনি। আরো বেশ কিছু মহাপ্রাণধ্বনি আছে বাঙ্গলায়। ছিলো প্রাচীন ভারতীয় আর্যভাষ্য। অনেকে মনে করেন প্রতিটি মহাপ্রাণধ্বনির

ভেতরে একটি ক'রে 'হ' আছে। আসলে ওই বেশি বাতাস বা প্রাণটুকুই 'হ'। 'খ'-র ভেতরের বেশি বাতাসটুকু যদি বের ক'রে দেয়া যায়, তবে প'ড়ে থাকে 'ক'। আবার 'খ'-এর ভেতরের 'ক'-টুকুকে যদি বাদ দেয়া যায়, তাহলে থাকে 'হ'। এভাবে প্রাচীন ভারতীয় আর্যভাষ্য থেকে বাঙ্গলা ভাষায় আসতে খ, ঘ, খ, ফ, ভ প্রভৃতি মহাপ্রাণধ্বনির বেশি বাতাসটুকুই টিকে গিয়েছিলো। তাই এ-ধ্বনিগুলো পুরোনো বাঙ্গলায় পরিণত হয়েছিলো 'হ' ধ্বনিতে। আধুনিক বাঙ্গলায় ওই 'হ'-টুকুও লোপ পেয়েছে। যেমন :

প্রাভাআ	প্রাকৃত	প্রাচীন বাঙ্গলা	আধুনিক বাঙ্গলা
সংস্কৃত	সংস্কৃত	সংস্কৃত	সংস্কৃত
বিধি	বিধি	বিধি	০
শেফালিকা	সেহালিআ	সিআলি, শেহলী	শিউলি
রাধিকা	রাহিআ	রাহী, রাই	০
রেখা	রেহা	রেহা	০

চণ্ডীদাসের রাধা আকুল হয়ে উঠেছে। সহ কেবা শুনাইল শ্যামনাম।'

বিদ্যাপতির রাধা শান্তি পেয়ে গেছে : 'আজু বিহি মোহে অনুকূল হোয়ল।' আজ বিধি সদয় হয়েছে আমার প্রতি।

"শ্রীকৃষ্ণকীর্তন"-এ দেখিন্তুঃখে : 'লোটাঁ লোটাঁ কান্দে রাহী।' লুটিয়ে লুটিয়ে রাধা কান্দে।

"শ্রীকৃষ্ণকীর্তন"-এ পাওয়া যায় : 'এড়ি জাএ গোআলিনী সহী।' গোয়ালিনী সহী এড়িয়ে যায়।

"শ্রীকৃষ্ণকীর্তন"-এর বৃন্দাবনে বহু ফুল : 'সিআলি কুসুম ওড় রেবতী রাঙনাগর।' শিউলি জবা রেবতী রঙন ফুল।

"শ্রীকৃষ্ণকীর্তন"-এ কৃষ্ণ রাধাকে ছুলে মনে হয় : 'যেহু নিকষত শোভা কনক রেহা।' মেনো কষ্টিপাথের সোনার দাগ শোভা পায়।

প্রাচীন ভারতীয় আর্যভাষ্য অনেক শব্দে—শুরুতে, মধ্যে, শেষে—ছিলো যুক্তব্যঞ্জনধ্বনি। বাঙ্গলা ভাষায় এখনো অনেক শব্দে এমন যুক্ত ব্যঞ্জনধ্বনি রয়েছে। যেমন : 'স্পষ্ট' শব্দের 'স্প'-তে যুক্ত 'স' আর 'প'; 'ব্যাত্র' শব্দের 'ব্র'-তে যুক্ত 'ঘ' আর 'ব'। প্রাচীন ভারতীয় আর্যভাষ্য যে-সব শব্দের শুরুতে এমন যুক্ত ব্যঞ্জনধ্বনি ছিলো, প্রাকৃতে সে-সব শব্দে যুক্তব্যঞ্জন পরিণত হয় একক-ব্যঞ্জনে। অর্থাৎ থাকে একটি ব্যঞ্জন।

কতো নদী সরোবর বা বাঙ্গলা ভাষার জীবনী ৪৩

যুক্তব্যঞ্জনধনি উচ্চারণে নাকি কষ্ট হয় অনেকের । তাই কষ্ট কমানোর জন্যে যুক্তর বদলে ব্যবহার করে একক-ধনি । প্রাচীন ভারতীয় আর্যভাষ্যায় শব্দশুরূর অনেক যুক্তব্যঞ্জন প্রাক্তের ভেতর দিয়ে বাঙ্গলায় আসতে আসতে হয়ে গেছে একক-ব্যঞ্জন । যেমন :

প্রাভাআ	প্রাকৃত	প্রাচীন বাঙ্গলা	আধুনিক বাঙ্গলা
বাক্ষণ	বম্হণ,	বাম্হণ, বাক্ষণ	বামন, বামুন
হৃদ	দহ	দহ	০
প্রতিবেশী	পড়িবেসী	পড়বেষী, পড়বেসী	পড়শি
মেহ	গ্ণেহ	নেহা, নেহ	নাই, লাই

“চর্যাপদ”-এ কাহিপাদ তিরক্ষার করেছেন ডোষীকে : ‘ছোই ছোই জাসি বাম্হণ নাড়িআ ।’ তুমি ব্রাক্ষণ নেড়েকে ছুঁয়ে ছুঁয়ে যাও ।

কবি চেন্দশ্পাদ দুঃখের সাথে গেয়েছেন : ‘টালত মোর ঘর নাহি পড়বেসী ।’ টিলায় আমার ঘর, প্রতিবেশী নেই ।

“শ্রীকৃষ্ণকীর্তন”-এ পাই : ‘বিধি কৈলতোর মোর নেহে ।’ তোমার আমার শ্রীতি সৃষ্টি করেছে বিধাতা ।

“শ্রীকৃষ্ণকীর্তন”-এ রেংগে উঠেছে রাধা : ‘নান্দের ঘরের গরু রাখোআল তা সমে কি মোর নেহা ।’ নান্দের ঘরের গরুর রাখালের সাথে আমার আবার প্রেমাঙ্কী ?

এভাবে বদলে গেছে ধনি, বদলে গেছে শব্দের রূপ । বিচ্চি সে-সব পরিবর্তন । নানা নিয়ম আর রীতি সে-সব পরিবর্তনের । যদি কিছুই না বদলাতো, চিরকাল যদি যানুষ ধনি উচ্চারণ করতো একইভাবে, তাহলে জন্ম নিতো না বাঙ্গলা ভাষা । আমরা এখনো বলতাম প্রাচীন ভারতীয় বৈদিক ভাষা । তবে নদীতে জল যেমন স্থির নয় মানুষের মুখেও ধনি স্থির নয় । চপল জিভের হোয়ায় বদলে যায় চপল ধনি । বদলেছে প্রাচীন ভারতীয় আর্যভাষ্যার । বদলেছে প্রাক্তের । শব্দ নতুন থেকে নতুন হয়ে উঠেছে । উন্মুক্ত হয়েছে বাঙ্গলা । বাঙ্গলাও অবিচল স্থির নয় । বদলে যাচ্ছে তারও বহু কিছু । জটিল দুরহ সূত্র সে-সব বদলের । সে-সবের মুখোমুখি এখন হচ্ছ না আমরা ।

## আমি তুমি সে

আমি কথা বলি। তুমি শোনো। সে একটু বা অনেক দূরে আছে, তাই সে শোনে না। যে কথা বলে, সে বক্তা। যে শোনে, সে শ্রোতা। আরো আছে একজন, যে বক্তাও নয় শ্রোতাও নয়। কথা বলতে হ'লে বক্তা দরকার হয়, দরকার হয় শ্রোতা। কথা বলা হ'তে পারে আরেকজন সম্পর্কে। কথা বলার সময় বক্তা নিজেকে বোঝানোর জন্যে ব্যবহার করে 'আমি'। শ্রোতাকে বোঝানোর জন্যে 'তুমি'। আর যে ত্তীয়জন, বক্তাও নয় শ্রোতাও নয়, তাকে বোঝানোর জন্যে ব্যবহার করে 'তুমি'। এগুলোকে বলা হয় সর্বনাম। মনুষ্যসূচক সর্বনাম। মানুষের প্রতি নির্দেশ করার জন্যে ব্যবহার হয় এগুলো। বক্তা ও শ্রোতা ও ত্তীয় ব্যক্তি অনুসারে এগুলোকে ভাগ করা হয় তিনটি শ্রেণীতে। তখন আসে 'পুরুষ' ধারণাটি। বক্তা হচ্ছে উত্তম পুরুষ; এখন বলি, ইংরেজি পদ্ধতিতে, প্রথম পুরুষ। শ্রোতা হচ্ছে মধ্যম পুরুষ; এখন বলি দ্বিতীয় পুরুষ। আর অন্যজন হচ্ছে প্রথম পুরুষ; এখন বলি ত্তীয় পুরুষ। পৃথিবীর সব ভাষায়ই এ-তিন পুরুষের সর্বনাম আছে। আছে বাঙ্গালায়ও।

মানসমান অনুসারেও আবার ভিন্ন হয় বাঙ্গলা সর্বনাম। তবে যখন বলি 'আমি', তখন আমি নিজেকে সম্মানিত বা অসম্মানিত ব্যক্তি হিশেবে নির্দেশ করি না। বাঙ্গালায় উত্তম বা প্রথম পুরুষের সর্বনাম একটিই : 'আমি'। এটি সমান-অসমান নিরপেক্ষ। বক্তার গৌরব করার কোনো সুযোগ নেই বাঙ্গালায়। তবে কোনো কোনো ভাষায় সে-সুযোগ আছে। রাজারা 'ব্যবহার করে একরকম সম্মানসূচক 'আমি'। অন্যরা ব্যবহার করে সাধারণ 'আমি'। কিন্তু বাঙ্গালায় তার উপায় নেই। আমাদের সকলের জন্যে একটিই 'আমি'। বক্তা শুধু নিজেকে নির্দেশ করতে পারে 'আমি' বলে।

কতো নদী সঁরেবর বা বাঙ্গলা ভাষার জীবনী ৪৫

কিন্তু শ্রোতার প্রবেশের সাথে সাথে ওঠে সম্মান-অস্মান, বা সম্ম-অসম্মের ব্যাপারটি। আমি তিন ধরনের মানুষের মুখোমুখি হ'তে পারি। তিন ধরনের মানুষের সাথে কথা বলতে পারি। যাঁর সাথে কথা বলছি আমি, তিনি যদি বয়সে আমার বড়ো হন বা হন শ্রদ্ধেয়-সম্মানিত, তাহলে তাঁকে সমোধন করি 'আপনি' ব'লে। এ 'আপনি' বাঙ্গলা ভাষায় আগে ছিলো না। সম্ভবত উনিশ শতকে এটি জন্ম নেয় বাঙ্গলায়। সম্মানিত মানুষের সাথে কথা বলার সাথে সাথে অনেকগুলো ব্যাপার ঘটে যায়। তার মধ্যে একটি হচ্ছে বাক্যের ক্রিয়াকলাপের রূপবদল। আমার শ্রোতা যদি আমার কাছে শ্রদ্ধেয়-সম্মানিত না হয়, যদি হয় আমার বন্ধু বা সমবয়স্ক বা ছোটো, আমি তাকে নির্দেশ করি 'তুমি' ব'লে। আর যদি সে একেবারে ছোটো হয়, আদরের হয়, তুচ্ছ হয়; তখন তাকে সমোধন করি 'তুই' ব'লে। মধ্যমপুরুষে বাঙ্গলায় আছে তিনটি সর্বনাম। সম্মানসূচক : 'আপনি'। সাধারণ : 'তুমি'। আদরের বা অবজ্ঞার : 'তুই'।

তারপর সেই তৃতীয় ব্যক্তি। তৃতীয় ব্যক্তিরাও হ'তে পারেন সম্মানিত, হ'তে পারে অসম্মানিত বা সাধারণ। যদি তাঁর প্রতি সম্মান দেখাই, তাহলে তাঁকে বোঝানোর জন্যে বলি 'তিনি'। আর যদি অমন সম্মান দেখানোর দরকার না হয়, তাহলে 'সে'। তৃতীয় ব্যক্তিরা অনুপস্থিত থাকতে পারেন আলাপের সময়। কিন্তু তাঁদের শ্রান-সম্মান সম্পর্কে সচেতন থাকতে হয় আমাদের।

বাঙ্গলা ভাষায় তিন পুরুষের আছে ছটি সর্বনাম। আমি। আপনি তুমি তুই। তিনি সে। এগুলোর আছে বিভিন্ন রূপ। বহুবচন হ'লে এদের রূপ বদলে যায়। হয়ে ওঠে : আমরা। আপনারা তোমরা তোরা। তাঁরা তারা। বিভিন্ন যোগ করলেও বিভিন্ন রূপ ধরে এগুলো। হয় : আমাকে, আমাদের, আমার। আপনাকে, আপনাদের, আপনার। তোমাকে, তোমাদের, তোমার। তোকে, তোদের, তোর। তাঁকে, তাঁদের, তাঁর। তাকে, তাদের, তার। এমন সব রূপ ধরে আমাদের সর্বনামগুলো।

এগুলো চিরকাল এমন ছিলো না। শুধু 'আপনি' ছাড়া আর সবকটি সর্বনাম প্রাচীন ভারতীয় আর্যভাষার সর্বনামের বিবর্তনের ফলে জন্ম নিয়েছে বাঙ্গলায়। প্রাচীন ও মধ্য বাঙ্গলায় এ-সর্বনামগুলোর ছিল নানা রূপ। আধুনিক কালে এগুলোর রূপ সুস্থিত হয়ে গেছে, যদিও অঞ্চলে অঞ্চলে টিকে আছে বিভিন্ন রূপে।

উত্তম বা প্রথম পুরুষের 'আমি'। প্রাচীন ও মধ্য বাঙ্গলায় 'আমি'র পাওয়া যায় অনেকগুলো রূপ। প্রাচীন বাঙ্গলায় 'আমি' ছিলো 'হাঁট', 'আক্ষে', 'অহ্মে'। আদিমধ্য বাঙ্গলায় 'আমি' ছিলো 'আক্ষে', 'আক্ষি', 'আক্ষী', 'আক্ষা', 'মোঞ্চ', 'মেঞ্চি' প্রভৃতি। মধ্যযুগের শেষ দিকে 'আমি' ছিলো 'মো', 'মু', 'মুহি', 'আক্ষি', 'আমি' প্রভৃতি। আধুনিক কালে চলতি বাঙ্গলায় 'আমি'। কিন্তু বিভিন্ন উপভাষায় আছে 'আমি'র অনেক রূপ। যেমন : 'মুই', 'হামি', 'হাম' ইত্যাদি। এই 'আমি'র রূপ প্রাচীন ভারতীয় আর্যভাষায় ছিলো কেমন? সম্ভবত এটি বৈদিক ভাষায় ছিলো 'অস্মে'। তারপর সংস্কৃতে হয়ে যায় 'অস্মাভিঃ'। তার থেকে প্রাকৃতে হয়ে যায় 'অম্হে' ও 'অম্হারি'। তার থেকে পুরোনো বাঙ্গলায় হয় 'অহ্মে', 'আক্ষে', 'হাঁট' ইত্যাদি। কয়েকটি উদাহরণ :

‘চর্যাপদ’-এ কবি ভাদ্রেপাদ বলেছেন : ‘এতকাল হাঁট অছিলেন্সু  
মোহে’। এতোকাল আমি ছিলাম মোহে।

কবি সরহপাদ বলেছেন : ‘আম্হে ন জানহঁ অচিন্ত জোই।’  
অচিন্ত্যযোগী আমরা জানি না।

‘শ্রীকৃষ্ণকীর্তন’-এ পাওয়া যায় ‘সুন্দরী সুন্দরী রাধা বচন আক্ষার’।  
রূপসী রাধা আমার কথা শোনো।

কৃষ্ণ বলছে : ‘এথাঞ্চ শিয়ারে বাঁশী আরোপিও সুতিও আছিলো  
আক্ষি।’ শিয়ারে বাঁশি ক্ষেত্রে আমি শুয়ে ছিলাম।

‘আমি’ বললে এখন শুধু 'আমাকে'ই বোঝায়, শুধু বক্তাকে বোঝায়।  
কিন্তু পুরোনো বাঙ্গলায় 'আক্ষ' বোঝাতো বহুবচন। “শ্রীকৃষ্ণকীর্তন”-এ  
'আক্ষি' একবচন বোঝাতে শুরু করে। তখন তৈরি করা হয় বহুবচন রূপ  
'আক্ষারা'।

মধ্যম বা দ্বিতীয় পুরুষের 'তুমি'। প্রাচীন ও মধ্য বাঙ্গলায় 'তুমি'র  
পাওয়া যায় বহু রূপ। প্রাচীন বাঙ্গলায় 'তুমি' ছিলো 'তু', 'তো', 'তুহ্মে',  
'তুঞ্জে'। আদিমধ্য বাঙ্গলায় 'তুমি' ছিলো 'তোঞ্চে', 'তুঞ্চি', 'তুক্ষি',  
'তোক্ষা'। মধ্যযুগের শেষ দিকে 'তুমি' ছিলো 'তুঞ্চি', 'তোহি', 'তোক্ষে',  
'তোক্ষি', 'তুমি' প্রভৃতি। আধুনিক কালে এসব থেকে জন্ম নিয়েছে দুটি  
সর্বনাম। একটি হচ্ছে দ্বিতীয় পুরুষের সাধারণ সর্বনাম 'তুমি'। অন্যটি  
তৃচ্ছার্থক 'তুই'। কী রূপ ছিলো 'তুমি'র অনেক আগে, প্রাচীন ভারতীয়  
আর্যভাষায়? কেউ কেউ বলেন বৈদিক ভাষায় 'তুমি' ছিলো 'যুশ্মে'। এর  
বিবর্তনেই জন্মেছে 'তুমি'। 'যুশ্মে' হয়তো বৈদিকেই রূপ নিয়েছিলো

কতো নদী সরোবর বা বাঙ্গলা ভাষার জীবনী ৪৭

‘তুম্হে’। তা প্রাকৃতে হয়ে যায় ‘তুমহে’ ও ‘তুমহাহি’। অপভ্রংশে ‘তুমহহি’। তা থেকে হয় পুরোনো বাঙ্গলার ‘তুহমে’ ‘তোক্ষি’, ‘তোক্ষে’। পরে হয় ‘তুমি’। এখন যে তুচ্ছার্থে আমরা ‘তুই’ বলি, এটি এসেছে প্রাচীন ভারতীয় ‘তুয়া’ থেকে।

“চর্যাপদ”-এ চাটিল্লপাদ বলেছেন : ‘জই তুমহে-লোআ হে হোইব পারগামী’ যদি তোমরা সবাই পারগামী হ’তে চাও।

“শ্রীকৃষ্ণকীর্তন”-এ পাই : ‘তোক্ষার বচনে যমুনাক আক্ষে জাইব।’ তোমার কথায় আমি যমুনায় যাবো।

“শ্রীকৃষ্ণকীর্তন”-এ পাই : ‘তঁবে তার বাঁশী লজ্জা ঘর জাইহ তুক্ষি।’ তখন তার বাঁশি নিয়ে তুমি ঘরে যেয়ো।

এখন আমরা সম্মানিতদের সমোধন করি ‘আপনি’ ব’লে। এটি দ্বিতীয় পুরুষের সম্মানাত্মক সর্বনাম। এটি পুরোনো বাঙ্গলায় ছিলো না। মধ্যবাঙ্গলায় ছিলো না। আগে রাজাবাদশাকেও ‘তুমি’ ব’লেই সমোধন করা হতো। কিন্তু ক্রমে সমোধনে সম্মান প্রকাশের প্রয়োজন পড়ে। তখন ধীরেধীরে ‘নিজ’-আর্থক ‘আপন’ থেকে স্টেসনো হয় সম্মানসূচক দ্বিতীয় পুরুষের ‘আপনি’। ‘আপনার চেয়ে আপনিম যে জন তারে খুজি আপনায়’, ‘আপনারে লয়ে বিব্রত রহিতে’ বাক্যে ‘আপন’ বোঝায় ‘নিজ’। এটি থেকেই সম্ভবত উনিশ শতকে বিকশিত হয় ‘আপনি’।

ত্বরীয় পুরুষের ‘সে’। সারা সম্মানিত নয়, তাদের নির্দেশ করার জন্যে ব্যবহার করি এটি। এটিরও ছিলো অনেক রূপ আদি ও মধ্য বাঙ্গলায়। প্রাচীন বাঙ্গলায় পাওয়া যায় ‘সে’, ‘সো’, ‘স’, ‘সোই’ প্রভৃতি রূপ। আদিমধ্য বাঙ্গলায় পাওয়া যায় এর ‘সো’, ‘সেহো’, ‘সেহি’ ‘সেনা’ প্রভৃতি রূপ। মধ্যযুগের শেষ দিকে পাওয়া যায় ‘সে’, ‘সেহ’, ‘সেহি’, রূপ। এখন এর রূপ ‘সে’। এটি এসেছে প্রাচীন ভারতীয় আর্যভাষার ‘সকঃ’ শব্দ থেকে। প্রাকৃতে এটি হয়ে যায় ‘সো’, ‘শে’। প্রাচীন বাঙ্গলায় হয় ‘সো’, ‘সে’, ‘স’। তারপর এর একটিই রূপ ‘সে’।

“চর্যাপদ”-এ পাই : ‘হেরি সো মোরি তইল বাড়ী খসমে সমতুলা।’ আমার খসম-সমান সে ত্বরীয় বাড়ি দেখে।

“শ্রীকৃষ্ণকীর্তন”-এ পাই : ‘কে না বাঁশী বাএ বড়ায় সে না কোন জনা।’ কে বাঁশি বাজায় বড়ায়, সে কোনজন?

মালাধর বসু লিখেছেন : ‘সেহ যদি অল্পজ্ঞান করিল আমারে।’ সে যদি আমাকে অল্পজ্ঞান করলো।

ত্রৃতীয় পুরুষের সম্মানসূচক ‘তিনি’। সম্মানিত কাউকে নির্দেশ করার জন্যে ব্যবহার করি এটি। প্রাচীন বাঙালায় এটির ব্যবহার খুব কম। প্রাচীন বাঙালায় পাওয়া যায় ‘তো’। আদিমধ্য বাঙালায় পাওয়া যায় ‘তেঁ’, ‘তেহেঁ’, ‘তেহেঁ’। মধ্যযুগের দ্বিতীয় ভাগে পাওয়া যায় ‘তেঁ’, ‘তিহে’, ‘তেহে’, ‘তিনি’, ‘তেনি’ প্রভৃতি রূপ। আধুনিক বাঙালায় ‘তিনি’। ‘তিনি’র উৎপত্তি সম্পর্কে সন্দেহ আছে। কেউ কেউ মনে করেন অপত্তিশের ‘তিনি’ থেকে এসেছে বাঙালা ‘তিনি’।

“চর্যাপদ”-এ পাই : ‘তে তিনি তে তিনি তিনি হো ভিন্না।’ সে তিন সে তিন—তিন অভিন্ন।

“শ্রীকৃষ্ণকীর্তন”-এ পাই : ‘বিরহ জুরে তেহেঁ জরিলা।’ বিরহ-জুরে তিনি আকৃত।

এভাবেই পেয়েছি আমরা আধুনিক সর্বনামগুলো।

AMARBOI.COM

## জলেতে উঠিলী রাহী

জলেতে উঠিলী রাহী আধ করি তলে । লিখেছেন বড় চৰীদাস । ‘জলেতে উঠিলী রাহী?’ জলে উঠলো রাধা? কেমন লাগে? জলে কী ক’রে ওঠে? কিন্তু কবি জলে ওঠার কথা বলছেন না । তিনি বলছেন যে রাধা জল থেকে উঠলো, অর্ধেক তার জলের ভেতরে । আমরা এখন বলি ‘জল থেকে’, ‘বাড়ি থেকে’ । ‘থেকে’ অর্থে ছো বছো, আগে বড় চৰীদাস ব্যবহার করেছিলেন ‘তে’ । ‘তে’ একটি বিভক্তি । বাঙলায় বিশেষ ও সর্বনামের সাথে পদে পদে বিভক্তি বসে । ‘আমি’ আর ‘তুমি’ সর্বনাম চিন’ একটি ক্রিয়ামূল । এদের দিয়ে বাক্য বানানেই ‘আমি’ আর ‘তুমি’র সাথে গেঁথে দিতে হবে বিভক্তি । তখন রূপ বদলে যাবে সর্বনামের আমি তোমাকে চিনি’, ‘তুমি আমাকে চেনো’ । ‘কে’ লাগানো হলেও আর রূপ বদলে গেল ‘আমি’ ও ‘তুমি’র । বিভক্তি গেঁথে দিতে হয় বাঙলা বাক্যের বিভিন্ন পদে । বিভক্তির জনোই বাঙলা বাক্য বেশ নমনীয় ; শব্দগুলোকে বাক্যের এদিকেসেদিকে সরানো যায় । বলতে পারি, ‘তোমাকে চিনি আমি’, ‘চিনি তোমাকে আমি’ । অর্থ ঠিক থাকে, শুধু শব্দের স্থান বদলে যায় ।

নানা বিভক্তি আছে বাঙলায় । বাক্যের একটি পদকে বলা হয় ‘কর্তা’ । কর্তাপদে সাধারণত আধুনিক বাঙলায় বিভক্তি লাগে না । তবে লাগে বা লাগাই মাঝে মাঝে । বলি, ‘মায়ে ডেকেছে’, ‘পাগলে ছাগলে কতো কী বলে আর খায়’ । এখানে বিভক্তি লেগেছে ‘এ’ বা ‘য়ে’ । বাক্যে একটি পদকে বলে ‘কর্ম’ । কর্মে বিভক্তি লাগে । বলি : ‘তোমাকে কী যে ভালো লাগে’ । একটু গীতিময় হ’লে কেউ বলে : ‘চিনিলে না আমারে কি, চিনিলে না’ । একটু কোমল হয়ে বলি : ‘তোমায় তো চিনেছি কালেকালে’ । এখানে বিভক্তি পাছি ‘কে’, আর ‘রে’ আর ‘য়’ । এক ধরনের পদকে বলি ‘করণ’ । করণে বিভক্তি লাগে ‘এ’, ‘তে’ । কখনো লাগেও না । কখনো ‘ঘারা’, ‘দিয়ে’

বিভক্তির কাজ করে। বলি : 'ছুরিতে কেটেছে', 'ছুরি দিয়ে কেটেছি'। অপাদানে এখন বিভক্তির বদলে 'থেকে' শব্দটি কাজ করে। বড় চৰীদাস এখন লিখতেন : 'জল থেকে উঠলো রাধা'। অধিকরণে অর্থাৎ স্থান বোঝাতে বিভক্তি লাগে 'এ', 'তে' ইত্যাদি। অনেক সময় লাগে না।

বাঙ্গলা ভাষার শুরু থেকেই বাক্যের বিভিন্ন পদে বিভক্তি বসছে। প্রাচীন ভারতীয় আর্যভাষ্যায় বিভক্তি বসতো। বসতো প্রাকৃতেও। কিন্তু শুরু থেকে আজ পর্যন্ত বাঙ্গলায় বিভক্তিগুলো এক নয়। নানা রকম বদল ঘটেছে তাদের। অনেক বিভক্তি হারিয়ে গেছে। জন্ম নিয়েছে অনেকগুলো। অনেক পদ আবার এমন হয়ে উঠেছে যে বিভক্তি নিতে চায় না। বিভক্তি ছাড়াই কাজ চালায়। কিন্তু বিভক্তি আছে বাঙ্গলায়। এগুলো আবার সুনির্দিষ্ট নয়। এমন নয় যে বিশেষ পদের জন্যে বিশেষ বিভক্তি নির্দিষ্ট। বাঙ্গলায় একই রূপের বিভক্তি বসে বিভিন্ন পদে। আবার একই পদে বসে বিভিন্ন বিভক্তি। আমাদের বিভক্তিগুলোর ইতিহাস আছে।

আজকাল বাঙ্গলায় কর্তাপদে সাধারণত কোনো বিভক্তি বসে না। হাজার বছর ধরেই এ-রকম হচ্ছে। পরোনো বাঙ্গলা, মধ্য বাঙ্গলায় সাধারণত কর্তাপদ বিভক্তিশূন্য থাকতে প্রাকৃতে ব্যাকরণরচয়িতারা এ-শূন্যতার নাম দিয়েছেন 'শূন্যবিভক্তি'। যেমন 'চর্যাপদ'-এ :

‘ভণই কাহু আক্ষে ভলি দাহু দেহঁ।’ কাহুপাদ বলে আমি ভালো দান দিই।

‘ভণই কাহু মো-হিঅহি ণ পইসই।’ কাহুপাদ বলে আমার হৃদয়ে পশে না।

‘ভুসুকু ভণই মৃচ্ছিঅহি ণ পইসই।’ ভুসুক বলে মৃচ্ছের হৃদয়ে পশে না।  
“শ্রীকৃষ্ণকীর্তন”-এ পাওয়া যায় :

‘গাইল বড় চৰীদাস বাসলীগণ।’ বাসলীভক্ত বড় চৰীদাস গাইল।

‘কাহুঞ্চিৎক বুইল বড়ায়ি বচন মধুরে।’ বড়ায়ি কৃষ্ণকে মধুর বচন বললো।

‘সপনে দেখিলো মো কাহু।’ স্বপ্নে আমি কৃষ্ণকে দেখলাম।

কর্তায় ‘এ’ আর ‘ঁ’ পাওয়া যায় আদিযুগে ও মধ্যযুগে। “চর্যাপদ”-এ পাওয়া যায় :

‘কুখের তেন্তলি কুষ্টীরে খাআ।’ গাছের তেঁতুল কুমিরে খায়।

‘কানেট চোরে মিল অধরাতী।’ আধরাতে চোরে নিলো কানেট।

‘ভণথি কুকুরীপাএ ভৰ থিৰা।’ কুকুরীপাদ বলে জগৎ স্থির।

‘শ্রীকৃষ্ণকীর্তন’-এ পাওয়া যায় :

‘গাইল বড়ু চণ্ডীদাসে ।’ বড়ু চণ্ডীদাস গাইলো ।

‘প্রথমত কংশে পুতনাক নিয়োজিল ।’ কংশ প্রথম পুতনাকে নিয়োগ করলো ।

‘তোক্ষে কেহে সে বোল বোলহ আক্ষারে ।’ তুমি কেনো আমাকে সে-কথা বলো ।

কিন্তু এই ‘এ’ খুজে পাওয়া বেশ কঠিন । আধুনিক বাঙ্গলায় এটি তো দুর্প্রাপ্যই, এমনকি আদি ও মধ্যযুগেও এটি বিরল ।

কর্মে এখন সবচেয়ে প্রতাপশালী হচ্ছে ‘কে’ । কবিতায় কিছুকাল আগেও ‘রে’ বসতো ফিরেফিরে । অনেক কর্মে কোনো বিভক্তিই বসে না । ‘আমি তোমাকে পছন্দ করি’ বলার সময় ‘তুমি’র সাথে একটি ‘কে’ গৈথে দিতে বাধ্য হয়েছি । না দিলে বাঙ্গলাই হতো না । বলতে তো পারি না ‘আমি তুমি পছন্দ করি’ । কিন্তু বলতে পারি ‘আমি ফুল পছন্দ করি’, ‘তুমি মেঘ ভালোবাস’, আর ‘সে বাঘ মারে’ । চিরকালই বাঙ্গলায় অনেক কর্মে কোনো বিভক্তি বসে না । পুরোনো বাঙ্গলায় কর্মে ‘এ’ আর ‘এঁ’ বসতো । আদিমধ্যযুগে এদের সাথে যোগ দেয় আরেকটি কর্মবিভক্তি । বসতে শুরু করে ‘ক’ আর ‘কে’ আর ‘রে’ বিভক্তি, আর মধ্যযুগের শেষভাগে দেখা দেয় ‘ত’, ‘তে’ ও ‘কারে’ বিভক্তি । কিন্তু কোনো বিভক্তি না থাকার উদাহরণ পাই “চর্যাপদ”-এ :

‘পুণ সইআঁ আপণা চট্টারিউ ।’ পুনরায় নিজেকে নিয়ে নিঃশেষ হলাম ।

‘রূপা থোই নাহিক ঠাবী ।’ রূপো রাখার ঠাঁই নেই ।

‘লুই ভণই শুরু পুচ্ছিঅ জাণ ।’ লুইপাদ বলে শুরুকে জিজেস ক’রে জানো ।

‘শ্রীকৃষ্ণকীর্তন’-এ পাওয়া যায় কর্মে ‘এ’ ও ‘রে’র উদাহরণ :

‘তিনভুবনজনমন গোচর তোক্ষাএ ।’ তিনভুবনের লোকেরা তোমাকে চেনে ।

‘বুঁধিবারে নারিল তোক্ষারে জগন্নাথ ।’ জগন্নাথ তোমাকে বুবতে পারলাম না ।

‘শ্রীকৃষ্ণকীর্তন’-এ পাওয়া যায় কর্মপদে ‘ক’, ‘কে’ ও ‘তে’ বিভক্তি । কয়েকটি উদাহরণ :

‘লক্ষ্মীক বলিল দেবগণ’ । দেবতারা লক্ষ্মীকে বললো ।

‘দেহ রাধা কাহাইক আশ ।’ রাধা কৃষ্ণকে আশা দাও ।

‘থাকিব যোগিণী হওঁ তোহাক সেবিএঁ’। তোমাকে সেবা ক’রে  
যোগিণী হয়ে থাকবো ।

‘তোকাকে মো মাইলোঁ বাণে ।’ তোমাকে আমি বাণ মারলাম ।  
‘কহিলো মো তোক্ষাতে স্বরূপ ।’ তোমাকে ঠিক কথা বললাম ।

করণপদে এখন বিভক্তি বসে ‘এ’ আর ‘তে’। অনেক সময় কোনো  
বিভক্তি লাগেও না করণে। মধ্যযুগের শেষভাগে ছিলো ‘এ’, ‘ত’, আর  
‘তে’। প্রথম ভাগে ছিলো ‘এঁ’, ‘এ’ আর ‘ত’। “চর্যাপদ”-এর বাঙ্গলায়  
পাওয়া যায় করণের বিভক্তি ‘এঁ’, ‘এ’, ‘এতেঁ’। এই ‘এঁ’ বিভক্তিটিই  
মজার ।

“চর্যাপদ”-এ কাহপাদ বলেন : ‘দেহ-নঅৱী বিহৱে একারেঁ ।’ এক  
নাগাড়ে দেহ-নগরে বিহার করে ।

“চর্যাপদ”-এর কবি বলেন : ‘ভণই কক্ষন কলএল সাদেঁ ।’ কক্ষনপাদ  
কলকল শব্দে বলে ।

“শ্রীকৃষ্ণকীর্তন”-এ বড়ায়ি বলে : ‘তোক্ষার আনুমতীঁ মাণিকে হিরা  
বিক্ষে ।’ তোমার ইঙ্গিতে মাণিকে বিধেয়করে ।

অধিকরণে, স্থান বোঝাতে, এখন ‘এ’ আর ‘তে’ বিভক্তি বসে।  
কখনোকখনো বিভক্তি লাগেও না আদি ও মধ্যযুগে অধিকরণের ছিলো  
একরাশ বিভক্তি। পুরোনো ও মধ্যযুগের ‘এঁ’, ‘এ’ ছিলো। মজার হচ্ছে  
পুরোনো বাঙ্গলায় ‘হি’ বা ‘হিঁ’, আর পুরোনো ও মধ্য বাঙ্গলার ‘ত’। যেমন :

“চর্যাপদ”-এ তুসুকু বলেন : ‘মৃঢ়া হিঅহি ণ পইসই ।’ মৃঢ়ের হৃদয়ে  
পশে না ।

“শ্রীকৃষ্ণকীর্তন”-এ পাই : ‘বাহত বলয় শোভে পাএত নৃপুর ।’  
বাহতে বলয় পায়ে নৃপুর শোভে পায় ।

রাধা বলে : ‘নিকুঞ্জত চাহা আর যমুনার তীরে ।’ নিকুঞ্জে আর যমুনার  
তীরে খোজো ।

এভাবেই হাজার বছর ধ’রে বদলিয়েছে আর টিকে আছে বিভিন্ন পদের  
বিভক্তি ।

## বহুবচন

একের পরে দুই। কিন্তু বচনে একের পরেই বহু। একলা থাকতে পারি আমি। তাহলে শুধু আমি; —একা, একলা, একজন। আমি একবচন। আমার সাথে থাকতে পারে অন্য কেউ; —সে অথবা তুমি। বা সে আর তুমি। তখন সে তুমি আর আমি মিলে হয়ে উঠি আমরা। তুমি আর আমি মিলেও আমরা। সে আর আমি মিলেও আমরা। বহুবচন। একটি পাখি আকাশে। পাখিটি একবচন। দুটি বা অনেক পাখি আকাশে। তখন বলি, ‘পাখি দুটি’, বা ‘পাখিরা’। বহুবচন। প্রমত্ত, একজন হ'লে একবচন। একের বেশি হ'লেই বহুবচন।

পৃথিবীর সব ভাষায়ই বিশেষজ্ঞ সর্বনাম শব্দের একবচন ও বহুবচনের রূপে পার্থক্য আছে। একবচনের শব্দটি এক রকম; বহুবচনে অন্য রকম। সাধারণত একবচনের রূপের সাথে নানা কিছু যোগ ক'রে তৈরি করা হয় শব্দের বহুবচনের রূপ। বাঙালায় ‘রা’, ‘এরা’ যোগ করলে শব্দ বহুবচন হয়। ‘ছেলে’ একবচন। ‘ছেলেরা’ বহুবচন। ‘লেখক’ একবচন। ‘লেখকেরা’ বহুবচন। অনেক সময় যোগ করি ‘গুলো’। ‘পাখি’ একবচন। ‘পাখিগুলো’ বহুবচন। আছে আরো কয়েকটি বহুবচনের চিহ্ন: ‘দল’, ‘গণ’, ‘বৃন্দ’, ‘সমূহ’ প্রভৃতি। বলতে পারি ‘ছাত্রদল’, ‘শিক্ষকগণ’, ‘অতিথিবৃন্দ’, ‘পুস্তকসমূহ’। এগুলো বহুবচন। আরো আছে সংখ্যা আর সমষ্টিবাচক শব্দ: ‘দুই’, ‘তিনি’; এবং ‘অনেক’, ‘বহু’, ‘সব’ প্রভৃতি শব্দ। ‘দুটি ছেলে’, ‘অনেক মেয়ে’, ‘বহু মানুষ’, ‘সব পাখি’ বহুবচন।

এগারো শো বছর ধ'রে তো একই রকমে বহুবচন প্রকাশ করতে পারে না একটি ভাষা। বাঙালা ভাষার যখন জন্ম হয়েছিলো তখনি এর সব রকম বিকাশ ঘটে যায় নি। যেমন ঘটে নি বহুবচনের রূপে। এখন এক রকম বহুবচন শব্দ গঠিত হয় শব্দের রূপ বদল ক'রে। “চর্যাপদ”-এর কালে রূপ

বদলের ব্যাপারটি শুরু হয় নি। তখন শব্দটি ঠিকই থাকতো, আর তার আগে বা পরে অন্য শব্দ বসিয়ে বহুত্ব বোঝানো হতো। ‘লোআ’ (লোক) শব্দটি শব্দের পরে বসিয়ে বহুবচন বানানো হতো কখনো। যেমন : ‘পারগামিলোআ’ (পারগামীরা), ‘বিদুজগলোআ’(বিদুজনেরা), ‘তুমহে লোআ’ (তোমরা)। কখনো সমষ্টিবাচক শব্দ দিয়ে বোঝানো হতো বহুত্ব। “চর্যাপদ”-এ পাই ‘সকল সমাহিত’ (সকল সমাধা করা হলো), ‘সঅল সহাবে’ (সকল স্বভাবে), ‘গাগা তরুবর’ (নানা গাছ)। সংখ্যা শব্দ দিয়েও বোঝানো হতো বহুত্ব। যেমন : ‘বতিস জোইগী’ (বত্রিশ যোগিনী), ‘চট্টষ্ঠঠী পাখুড়ী’ (চৌষট্ঠি পাপড়ি)। শব্দ দুবার ব্যবহার করেও বহুত্ব বোঝানো হতো। যেমন : ‘উঁধা উঁধা পারত’ (উঁচু উঁচু পর্বত), ‘জে জে আইলা’ (যে যে এলো)। এ-নিয়মগুলো বাঙলায় এখনো আছে।

“শ্রীকৃষ্ণকীর্তন”-এও এভাবেই প্রকাশ করা হয় বহুবচন। আর এ-কাব্যেই জন্ম নেয় বাঙলা ভাষার বিখ্যাত বহুবচন চিহ্ন ‘রা’। সমষ্টিবাচক ‘সব’ দিয়ে বারবার বহুবচন প্রকাশ করা হয়েছে এ-কাব্যে। পাওয়া যায় ‘তোক্ষে সব’ (তোমরা), ‘সব দেব’, ‘সব পসারু’, ‘সব গুআ পানে’। ‘যত’, ‘নানা’ প্রত্তি দিয়েও প্রকাশ করা হয়েছে বহুত্ব। এ-কাব্যে পাই ‘যত নানা ফুল পান করপুর সব পেলাইল পাএ’ ‘জানা ফুল খাএ নারায়ণে’, ‘বুইলো সব সখিজনে’।

‘গণ’ চিহ্নটি এখন শুধু সন্তুষ্মানক শব্দের সাথেই বহুবচন বোঝানোর জন্যে বসে। আমরা বলি ‘পপণ্ডিতগণ’, ‘ছাত্রগণ’, ‘শিক্ষকগণ’। বলি না ‘বইগণ’, ‘পুতুলগণ’। কিন্তু ‘শ্রীকৃষ্ণকীর্তন’-এ বস্তুবাচক শব্দের সাথে নির্বিচারে বসেছে ‘গণ’। পাওয়া যায় ‘বাদ্যগণ’, ‘তরঙ্গণ’, ‘দুখগণ’, ‘প্রগামগণ’। মধ্যযুগের দ্বিতীয় ভাগে বিভিন্ন কাব্যে পাওয়া যায় ‘হারগণ’, ‘হাণড়ীগণ’, ‘মেঘ তারাগণ’, ‘গিরিগণ’, ‘মঙ্গলগণ’ প্রত্তি প্রয়োগ। “শ্রীকৃষ্ণকীর্তন”-এর বিখ্যাত ঘটনা হচ্ছে বহুবচন বোঝানোর জন্য ‘রা’-র ব্যবহার। প্রথম ও দ্বিতীয় পুরুষের সর্বনামের বহুবচন বোঝাতে মাত্র তিনিবার বড় চৌদাস ‘রা’ প্রয়োগ করেছেন এ-কাব্যে। তাঁর সে-অবিস্মরণীয় প্রয়োগ তিনিটি হচ্ছে : ‘আজি হৈতে আক্ষারা হৈলাহোৈ একমতী’, ‘আক্ষারা মৱিব শুণিলেঁ কাঁশে’, ও ‘পুছিল তোক্ষারা কেহে তৰাসিল মণে’। এখানেই পাই ‘আমরা’, ‘তোমরা’-র পূর্বপুরুষ ‘আক্ষারা’, ‘তোক্ষারা’।

‘রা’ জন্ম নেয়। কিন্তু সহজে জয় করতে পারে নি বাঙলা বিশেষ্যকে। পনেরো-ঘোলো শতক পর্যন্ত ‘রা’ কাজ করে চলে সর্বনামের বহুবচন চিহ্নপেই। তারপর শুরু হয় এর জয়ের যুগ। বসতে শুরু করে বিশেষ্যের

সাথে। কবি মুকুন্দরাম লিখেছেন, ‘বন্দ্যবৎশে জন্ম স্বামী বাপেরা ঘোষাল।’ কবি বিপ্রদাস লিখেছেন, ‘কুমারেরা রড়ারঢ়ি যাএ’; কবি রূপরাম লিখেছেন, ‘যুবতীরা কয়’। এভাবে বেড়ে চলে ‘রা’র রাজ্য।

বহু বোঝাতে ‘গুলো’ এখন আমরা ব্যবহার করি খুব। এটা কয়েক বছর আগেও ছিলো, এমনকি এখনো কারো কারো মুখে, ‘গুলি’। এটি মধ্যযুগ থেকেই ব্যবহৃত হয়ে আসছে বাঙ্গালায়। তখন এর রূপ ছিলো ‘গুলা’। ঘোলো শতকে এর জন্ম। কবি মুকুন্দরাম লিখেছেন, ‘ঘরগুলা করে দলমল।’ কবি রূপরাম লিখেছেন, ‘সন্ধ্যাবেলা সিন্ধিগুলি কে দিবেক বেটে।’ ‘গুলা’, ‘গুলি’ এখন চলতি বাঙ্গালায় ‘গুলো’।

চলতি বাঙ্গালায় একটি জটিল বহুবচন চিহ্ন হচ্ছে ‘দের’। কর্তা নয় এমন বিশেষ্যপদে এটি বসে। আমরা বলতে পারি ‘মেয়েরা এলো’। বলতে পারি না ‘মেয়েদের এলো’—এটা ভুল। কিন্তু বলতে পারি ‘আমি মেয়েদের দেখেছি’। বলতে পারি না ‘আমি মেয়েরাকে দেখেছি’; এটা ভুল। ‘রা’ (আর ‘এরা’) বসে কর্তাপদে। ‘দের’ বসে কর্তা নয় এমন পদে। তবে আরো একটি ‘দের’ আছে বাঙ্গালায়। এবং জটিলতা সেখানেই। ‘আমাদের বাগান’, আর ‘তোমাদের ফুল’-এ ‘দের’<sup>সংস্কৃত</sup> বোঝাচ্ছে। বহুবচনের ‘দের’, আর সম্ভবের ‘দের’ কি একই ‘দের’?

বহুবচনের ‘দের’-এর কথায় ফারসি। সাধুভাষায় এটি ছিলো কখনো ‘দিগ’ কখনো ‘দিগের’। সাধুভাষায় পাওয়া যায় ‘তোমাদিগকে’, ‘তোমাদিগের’। এই ‘দিগ’ স্থানিক এসেছে সংস্কৃত ‘আদি’ থেকে। দ্বিজ মাধব লিখেছেন, ‘বরং পবন শক্ত দুর্বাসাদি।’ কৃতিবাস লিখেছেন, ‘তাহাদিগে ধরিবাঁ আনহ মোর ঠাঁই।’ মাণিকরাম লিখেছেন, ‘আমাদিকে সঙ্গে কর্য।’ ফারসিতে একটি শব্দ আছে ‘দিগর’, যার অর্থ ‘অন্য, আরো’। কেউকেউ মনে করেন ‘দিগ’-এর জন্মে ফারসি ‘দিগর’-এর তৃতীকা আছে। কবি কেতকাদাস, সতেরো শতকে, তাঁর “মনসামঙ্গল”-এ লিখেছেন, ‘ত্রাক্ষণের গরু রাখে বসুয়া দিগর।’

## আইসসি যাসি করসি

আইসসি যাসি করছি। এমন বলতাম আমরা হাজার বছর আগে, আটশো বছর আগে। এখন বলি—আসো যাও করো। ক্রিয়া খুব মজার জটিল জিনিশ। অনেক কিছু প্রকাশ করতে হয় ক্রিয়াকে। আরো একটু যথাযথ হওয়ার জন্যে বলতে হয় : অনেক কিছু প্রকাশ করতে হয় ক্রিয়ারপকে। ক্রিয়ারপ। যেমন : আইসসি যাসি করসি। আসো যাও করো। পোহাইলি ভইলী লেলি। পোহালে হ'লে নিলে। নানা রকম ক্রিয়ারপ আছে বাঙলায় : করি, করছি, করেছি। করলাম, করছিলাম, করেছিলাম। করবো। এ-রূপাঙ্গলোর দুটি বড়ো অংশ। একটি অংশ হচ্ছে ক্রিয়ামূল, যা ক্রিয়া বোঝায়; আরেকটি অংশ বোঝায় অনেক কিছু। 'করি'কে দু-ভাগ করলে পাই 'ক্ৰ' ও 'ই'। 'করছি' কে দু-ভাগে ভাগ করলে পাই 'ক্ৰ' ও 'ছি'। 'করেছি'কে দু-ভাগে ভাগ করলে পাই 'ক্ৰ' ও 'এছি'। এভাবেই দু-ভাগে ভাগ করা যায় 'করলাম', 'করছিলাম', 'করেছিলাম', 'করবো' ও অন্য ক্রিয়ারপগুলোকে। প্রথম ভাগটি বোঝায় ক্রিয়া। 'ক্ৰ', 'ধ্ৰ', 'ব্ৰ', 'থা' নানা রকমের ক্রিয়া। আর দ্বিতীয় ভাগটি?

ক্রিয়ারপের দ্বিতীয় ভাগকে ব্যাকরণে বলা হয় 'ক্রিয়াবিভক্তি'। নামটি ঠিক হয় নি। এটির নাম দেওয়া যাক 'ক্রিয়াসহায়ক', যা সহায়তা করে ক্রিয়াকে। অনেক ক্রিয়াসহায়ক আছে বাঙলায় : 'ই', 'ছি', 'এছি', 'লাম', 'ছিলাম', 'এছিলাম', 'বো', 'ও', 'ছো', 'এছো'র মতো অনেক ক্রিয়াসহায়ক আছে আমাদের। এগুলোকে পৃথক করলে মাথার ভেতর জট পাকিয়ে যায়। কিন্তু কথা বলার সময় ঠিকই ব্যবহার করি এগুলো।

কী প্রকাশ করে এ-ক্রিয়াসহায়কগুলো? উদাহরণ দিলে বুঝতে সুবিধা হবে। আমি বললাম, 'পড়ছি'। এর প্রথম অংশ পড়', দ্বিতীয় অংশটি 'ছি'। 'পড়' বোঝায় লিখিত কিছু বিশেষ এক রকমে আয়ত্ত করা। 'ছি' কী

কতো নদী সরোবর বা বাঙলা ভাষার জীবনী ৫৭

বোঝায়? 'পড়ছি' বলার সাথে বোঝায় যে পাঠক হচ্ছি 'আমি'। 'আমি' উত্তম বা প্রথম পুরুষের সর্বনাম। তাই 'ছি' বোঝায় বাক্যের কর্তা কোন পুরুষের। আবার পড়ছি বলার সাথে সাথে বুঝি পড়ার কাজটি ঘটছে বর্তমান কালে। তাই 'ছি' কাল বোঝায়। আরো বোঝায় যে পড়ার কাজটি এখনি ঘটছে। অর্থাৎ ক্রিয়ার রীতি বোঝাচ্ছে—ক্রিয়া কী রীতিতে সম্পন্ন হচ্ছে, তা বোঝাচ্ছে। তাই দেখতে পাচ্ছি বাঙলা ক্রিয়ারূপের দ্বিতীয় অংশ অর্থাৎ ক্রিয়াসহায়ক তিনি রকম ব্যাপার বোঝায়। পুরুষ বোঝায়, কাল বোঝায়, ক্রিয়ার রীতি বোঝায়।

বাঙলা ক্রিয়াসহায়কগুলো পুরুষ, কাল ও ক্রিয়ার রীতি বুঝিয়ে আসছে বাঙলা ভাষার জন্মের কাল থেকেই। কিন্তু এগুলো চিরকাল রূপে একই রকম থাকে নি। রূপ বদলিয়েছে কালেকালে। তবে রক্ষা করেছে ধারাবাহিকতা। কাল হ'তে পারে বর্তমান; হ'তে পারে অতীত; পারে হ'তে ভবিষ্যৎ। পুরুষ হ'তে পারে প্রথম, দ্বিতীয়, তৃতীয়। ক্রিয়া ঘটতে পারে নানা রীতিতে—এইমাত্র শেষ হ'তে পারে ক্রিয়াটি। ক্রিয়াটি এখনো চলতে পারে। চলতে পারে আরো অনেক কাল ধরে। এ-সবই ধরা পড়ে ক্রিয়ারূপের দ্বিতীয় অংশে, ক্রিয়াসহায়কে।

ক্রিয়াসহায়কের রূপ নানাভাবে মূল্যায়নেছে। ক্রিয়াসহায়ক সংখ্যায়ও প্রচুর। সবগুলোর পরিচয় এখানে দিচ্ছি না, দিলে মাথার ভেতর হৈচৈ শুরু হয়ে যাবে। কয়েকটির কথা শুনুন।

এখন বর্তমান কালের একটি ক্রিয়াসহায়ক হচ্ছে 'ই'। করি, বলি, চলি, দেখি-তে, করু, বলু, চলু, দেখু-এর সাথে যোগ করেছি 'ই'। পুরোনো বাঙালায়, "চর্যাপদ"-এ, ছিলো তিনটি ক্রিয়াসহায়ক। 'ম', 'মি' আর 'হঁ' বা 'হ'। এখন বলি 'যা নিয়ে আছি', "চর্যাপদ"-এর কবি লুইপাদ বলেছেন, 'জা লই আছম'। 'আছম' এখন 'আছি'। এখন বলি 'জানি না'; কবি আর্দ্দেব বলেছেন, 'ণ জানমি'। 'জানমি' এখন 'জানি'। এখন বলি 'দাবা খেলি'। কবি কাহপাদ হাজার বছর আগে বলেছিলেন, 'খেলহঁ নঅবল'। 'খেলহঁ' আজকের 'খেলি'।

"শ্রীকৃষ্ণকীর্তন"-এ পাই : 'গেল', 'কৈল'। 'ম', 'মি', 'হঁ' আর নেই। তাদের জায়গা দখল করেছে অন্যরা। যেখানে "চর্যাপদ"-এর কবিরা ব্যবহার করতেন 'ম', 'মি', 'হঁ', আর এখন আমরা যেখানে ব্যবহার করি 'ই', সেখানে "শ্রীকৃষ্ণকীর্তন"-এর কালে বসতো 'অও', 'ও/ও', 'ই/ই', আর 'ইএ'। এখনকার 'ই' দেখা দেয় প্রথম 'শ্রীকৃষ্ণকীর্তন"-এই। এখন বলি, 'বিশ্রাম করি', রাধা বলেছে : 'করো বিসরামে'। এখন বলি, 'প্রাণ দিতে

পারি তোমার কথায়’, বড়ায়ি বলেছে : ‘পরাণ দিবাক পারোঁ তোম্মার বচনে’। এখন বলি, ‘আমি করতে পারি’। “শ্রীকৃষ্ণকীর্তন”-এ পাই ‘কবিরাক পারি’। এখন বলি, ‘আমি যাই’। “শ্রীকৃষ্ণকীর্তন”-এ রাধা বলেছে, ‘আক্ষে জাইএ’।

এখনকার ‘ই’র নানা রূপ ছিলো মধ্যযুগের দ্বিতীয় ভাগে। কখনো তা ‘ওঁ’, কখনো তা ‘ম’। কখনো ‘ও’, কখনো ‘হোঁ’, কখনো ‘ইঁ’, কখনো ‘উঁ’। কখনো আবার তা ‘ইএ’, কখনো ‘ই’। নানা রূপ। কবি দিজ মাধব লিখেছেন, ‘বন্দম দিনকরনাথ’, ‘কহম তোমারে’। মালাধর বসু লিখেছেন, ‘কন্দর্ষ সমান দেখো’, ‘বলহো তোমারে’। চূড়ামণি দাস লিখেছেন, ‘না জানিএ না মানিএ না ভজিয়ে আন’; অর্থাৎ অন্যকে জানি না মানি না ভজি না। কৃতিবাস লিখেছেন, ‘বিস্তারিয়া কহ মুনি শুনিউ কথন’।

তিন পুরুষ, তিন কাল, আর ক্রিয়া ঘটার রীতি অনেক। তাই ক্রিয়াসহায়কও অনেক। সবগুলোর কথা এখনে বলার উপায় নেই। শুধু কয়েকটি উদাহরণ দিছি, তাতেই বোৰা যাবে কালে কালে এগুলো কেমন হয়েছিলো।

“চর্যাপদ”-এ পাই : ‘আইসসি, যাসিস্তুছসি, বুবাসি’। আসো, যাও, জিজ্ঞেস করো, বোৰো।

“চর্যাপদ”-এ পাওয়া যায় : ‘শুচ্ছই, ভণই, জাগঅ, ডণতি, নাচতি’। আছে, বলে, জাগে, বলে, যাচ্ছিতে।

“চর্যাপদ”-এ পাই : ‘বাহিউ, পোহাই, বুঘিঅ, দেখিল, ফিটলেসু’। বাইলাম, পোহালাম, বুঘালাম, দেখলাম, মুক্ত হলাম।

“চর্যাপদ”-এ পাই : ‘মারিহসি, করিহ, করিব, হোইব’। মারবে, করবে, করবো, হবে।

“শ্রীকৃষ্ণকীর্তন”-এ পাই : ‘খাইলোঁ, হারায়িলোঁ, পড়িলাহোঁ, বধিল’। খেলাম, হারালাম, পড়লাম, বধলাম।

“শ্রীকৃষ্ণকীর্তন”-এ পাই : ‘গেলা, কৈলেঁ, এড়ালেহেঁ, নিলেহেঁ। গেলে, করলে, এড়ালে, নিলে।

“শ্রীকৃষ্ণকীর্তন”-এ পাই : ‘করিবো, জাগায়িবো, কাটায়িব, দিবওঁ। করবো, জানাবো, কাটাবো, দেবো।

কতো রূপ এগুলোর। কালেকালে ধরেছে কতো না রূপ।

## সোনালি রংপোলি শিকি

রাজকোষ ভ'রে জমেছে মোহর আর আশরফি। সোনাৰ ঝকমকে মুদ্রা। রংপোৱ চকচকে শিকি। হাতে নিলে ঝকঝক চকচক ক'ৱে ওঠে, বেজে ওঠে জলতরঙ্গেৰ মতো। এক মুঠো মুদ্রা হাতে নিলে মনে হয় মুঠোতে জমেছে আকাশেৰ জ্যোতিৰ্ময় তাৰাগণ। সোনালি মুদ্রায় রংপোলি মুদ্রায়, সোনালি শিকিতে রংপোলি শিকিতে ঐশ্বর্যশালী হয় রাজকোষ। যে-রাজকোষে যতো বেশি মুদ্রা, সে-রাজকোষ ততো বেশি ধনাচ। ভাষাৰ রাজকোষ ভ'রে থাকে শদে। সোনালি শিকিৰ মতো শব্দ, রংপোলি আধুলিৰ মতো শব্দ, ঝলমল কৰে চকচক কৰে। যে-ভাষাৰ ভাণ্ডারে ষষ্ঠি বেশি শব্দ সে-ভাষা ততো বেশি ধৰ্ম। শব্দগুলো সোনালি রংপোলি শিকিৰ মতো। ধাতুতে তৈৰি নয়, ধ্বনিতে তৈৰি। তবু ধাতুৰ মতোই টেকসই। এক সময় সোনা ক্ষয়ে যায়, মলিন হয়ে ওঠে রংপো। ঘষ্মপয়সায় পরিণত হয় রাজমুদ্রা। শব্দগুলোও তেমনি।

মেনো কোনো রাজা শদেৱ শিকি আধুলি—মোহর আৱ আশৱাফি—বানিয়ে ছেড়েছে জনগণেৰ মধ্যে। টাকা দিয়ে মানুষ জিনিশ কেনে। শব্দ দিয়ে কেনে একে অন্যকে, একে অন্যেৰ মনোভাবকে। আমৱা মনেৰ কথা প্ৰকাশ কৱি আমি শদে। তোমাৰ মনেৰ কথা তুমি জানিয়ে দাও শদে। যতো শব্দ থাকে ততোই সুবিধা হয় ভাষা ব্যবহাৰকাৰীদেৱ। মুদ্রা যেমন এক সময় মলিন হয়ে যায়, পরিণত হয় ঘষা পয়সায়, শব্দও তেমন অনেকটা। এক সময় যে-শব্দ চলে কোনো ভাষায়, কয়েক বছৱে সে-শদেৱ কোনো কোনোটি মলিন হয়ে পড়ে। মানুষেৱা তখন সেটি কম ব্যবহাৰ কৰে। এক সময় সেটি চলে যায় ব্যবহাৰেৰ বাইৱে, পরিণত হয় ঘষা শদে। তখন তৈৰি হয় নতুন শব্দ। চকচক কৱলেই কোনো কিছু সোনা হয় না, কিন্তু চকচকে জিনিশ পছন্দ কৱে মানুষেৱা। পছন্দ কৱে চকচকে শব্দও। যুগে যুগে ভাষাৰ শব্দও বদলাতে থাকে। অনেক শব্দ হারিয়ে যায়,

জনে নতুন শব্দ, নতুনতর শব্দ। ধনশালী হয়ে উঠে ভাষা। ভাষা শব্দের সোনালি রংপোলি শিকির রাজকোষ।

একএকটি শব্দ প্রকাশ করে একটি বা একাধিক অর্থ বা ভাব বা ধারণা। কেউ কেউ পেয়ালার সাথেও তুলনা করে শব্দের। 'পেয়ালায় আছে এক পেয়ালা দুধ। দুধটুকু শুষে নিলে বা ফেলে দিলে পেয়ালাটি শূন্য। শব্দ-পেয়ালায় তেমনি ভরা থাকে ভাব বা অর্থ। 'চাঁদ' শব্দের পেয়ালাটিকে ঢেলে দিলে গড়িয়ে পড়ে আকাশের উজ্জ্বল উপগ্রহের ভাব। 'ভালোবাসি' শব্দের পেয়ালাটিতে টলমল করে আমাদের হৃদয়মনের আবেগের দুঃখ। ভাবে ভ'রে আছে শব্দের পেয়ালা।

বাঙ্গলা ভাষায় আছে অজস্র শব্দ। কতো শব্দ আছে, তা কারো জানা নেই। শতাব্দীর পর শতাব্দী ধ'রে জমেছে শব্দের শিকি আধুলি বাঙ্গলা ভাষার ভাণ্ডারে। তাতে ধনী হয়ে উঠেছে বাঙ্গলা ভাষা। বহু শব্দের শিকি জমেছিলো বাঙ্গলা ভাষার শুরুর কালে। যতোই দিন যেতে থাকে জমতে থাকে নতুননতুন শব্দ। হারিয়ে যেতে থাকে শব্দ। জমতে থাকে আরো নতুন শব্দ। আছে 'তুমি'র মতো ছোট মিটি শব্দ। ছিলো 'আলিএ'র মতো শব্দ; ছিলো 'ফাড়ডিঅ'র মতো শব্দ। আছে 'জ্বাম', 'চাষ', 'আগুন', 'পাখি', 'নদী'র মতো চেনা শব্দ। ছিলো 'সন্ধি', 'কোঁয়ারী', 'শিশে', 'রেহা'র মতো কিছুটা চেনা কিছুটা অচেনা শব্দ। আছে 'চাঁদ', 'তারা', 'বই', 'স্বপ্ন', 'আকাশ', 'জ্যোৎস্না'র মতো শব্দ। ছিলো 'অপত্রপা', 'অকৃত্বাণ', 'সৈংহিকেয়', 'প্রাদিব্রাক', 'উৎকলিকাকুল', 'আসাদেশ', 'কোকিলকলালাপবাচাল', 'সুন্দরীমুখমনোহরাদোলিতোৎফুল্লারাজীব'-এর মতো শব্দ। বহু আছে কিছু নেই। বহু থাকবে কিছু থাকবে না। বাঙ্গলা ভাষার ভাণ্ডার ভরা থাকবে শব্দে।

বাঙ্গলা ভাষার শব্দগুলো কি শুধুই বাঙ্গলার? বাঙ্গলা ভাষা কি ধনী শুধুই নিজের ধনে? পৃথিবীতে কখনো কি কেউ শুধু নিজের ধনে ধনী হয়েছে? না, হয় নি কখনোও, ধনীদের ধনভাণ্ডারের একটি অংশ নিজেদের, অন্য অংশটি পরের। তারা ব্যবসা ক'রে বাড়ায় নিজের ধন, আর সাথেসাথে হরণ করে অনেকটা পরের ধন। ভাষার বেলাও তাই। বাঙ্গলা ভাষার শব্দের একটি বড়ো অংশ নিজের, বাঙ্গলার। আরেকটি অপরের, অন্য ভাষার। বাঙ্গলা ভাষার ভাণ্ডার ভ'রে আছে নিজের ধনে ও পরের ধনে। তাই বাঙ্গলায় পাই দু-রকম শব্দ; বাঙ্গলা শব্দ ও বিদেশি শব্দ বা ভিন্ন ভাষার শব্দ। বিদেশি বা ভিন্ন ভাষার শব্দগুলো হরণ ক'রে আনে নি বাঙ্গলা ভাষা। গ্রহণ করেছে। আর অনেক সময় তার ওপর চাপিয়ে দেয়া হয়েছে।

কতো নদী সরোবর বা বাঙ্গলা ভাষার জীবনী ৬১

সুকুমার সেন এ-শ্রেণীর শব্দকে বলেছেন 'মৌলিক শব্দ'। অর্থাৎ এ-সব শব্দেই গঁড়ে উঠেছে বাঙলা ভাষার মূল অবয়ব বা কাঠামো। পরিমাণেও এসব শব্দই বেশি। তিনি রকম শব্দ পড়ে এ-শ্রেণীতে। বাঙলা ভাষার এক রকম শব্দকে বলা হয় 'তন্ত্রব শব্দ'। আরেক রকম শব্দকে বলা হয় 'তৎসম শব্দ'। এবং আরেক রকম শব্দকে বলা হয় 'অর্ধতৎসম শব্দ'। এ-তিনি রকম শব্দ মিলে গঁড়ে উঠেছে বাঙলা ভাষার শরীরে 'তৎসম', 'তন্ত্রব' পারিভাষিক শব্দগুলো চানু করেছিলেন প্রাকৃত ভাষার ব্যাকরণরচয়িতারা। তাঁরা 'তৎ' অর্থাৎ 'তা' বলতে বোঝাতেন 'সংস্কৃত' (খন বলি প্রাচীন ভারতীয় আর্য) ভাষাকে। আর 'ভব' শব্দের অর্থ 'জ্ঞাত, উৎপন্ন'। তাই 'তন্ত্রব' শব্দের অর্থ হলো 'সংস্কৃত থেকে জন্ম নেয়'। আর 'তৎসম' শব্দের অর্থ হচ্ছে 'সংস্কৃতের সমান' অর্থাৎ সংস্কৃত। বাঙলা ভাষার শব্দের শতকরা বায়ান্তি শব্দ 'তৎভব' ও 'অর্ধতৎসম'। শতকরা চূয়ালিশটি 'তৎসম'। তাই বাঙলা ভাষার শতকরা ছিয়ানবইটিই মৌলিক বা বাঙলা 'দ'।

প্রাচীন ভারতীয় আর্যভাষার বিপুল পরিমাণ শব্দ বেশ নিয়মকানুন মেনে রূপ বদলায় মধ্যভারতীয় আর্যভাষায় অর্থাৎ প্রাকৃতে। পরিণত হয় প্রাকৃত শব্দে। শব্দগুলো গা ভাসিয়ে দিয়েছিলো পরিবর্তনের স্তোতে। প্রাকৃতে আসার পর আবার বেশ নিয়মকানুন মেনে তারা বদলে যায়। পরিণত হয় বাঙলা শব্দে। এগুলোই তন্ত্রব শব্দ। এ-পরিবর্তনের স্তোতে ভাসা শব্দেই উজ্জ্বল বাঙলা ভাষা। তবে তন্ত্রব শব্দগুলো সংস্কৃত বা প্রাচীন ভারতীয় আর্যভাষা থেকেই শুধু আসে নি। এসেছে আরো কিছু ভাষা থেকে। তবে প্রাচীন ভারতীয় আর্যভাষা থেকেই এসেছে বেশি সংখ্যক শব্দ।

'চাঁদ', 'মাছ', 'এয়ো', 'দুধ' 'বাঁশি'। এগুলো প্রাচীন ভারতীয় আর্যভাষা থেকে নিয়ম মেনে প্রাকৃতের ভেতর দিয়ে এসেছে বাঙলায়। 'চাঁদ' ছিলো

সংস্কৃতে 'চন্দ', প্রাকৃতে ছিলো 'চন্দ'। বাঙ্গলায় 'চাঁদ'। 'মাছ' ছিলো 'মৎস্য'। সংস্কৃতে, প্রাকৃতে হয় 'মচ্ছ'। বাঙ্গলায় 'মাছ'। 'এয়ো' ছিলো সংস্কৃতে 'অবিহ্বা'। প্রাকৃতে হয় 'অবিহ্বা'। বাঙ্গলায় 'এয়ো'। 'দুধ' ছিলো সংস্কৃতে 'দুঃখ'; প্রাকৃতে হয় 'দুঃখ'। বাঙ্গলায় হয় 'দুধ'। 'বাঁশি' ছিলো 'বংশী' সংস্কৃতে। প্রাকৃতে হয় 'বংসী'। বাঙ্গলায় 'বাঁশি'। বেশ নিয়ম মেনে, অনেক শতক পথ হেঁটে এসেছে এ-তীর্থ্যাত্মীরা। আমাদের সবচেয়ে প্রিয়রা।

আরো আছে কিছু তীর্থ্যাত্মী, যারা পথ হেঁটেছে আরো বেশি। তারা অন্য ভাষার। তারা প্রথমে চুকেছে সংস্কৃতে, তারপর প্রাকৃতে। তারপর এসেছে বাঙ্গলায়। এরাও তত্ত্বব শব্দ। মিশে আছে বাঙ্গলা ভাষায়।

'খাল' আর 'ঘড়া'। খুব নিকট শব্দ আমাদের। 'খাল' শব্দটি তামিল ভাষার 'কাল' থেকে এসেছে। 'কাল' সংস্কৃতে হয় 'খল্ল'। প্রাকৃতে হয় 'খল্ল'। বাঙ্গলায় 'খাল'। তামিল-মলয়ালি ভাষায় একটি শব্দ ছিলো 'কুটম'। সংস্কৃতে সেটি হয় 'ঘট'। প্রাকৃতে হয় 'ঘড়া'। বাঙ্গলায় 'ঘড়া'।

'দাম' আর 'সুড়ঙ্গ'। প্রতিদিনের শব্দ আমাদের। 'দাম' শব্দটি এসেছে গ্রিক ভাষার 'দ্রাখমে' (একরকম মুদ্রা, টাকা) থেকে। 'দ্রাখমে' সংস্কৃতে হয় 'দ্রম্য'। প্রাকৃতে 'দম্য'। বাঙ্গলায় 'দাম' গ্রিক ভাষায় একটি শব্দ ছিলো 'সুরিঙ্কস'। শব্দটি সংস্কৃতে চুকে হয়ে যায় 'সরঙ্গ'/'সুরঙ্গ'। প্রাকৃতেও এভাবেই থাকে। বাঙ্গলায় হয়ে যাম্ব 'সুড়ঙ্গ'।

'ঠাকুর'। বাঙ্গলায় শ্রেষ্ঠ সুষ্ঠির নামের অংশ। শব্দটি ছিলো তুর্কি ভাষায় 'তিগির'। সংস্কৃত ও প্রাকৃতে হয়ে যায় 'ঠকুর'। বাঙ্গলায় 'ঠাকুর'।

প্রাচীন ভারতীয় আর্য বা সংস্কৃত ভাষার বেশ কিছু শব্দ বেশ অটল অবিচল। তারা বদলাতে চায় না। শতকের পর শতক তারা অক্ষয় হয়ে থাকে। এমন বহু শব্দ, অক্ষয় অবিনশ্বর শব্দ, এসেছে বাঙ্গলায়। এগুলোকে বলা হয় তৎসম শব্দ। বাঙ্গলা ভাষায় এমন শব্দ অনেক। তবে এ-শব্দগুলো যে একেবারে বদলায় নি, তাও নয়। এদের অনেকে পরিবর্তিত হয়েছিলো, কিন্তু আমরা সে-পরিবর্তিত রূপগুলোকে বাদ দিয়ে আবার খুঁজে এনেছি খাঁটি সংস্কৃত রূপ।

জল, বায়ু, আকাশ, মানুষ, গৃহ, কৃষ্ণ, অন্ন, দর্শন, দৃষ্টি, বংশী, চন্দ্র এমন শব্দ। এদের মধ্যে 'বংশী' ও 'চন্দ্র'র তত্ত্ব রূপও আছে। বাঙ্গলায়। 'বাঁশি' আর 'চাঁদ'। পুরোনো বাঙ্গলায় 'সমস্তর' ছিলো, 'রঞ্জি' ছিলো। এখন নেই। এখন আছে সংস্কৃত শব্দ 'শশধর' আর 'রজনী'। বাঙ্গলা ভাষার জন্মের কালেই প্রবলভাবে বাঙ্গলায় চুকতে থাকে তৎসম শব্দ। দিন দিন তা

কতো নদী সরোবর বা বাঙ্গলা ভাষার জীবনী ৬৩

আরো প্রবল হয়ে ওঠে। উনিশশতকে তৎসম শব্দ বাঙলা ভাষাকে পরিণত করে তার রাজ্যে।

কিছু শব্দ বেশ রূগ্নভাবে এসেছে বাঙলায়। প্রাচীন ভারতীয় আর্য বা সংস্কৃতের কিছু শব্দ কিছুটা রূপ বদলে চুকেছিলো প্রাকৃতে। তারপর আর তাদের বদল ঘটে নি। প্রাকৃত রূপ নিয়েই অবিকশিতভাবে সেগুলো এসেছে বাঙলায়। এগুলোকেই বলা হয় অর্ধতৎসম। ‘কেট’ ও ‘রাস্তির’ অর্ধতৎসম। ‘কৃষ্ণ’ ও ‘রাত্রি’ বিকল হয়ে জন্মেছে ‘কেট’ ও ‘রাস্তির’। শব্দগুলো বিকলাঙ্গ। মার্জিত পরিবেশে সাধারণত অর্ধতৎসম শব্দ ব্যবহার করা হয় না।

আরো কিছু শব্দ আছে, যেগুলোর মূল নির্ণয় করতে পারেন নি ভাষাতাত্ত্বিকেরা। তবে মনে করা হয় যে বাঙলা ভাষার উদ্ভবের আগে যে-সব ভাষা ছিলো আমাদের দেশে, সে-সব ভাষা থেকে এসেছে ওই শব্দগুলো। এমন শব্দকে বলা হয় ‘দেশি’ শব্দ। এগুলোকে কেউ কেউ বিদেশি বা ভিন্ন ভাষার শব্দের মতোই বিচার করেন। কিন্তু এগুলোকেও গ্রহণ করা উচিত বাঙলা ভাষার নিজস্ব শব্দ হিশেবেই। ডাব, ডিঙি, ঢোল, ডাঙা, ঘোল, ঝিঙা, ঢেউ এমন শব্দ। এগুলোকে কী ক'রে বিদেশি বলি?

## ভিন্ন ভাষার শব্দ

কোনো ভাষারই চলে না শুধু নিজের শব্দে। দরকার পড়ে অন্য ভাষার শব্দ। কখনো ঝণ করতে হয় অন্য ভাষার শব্দ। কখনো অন্য ভাষার শব্দ জোর ক'রে ঢুকে পড়ে ভাষায়। জোর যার তারই তো সম্ভাজ। শুধু নিজের শব্দে চলে নি বাঙলা ভাষার। ঝণ করতে হয়েছে তাকে বিভাষি, অন্য ভাষার, শব্দ। আবার অনেক সময় প্রচণ্ড কোনো ভাষার শব্দ জোর ক'রে ঢুকেছে বাঙলা ভাষায়, যেমন ঢোকে বিদেশি সেনাবাহিনী। বাঙলায় প্রবেশ করেছে ফারাসি শব্দ, ঢুকেছে আরবি শব্দ, ঢুকেছে পর্তুগিজ, ফরাশি, ইংরেজি ও অন্যান্য ভাষার শব্দ। অনেক শব্দ বাঙলা ভাষা নিয়েছে আপন দরকারে, অনেক শব্দ নিয়েছে নির্মায় হয়ে প্রতাপশালী ওই সমস্ত শব্দকে প্রতিরোধ করতে পারে নি অসহায় বাঙ্গালী ভাষা। অন্য ভাষার বহু শব্দ মিলেমিশে একাকার হয়ে গেছে বাঙলা শব্দের সাথে। পণ্ডিত ছাড়া অন্যরা জানেও যে ওই শব্দগুলো বাঙলা নয়। আমিও ক-বছর আগে জানতাম না ‘সবুজ’ বাঙলা নয়। ‘ফসল’ বাঙলা নয়। ‘জমি’ বাঙলা নয়। ‘ফিতা’ বাঙলা নয়। বাঙলা নয় ‘মাস্তুল’, ‘তামাক’, ‘পেয়ারা’, ‘আলকাতরা’, ‘পাঁজা’, ‘কাগজ’, ‘জাহাজ’, ‘কাঁচি’, ‘শবরি’ আর ‘তুফান’। এবং আরো বহু শব্দ।

বাঙলা ভাষায় প্রবেশ করেছে প্রধানত ফারসি ও ইংরেজি শব্দ। ফারসি ভাষার মধ্য দিয়ে ঢুকেছে কিছু তুর্কি ও বেশ কিছু আরবি শব্দ। ঢুকেছে কিছু পর্তুগিজ, ওলন্দাজ ও ফরাশি শব্দ। অন্যান্য ভাষার শব্দও পাওয়া যায় শুটিকয়। তবে সবচেয়ে বেশি ঢুকেছে ফারসি ও ইংরেজি। ইংরেজি এখনো প্রবলভাবে ঢুকছে বাঙলায়।

বাঙলা ভাষায় ফারসি শব্দ প্রবেশের কারণ বাঙলাদেশে মুসলমান শাসন। তেরো শতক থেকে আঠারো শতকের শেষভাগ পর্যন্ত মুসলমানেরা

শাসন করে বাংলাদেশ। রাজভাষা ছিলো ফারসি। তাই প্রচুর ফারসি শব্দ, ও ফারসি শব্দকে আশ্রয় করে আরবি ও তুর্কি শব্দ অনুপ্রবেশ করে বাংলা ভাষায়। বাংলা ভাষায় আছে আড়াই হাজারের মতো ফারসি-আরবি-তুর্কি শব্দ। পুরোনো বাংলায় কোনো ফারসি-আরবি শব্দ ছিলো না। কিন্তু মধ্যযুগের শুরুতেই বাংলায় প্রবেশ করে ফারসি শব্দ। “শ্রীকৃষ্ণকীর্তন”-এ কয়েকটি ফারসি শব্দ—কামান, মজুরি, মজুরিআ, খরমজা—পাওয়া যায়। যোলো শতক থেকে বাড়তে থাকে বাংলা ভাষায় ফারসি শব্দের প্রতাপ; এবং আঠারো শতকে তা চরমরূপ লাভ করে। উনিশ শতকের প্রথমভাগেও বেশ প্রভাবশালী ছিলো ফারসি শব্দ। ভবানীচরণ বন্দ্যোপাধ্যায় তাঁর “কলিকাতা কঠলালয়”(১২৩০) গ্রন্থে খুব দুঃখ করেছিলেন বাংলা ভাষায় ফারসি শব্দের আধিপত্যে। তিনি একটি তালিকা করে দেখিয়েছিলেন যে ফারসি (ও আরবি) শব্দ কীভাবে সরিয়ে দিয়েছে তৎসম ও তন্ত্রের বাংলা শব্দকে। তাঁর তালিকায় দেখা যায় ‘কল’, ‘কলম’, ‘কম’, ‘খরচ’, ‘খারাব’, ‘খুব’-এর মতো বহু শব্দ (গুলোর বাংলা ‘যত্র’, ‘লেখনী’, ‘অল্প’, ‘ব্যয়’, ‘মন্দ’, ‘উত্তম’) অধিকার করেছে বাংলা শব্দের স্থান।

‘কিনারা’ ‘গ্রেফতার’, ‘দেয়াল’, ‘আমন্ত্রা’, ‘যামলা’ এসেছে ফারসি থেকে। ‘কিনারা’, ফারসিতে ছিলো ‘কিমসাই’, ‘গ্রেফতার’ ফারসিতে ছিলো ‘গিরিফতার’, ‘দেয়াল’ ফারসিতে ছিলো ‘দিওয়াল’, ‘আয়না’ ফারসিতে ছিলো ‘আইনাহ্’, ‘যামলা’ ফারসিতে ছিলো ‘যুআমলাহ্’। আরো কতো ফারসি শব্দ একটুকু রূপ বদলে বাংলা হয়ে গেছে।

‘কবুল’, ‘কলম’, ‘জৌলুস’, ‘তুফান’, ‘মরসিয়া’ এসেছে আরবি থেকে। বাংলায় এদের উচ্চারণ বদলে গেছে। বাংলা অক্ষরে শব্দগুলোর মূল আরবি রূপ দেখানো একটু কঠিন। ‘কবুল’ এসেছে আরবি ‘কবূল’ থেকে। ‘কলম’ এসেছে আরবি ‘কলম’ থেকে। আরবি ‘জুলুস’ থেকে এসেছে ‘জৌলুস’, আরবি ‘টুফুন’ থেকে এসেছে ‘তুফান’। ‘মরসিয়া’ শব্দটি আরবি থেকে ফারসি হয়ে বাংলায় এসেছে। আরবিতে শব্দটি ছিলো ‘মরথিয়া’, ফারসিতে ও বাংলায় ‘মরসিয়া’। ‘কলম’ শব্দটি মূলে ছিলো গ্রিক। তখন তার রূপ ছিলো ‘কলমোস’। আরবিতে হয় ‘কলম’। বাংলায় ‘কলম’। ‘টুফুন’ আসলে চীনা শব্দ। চীনা ‘তাইফাং’ জাপানিতে হয় ‘তাইফুন’; আরবিতে হয় ‘টুফুন’, ফারসিতে হয় ‘তুফান’। বাংলায় ‘তুফান’।

সুনৌতিকুমার বলেছেন বাংলায় তুর্কি শব্দ চলিষ্ঠিতির বেশি হবে না। ‘আলখাল্লা’, ‘কুলী’, ‘কোর্মা’, ‘খাতুন’, ‘বেগম’, ‘লাশ’ তুর্কি শব্দ। ‘আলখাল্লা’ তুর্কিতে ছিলো ‘আল খালিক’। ‘কুলী’ ছিলো ‘কুলি’, তখন তার

অর্থ ছিলো 'ক্রীতদাস'। 'কোর্মা' তুর্কিতে ছিলো 'কওর্মা'। 'খাতুন' ছিলো 'খতুন', 'বেগম' ছিলো 'বেগুম'। 'লাশ' ছিলো 'লাস'। কেমন আপন হয়ে গেছে এগুলো।

বাঙ্গলা ভাষায় একশো থেকে একশো দশটির মতো আছে পর্তুগিজ শব্দ। আছে গুটিকয় ওলন্দাজ ও ফরাশি শব্দ। ইংরেজি শব্দের কোনো হিশেব-নিকেশ নেই। দিন দিন ইংরেজি শব্দ অনুপ্রবেশ করছে বাঙ্গলায়। শুধু চুকছেই না; ইংরেজি শব্দ আমাদের বাধা করছে নতুন বাঙ্গলা শব্দ তৈরি করতে, যাতে আরো ইংরেজি ভাব প্রকাশ করতে পারি বাঙ্গলা শব্দে। বাঙ্গলা ভাষায় ইংরেজি শব্দ কতো আছে, তা কেউ জানে না।

'আনারস', 'পিস্টল', 'ছায়া', 'কামরা', 'বালতি', 'পেপে' পর্তুগিজ শব্দ। 'আনারস' পর্তুগিজে ছিলো 'অননস'। 'পিস্টল' ছিলো 'পিস্তোল'। 'সায়া' (মেয়েদের পোশাক) পর্তুগিজে ছিলো 'সইআ'। 'কামরা' ছিলো 'কম্বর'। 'বালতি' পর্তুগীজে ছিলো 'বলদে'। 'পেপে' ছিলো 'পপইআ'।

ইংরেজি শব্দের কোনো হিশেব নেই। গুটিকয় ইংরেজি শব্দ তুলে দিচ্ছি। অফিস পালিশ কলেজ গর্বনমেন্ট হারিকুন ডজন শার্ট রোড ফটো কোর্ট চেয়ার আন্তাবল ইস্টিমার (কেটলি লাইট) বহু শব্দ বাঙ্গলা ভাষায় গঠিত হয়েছে ইংরেজি শব্দের অনুসরণে। এখন কয়েকটি শব্দ : 'মন্ত্রীসভা' (কেবিনেট), 'সভাপতি' (চেয়ারম্যান), 'পরমাণু' (অ্যাটম), 'ভূগোল' (জিওগ্রাফি), 'অণুবীক্ষণ' (মাইক্রোস্কোপ), 'দূরবীক্ষণ' (টেলিস্কোপ), 'ছায়াপথ' (মিক্রিওয়ে), 'বিশ্ববিদ্যালয়' (ইউনিভার্সিটি), 'সিক্রিঘোটক' (হিপোপট্যামস), 'লোহিতসাগর' (রেডসি), 'উত্তমাশা অস্তরীপ' (কেপ অফ গুড হোফ), 'বাতিঘর' (লাইটহাউস), 'পাদপ্রদীপ' (ফুটলাইট), 'সংবাদপত্র' (নিউজপেপার)। এখন নিত্য নতুন শব্দ তৈরি হচ্ছে ইংরেজি শব্দের অনুসরণে। তাই বাঙ্গলা ভাষা এখন ইংরেজির আঢ়া খানিকটা বহন করে নিজের শরীরে।

## বাংলা ভাষার ভূগোল

বাংলা ভাষা কি একটি? যখন বলি 'বাংলা আমাদের মাতৃভাষা', তখন মনে হয় পৃথিবীতে একটি ভাষা রয়েছে, যার নাম বাংলা। ওই ভাষা আমাদের মাতৃভাষা। কিন্তু বাংলা ভাষা কি একটি? নাকি অনেক? এক সময় একটি সাধু বাংলা ভাষা ছিলো। 'কিয়দিনান্তের রাজা' মনে মনে এই বিবেচনা করিলেন জগদীশ্বর আমাকে নানা জনপদের অধিপতি করিয়া অসংখ্য প্রজাগণের হিতাহিত চিন্তার ভার দিয়াছেন। এটা সাধুভাষা। এ-বাক্যটি দীর্ঘরাচন্দ্র বিদ্যাসাগরের। সাধুভাষার একটি শৃঙ্খিত রূপ ছিলো। ওই রূপটি সর্ববঙ্গীয়। কিন্তু সাধুভাষাই কি বাংলা ভাষা? এরপর আরেকটি রূপ পাই বাংলা ভাষার। তার নাম চলতি ভাষা বা চলতি বাংলা। এখন বই লেখা হয় চলতি ভাষায়। মার্জিত প্রক্রিয়বেশে এখন আমরা চলতি ভাষায়ই কথা বলি। কিন্তু চলতি ভাষাই কি বাংলা ভাষা? এটা তো বাংলা ভাষার একটি মার্জিত রূপ। সব বাঙালি চলতি ভাষা বোঝে না। বলতে পারে না। বিক্রমপুরের চাষী বোঝে না চলতি বাংলা। বলতে পারে না চলতি বাংলা। এমনকি সব শিক্ষিত ব্যক্তিও ঠিক মতো বলতে পারে না চলতি বাংলা। কিন্তু বাঙালি মাত্রই তো কথা বলে বাংলা ভাষায়। মানবুম্ভয়ের চাষী, বিক্রমপুরের জেলে বাংলা বলে। বাংলা বলে সিলেটের মাঝি আর বাঁকুড়ার শবজিঅলা। চট্টগ্রামের শাস্পানঅলা বাংলা বলে, বাংলা বলে যশোরের ঘরের বউ। তারা কোন বাংলা বলে? তারা কোন বাংলা বোঝে? বাংলা ভাষার কতো রূপ?

বাংলা ভাষা প্রচলিত বাংলাদেশ ও পশ্চিমবঙ্গে। সম্ভবত আসাম, বিহার ও ওড়িষ্যার কিছু কিছু অংশেও প্রচলিত বাংলা ভাষা। কোটি কোটি মানুষের ভাষা বাংলা। একটি বিশেষ ভৌগোলিক এলাকায় সীমাবদ্ধ বাংলা ভাষা। বাংলা ভাষার পশ্চিম সীমায় বাংলা ভাষা মিশে গেছে ওড়িয়া, মগহি,

মৈথিলির সাথে। উত্তরপুরে মিশে গেছে অসমিয়া বা আসামির সাথে। বাঙ্গলা ভাষার সীমাঞ্চলে এটি মিশেছে কয়েকটি আদিবাসী ভাষার সাথে। পশ্চিমে বাঙ্গলা ভাষা ছোটোনাগপুর পর্যন্ত বিস্তৃত; পুরে বিস্তৃত আসাম অবধি। বঙ্গোপসাগরের পুর উপকূল দিয়ে বাঙ্গলা ভাষা মেশে ব্রহ্মী ভাষার সাথে। হগলি নদীর মোহানা থেকে বাঙ্গলা ভাষার দক্ষিণ সীমা উত্তর-পশ্চিম দিকে মেদিনীপুর জেলার ভেতর দিয়ে চলে যায়। পশ্চিমে বাঙ্গলা ভাষার সীমা সিংভূম জেলার ভেতর দিয়ে চলে গেছে। এখানে বাঙ্গলা ভাষা মুখোযুক্তি হয় কয়েকটি মুণ্ড ভাষার। সেখান থেকে বাঙ্গলা ভাষার পশ্চিম সীমা উত্তরপুর দিকে বৌক নিয়ে রাজমহলের কাছে গগনদী পার হয়। মহানন্দা নদী ধরে বাঙ্গলা ভাষার সীমা মালদহ ও পূর্ণিয়া জেলার ভেতর দিয়ে উত্তর দিকে প্রায় নেপালের সীমাঞ্চল পর্যন্ত পৌছোয়। বাঙ্গলা ভাষার উত্তর সীমা দার্জিলিং ও জলপাইগুড়ি জেলার তরাইর উত্তর দিয়ে পুরে আসামের গোয়ালপাড়া জেলায় এসে নিজের পুর সীমার সাথে মেশে। আজ থেকে আশি বছর আগে বাঙ্গলা ভাষার এ-সীমা নির্দেশ করেছিলেন জর্জ প্রিয়ারসন।

বেশ বড়ো এলাকা জুড়েই তো মানুষস্বর বলে বাঙ্গলা ভাষা। কিন্তু সবাই এক অভিন্ন অনন্য বাঙ্গলা বলে। তারা যা বলে তার মধ্যে মিল আছে, কিন্তু অবিকল মিল নেই। অমনকি এক এলাকার বাঙ্গলা সম্পূর্ণ দুর্বোধ্য হতে পারে আরেক এলাকার লোকের কাছে। বিক্রমপুরের চার্ষীর ভাষা বুঝবে না বীরভূমের চার্ষী। আমি নিজেই তো বুঝি না সিলেটের বাচ্চাগামের বাঙ্গলা। তবু বীরভূমের বাঙলাও বাঙলা। সিলেটের বাঙলাও বাঙলা। বিক্রমপুরের মাঠের রাখালের ভাষাও বাঙলা। বাঙলা ভাষা-এলাকার বিভিন্ন অঞ্চলে আছে বাঙলা ভাষার বিভিন্ন রূপ। ওই রূপগুলোকে বলা হয় আঞ্চলিক ভাষা। আঞ্চলিক ভাষাকে বলা হয় উপভাষা। তা যেনো মূল ভাষা নয়, তা উপভাষা। কিন্তু বাঙলা যারা বলে, তাদের অধিকাংশই বলে উপভাষা। চলতি বাঙলা খুব কম লোকই বলে। বহু উপভাষা আছে বাঙলা ভাষার।

প্রত্যেকেই খুব ভালোবাসে নিজের উপভাষা। অনেকে তো মনে করে তার উপভাষার মতো সুন্দর আর মিষ্টি কিছু নেই। কিন্তু অন্যরা তা মনে করে না। আমার কাছে যে-উপভাষা খুব মিষ্টি, আরেকজনের কাছে তা হতে পারে উপহাসের বস্তু! তাই উপভাষা নিয়ে উপহাস করার চল আসে সারা পৃথিবীতেই। যেমন বিক্রমপুরের উপভাষা হাসির বিষয় হয়েছিলো দীনবন্ধু মিত্রের “সধবার একাদশী” নাটকে। চট্টগ্রাম ও নোয়াখালির ভাষা

কতো নদী সরোবর বা বাঙলা ভাষার জীবনী ৬৯

নিয়ে মজা করে অনেকেই । সিলেটের উপভাষা নিয়ে তো সকলের মন্ত্র মজা । এমনকি মধ্যযুগেও সিলেটের উপভাষা নিয়ে কৌতুক করেছিলেন পরমপুরুষ শ্রীচৈতন্য । চৈতন্যভাগবত নামক জীবনীগুলো ঘোড়শ শতকে কবি বৃন্দাবন দাস লিখেছেন :

সভার সহিত প্রভু হাস্য কথা রঙ্গে ।  
কহিলেন যেন মত আছিলেন বঙ্গে॥  
বঙ্গদেশি বাক্য অনুকরণ করিয়া ।  
বাঙালোরে কদর্থেন হাসিয়া হাসিয়া॥  
বিশেষ চালেন প্রভু দেখি শ্রীহষ্টিয়া ।  
কদর্থেন সে মত বচন বলিয়া॥

প্রথমেই কানে বাজে উপভাষার উচ্চারণ । কী সুন্দর টানই না থাকে এক একটি উপভাষায় । কী মধুর বরিশালি টান । কী রসালো নোয়াখালি টান । আর কেমন কোলাহল সিলেটিতে চট্টগ্রামিতে । তারপরেই শব্দ । চমৎকার চমৎকার শব্দ পাওয়া যায় বিভিন্ন উপভাষায় । ওই সব শব্দের অনেকগুলোই নেই চলতি ভাষায় । শর্দি লাগলে নাক দিয়ে ঘন যা বেরোয়, তার কোনো নাম নেই চলতি ভাষায় । আমরা বলতাম ‘হিঙ্গইল’ । সুরুচির চাপেই বোধ হয় চলতি ভাষায় নেই এমন কোনো শব্দ । ওই ঘনবস্তু নাকে শুকিয়ে গেলে, যা হয়, তার ক্ষেত্রে নাম নেই চলতি ভাষায় । আমরা বলতাম ‘বঢ়ি’ । কী চমৎকার! কিন্তু চলতি ভাষায় নেই । বর্ষায় সারা মাঠে যখন নেমে আসতো শান্তি আৰু স্বৰূপতা, বাতাসে যখন একটি ধানের ডগা ও কাঁপতো না, ওই অবস্থাকে বলতাম ‘নিরাক’ । শহরে ওই নিরাক নেই, নিরাক পড়ে না । তাই চলতি বাঙ্গালায় ও ‘নিরাক’ নেই ।

কোনো একটা জায়গা থেকে একটু উত্তরে, কিছুটা পুবে, সামান্য দক্ষিণে, অল্প পশ্চিমে গেলেই দেখা যায় ধীরে ধীরে বদলে যাচ্ছে উচ্চারণ । বদলে যাচ্ছে টান । এক সময়, বেশ দূরে গিয়ে, মনে হয় উচ্চারণ বা টান বেশ ভিন্ন হয়ে গেছে । মনে হয় এসে গেছি আরেকটি উপভাষা এলাকায় । তেমনি বদলে যায় শব্দ । বাঙ্গালায় নাকি একটি চলতি কথা আছে যে প্রতি দশ দ্রেশে, বিশ মাইলে, বদলে যায় ভাষা । একেবারে বদলে যায় না, তবে বদলে যায় অনেকখানি । এক গ্রাম থেকে আরেক গ্রামে গেলেই দেখা যায় কোনো কোনো জিনিশের নাম ভিন্ন হয়ে গেছে । কোনো কোনো ভাব প্রকাশ করা হচ্ছে ভিন্ন শব্দে । আমাদের গ্রামে একটি জিনিশকে আমরা বলতাম ‘আইল্লা’ । ‘আইল্লা’ একটি মাটির পাত্র, যাতে আগুন রাখা হয় । গ্রামের মানুষেরা আগুন জমিয়ে রাখে আবার আগুন ধরানোর জন্যে । শীত লাগলে

গায়ে শেক দেয়ার জন্যে। কতোদিন শীতকালে আমরা 'আইন্ডা' পুঁহিয়েছি। আমাদের প্রাম থেকে একটু পশ্চিমে কামারগায়ে 'আইন্ডা'র নাম ছিলো 'মালশা'। আমরা হাসতাম 'মালশা' শুনলে। ওরা হাসতো 'আইন্ডা' শুনলে। আরো কতো শব্দ ভিন্ন ছিলো রাডিখালে আর কামারগায়ে। এক মাইলের ব্যবধানে। তাই সারা বাঙ্গলাদেশে ও পশ্চিমবঙ্গে উচ্চারণে, শব্দে, বাক্য তৈরির কৌশলে অনেক ভিন্নতা। কিন্তু এ-সব উপভাষাই বাঙ্গলা ভাষা।

বাঙ্গলা ভাষা-অঞ্চলে আছে বহু বহু উপভাষা। অঞ্চলিক ভাষা। য্যাকোনুন মানুসের দুটা ব্যাটা আছিলো। এটা মালদহের বাঙ্গলা। য্যাকজনের দুইটী ছাওয়াল আছিলো। এটা মানিকগঞ্জের বাঙ্গলা। এক বেড়ার দুই পুঁ আচিলু। এটা ত্রিপুরার বাঙ্গলা। আ্যাকজোন মানশির দুই ছওল ছিলো। এটা বাগেরহাটের বাঙ্গলা। এক বন্দ্কার দুই বুই বেটা আছিলু। এটা জলপাইগুড়ির বাঙ্গলা। একঝনের দুই ব্যাটা ছৈল আছিলু। এটা বগুড়ার বাঙ্গলা। কোন মানুষের দুই পুয়া আছিল। এটা সিলেটের বাঙ্গলা। একজন মান্ধের দুগুয়া পুয়া আছিল। এটা কাছাড় জেলার বাঙ্গলা। একজনের দুট ছল ছিল। এটা যশোরের বাঙ্গলা। এগুআ মানস্যের দুয়া পোয়া আছিল। এটা চট্টগ্রামের বাঙ্গলা। সম্ভু এমন অঞ্চল অঞ্চলের বাঙ্গলা ভাষা। এগুলোর মধ্যে মিল আছে, অভিন্নতা আছে। তাই সারা বাঙ্গলা ভাষা-অঞ্চলে একই রকম ধৰনি উচ্চারণ হয় না বাঙ্গলা ভাষার। একই শব্দে প্রকাশ পায় না মনের ভাব। প্রতিদিন বাঙ্গলা ভাষা-অঞ্চলে মুখের হয়ে ওঠে বিভিন্ন রকম বাঙ্গলা। বিভিন্ন অঞ্চলের বাঙ্গলা। বিভিন্ন উপভাষা। যে-চলতি বাঙ্গলা বলার চেষ্টা করি শোভন পরিবেশে শোভন মানুষেরা, তা বাঙ্গলা ভাষার একটি শোভন রূপ।

বাঙ্গলা ভাষার উপভাষা কতোগুলো? কে জানে! সেগুলো কীভাবে ছড়িয়ে আছে বিভিন্ন অঞ্চলে? কে জানে! তবে এমন প্রশ্ন উঠলে মনে পড়ে একজন বিদেশির নাম। তিনি জর্জ আব্রাম গ্রিয়ারসন। তিনি ছিলেন ব্রিটিশরাজের উচ্চপদস্থ আমলা। গ্রিয়ারসন জরিপ করেছিলেন ভারতের উপভাষাগুলো। জরিপ করেছিলেন বাঙ্গলা উপভাষাগুলো। ১৯০৩ খ্রিস্টাব্দে প্রকাশিত তাঁর "লিংগুলিস্টিক সারভে অফ ইন্ডিয়া" নামক এগারো খণ্ডে সম্পূর্ণ জরিপের পঞ্চম খণ্ড: প্রথম ভাগে আছে বাঙ্গলা উপভাষার পরিচয়। এ-খণ্ডে আছে বিভিন্ন বাঙ্গলা উপভাষার নমুনা। গ্রিয়ারসন শুধু নমুনা সংগ্রহ করেন নি, তিনি বাঙ্গলা উপভাষাগুলোকে বিভিন্ন ভাগেও সাজিয়েছিলেন। যে-সব উপভাষার মধ্যে মিল বেশি সেগুলোকে ভাগেভাগে সাজিয়েছিলেন গ্রিয়ারসন। তাঁর পর আর কেউ বাঙ্গলা উপভাষার এমন জরিপ করেন নি।

কতো মনী সরোবর বা বাঙ্গলা ভাষার জীবনী ৭১

এখনো প্রায় সবাই তার বই থেকেই সংগ্রহ করেন বাঙ্গলা উপভাষার নমুনা। যদিও গত আশি বছরে এ-সমস্ত উপভাষারও ঘটেছে নানা বদল।

গ্রিয়ারসন বাঙ্গলা উপভাষাগুলোকে প্রথমে ভাগ করেন দুটি বড়ো শাখায়। এক শাখার নাম ‘পাঞ্চাত’ অর্থাৎ পশ্চিমের শাখা। আরেক শাখার নাম ‘প্রাচ’ অর্থাৎ পুবের শাখা। পশ্চিম শাখার আছে আবার চারটি উপশাখা। এগুলো হচ্ছে কেন্দ্রীয় বা মান শাখা, দক্ষিণ-পশ্চিম শাখা, পশ্চিম শাখা, ও উত্তর শাখা। তাঁর পুব শাখাকে তিনি ভাগ করেছেন দুটি উপশাখায়। একটি প্রাচ বা পুব উপশাখা। অন্যটি দক্ষিণ-প্রাচ উপশাখা। তাঁর কেন্দ্রীয়, বা মান উপশাখায় পড়ে কলকাতা শহর ও চবিশ পরগণা, নদীয়া, মুর্শিদাবাদ, ছুগলি ও হাওড়া জেলা। পশ্চিম উপশাখায় আছে ছোটোনগপুর, মানচূম ও ধলভূমের উপশাখা। দক্ষিণ-পশ্চিম উপশাখায় আছে মেদেনীপুর। উত্তর উপশাখায় পড়ে দিনাজপুরের উপভাষা। তাঁর পুব শাখার পুব উপশাখায় পড়ে ঢাকা, ময়মনসিংহ, ত্রিপুরা, বাখরগঞ্জ, সিলেট ও কাছাড়। দক্ষিণ-প্রাচ উপশাখায় আছে নোয়াখালি ও চট্টগ্রামের ভাষা। এভাবে উপভাষাগুলোকে ভাগ করেছিলেন গ্রিয়ারসন। এখন নতুনভাবে ভাগ করলে হয়তো উপভাষার ভিন্ন ভূগোল পেতে পারি আমরা।

গ্রিয়ারসন সংগ্রহ করেছিলেন মুঠ উপভাষার নমুনা। বাইবেলের একটি গল্প রূপায়িত করেছিলেন তিনি। বিভিন্ন বাঙ্গলা উপভাষায়। তাই তাঁর গ্রন্থে বাঙ্গলা উপভাষার বিভিন্ন নমুনা পাওয়া যায়। ওই গল্প ছাড়া কিছু গল্প ও গান সংগ্রহ করেছিলেন তিনি। তাই তাঁর গ্রন্থ বাঙ্গলা উপভাষার খনির মতো। কয়েকটি নমুনা এমন :

**সাধুভাষা :** কোন এক ব্যক্তির দুটি পুত্র ছিল। তন্মধ্যে কনিষ্ঠটা তাহার পিতাকে কহিল পিতঃঃ বিষয়ের যে অংশ আমার প্রাপ্য তাহা আমাকে দিন। তিনিও উহাদের মধ্যে তাহার সম্পত্তি বিভাগ করিয়া দিলেন। ইহার অল্পদিন পরেই কনিষ্ঠ পুত্রটা সমস্ত একত্র করিয়া এক দূর দেশে যাত্রা করিল, এবং তথায় অপরিমিত আচারে তাহার বিষয় অপচয় করিয়া ফেলিল।

**কলকাতার (নারীদের) উপভাষা :** এক জনের দুই ছেলে ছেল। তাদের যে ছোট, সে তার বাপকে বল্লে, বাবা, আমার ভাগে যা পড়ে তা আমাকে দাও। বাপ তার বিষয় আশ্য তাদের বেঁটে দিলে। দিন কতক পরে ছোট ছেলে তার সমস্ত জিনিস পত্র নিয়ে দূর দেশে চলে গেল; সেখানে বদফেয়ালি করে সমস্ত উড়িয়ে দিলে।

**হাওড়ার উপভাষা :** কোন লোকের দুটি ছেলে ছিল। তাদের মধ্যে ছেটটি তার বাপকে বল্লে, বাবা, আমার ভাগে বিষয়ের যা পড়ে তা আমাকে দিন। তাতে সে তার বিষয় তাদিকে ভাগ করে দিলে। অল্প দিন পরে ছেট ছেলে তার অংশের সব বিষয় একত্রে জড় করে নিয়ে দূর দেশে চলে গেল, আর সেখানে বদ-ফেয়ালি করে সর্বস্ব উড়িয়ে দিল।

**মেদেনীপুরের উপভাষা :** এক লোক্কার দুটা পো থাইল। তান্নেকার মাঝু কোচ্চা পো লিজের বাফুকে বল্ল বাফুহে! বিষে আশৈর যে বাটী মুই পাব সেটা মোকে দ্যা। সে তান্নাকার মাঝু বিষে বাটী কোর্যা দিল। ভোৎ দিন যাইনি কোচ্চা পো সমুচ্চা গুটি লিয়া ভোৎ দূরে এক গাঁয়ে চোল্যা গ্যাল। সেঁষ সে আকুন্তা খচাপত্র কোর্যা লিজের বিষে-আশৈ একাদমে ফুক্কা-প্যাল্ল।

**বগুড়ার উপভাষা :** এক ঝনের দুই ব্যাটাচৈল আছিল। তারকেরে মধ্যে ছেটবন কৈল বা হামি যা পামু তা হামাক বাঁট্যা দে। তাই শুনে বাপে বাঁট্যা দিল। ছেটবন বাঁট্যা লেওয়াক কদিন পর ভিন দেশে গেল। সেটী যায়া লাঠামো কর্যা টাকারুড় উড়া দিল।

**পাবনার উপভাষা :** কোনো মানুষের দুই ছাওয়াল ছিল। তার মধ্যে ছেড়েটা বাপেক কোলো, রঞ্জি জিনিশ পত্তোরের পাওয়ানা ভাগ আমাক শুনে দ্যাও। ইয়েই শুনে, তার বাপ্ তার নিজির জিনিশ পত্তোর বাঁট্যা দিলো। অল্প দিন পরে ছেড়ে ছাওয়াল সকল জিনিশ পত্তোর জড়ো কর্যা দূর দ্যাশে যান্তরা করলো। এবং সেখানে বদ্কাম্ কর্যা নিজির বিষয়ে আসেয় উড়্যায়ে দিলো।

**মাণিকগঞ্জের উপভাষা :** য্যাক জনের দুইউ ছাওয়াল আছিলো। তাগো মৈদে ছেটডি তার বাপেরে কৈলো, বাবা, আমার ভাগে যে বিস্তি ব্যাসাদ্ পরে তা আমার দ্যাও। তাতে তিনি তান বিষয় সোম্পত্তি তাগো মৈদে বাইটা দিল্যান। তারপর কিছুদিন পরে ঐ ছেট ছাওয়ালডি তার সগল টাকাকড় য্যাকাত্র কইর্যা য্যাক দূর দ্যাশে চইলা গ্যালো। সেখানে গিয়া তার যা কিছু আছিলো তার বদ্ধ্যালী কৈরা উরাইয়া দিলো।

**ময়মনসিংহের উপভাষা :** এক জনের দুই পুৎ আছিল। তার ছুড় পুতে বাপেরে কইলো বাজি! মাল ব্যাসাতের যে বখৰা আমি পাইবাম্ তা আমারে দেউখাউন। হে তারারে মালপাতি বাট কৈরা দিল্। থুরা দিন

বাদে ছোটকা তার হগ্গল মালব্যাসাং থুবাইয়া দূর মুন্দুকে গেল।  
হেইখানে ফৈলামী কৈরা হগ্গল খোয়াইল।

**নোয়াখালির উপভাষা :** একজন মাইন্সের দুগা হোলা আছিল। হিয়ার  
মধ্যে ছুড়ুগায় হেইতার বাফেরে কইল্ বায়জি আৰ ভাগে মাল্ যিগিন্  
হড়ে হিগিন্ আৰে দেও। আৰ হেইতেও হেইতার ব্যাক্বিত  
হোলাইনেৰে ভাগ কৱি দিল্। হিয়াৰ কদিন বাদে ছোড় হোলা ব্যাকগিন  
অস্ত্ৰ কৱিলই এক দুবই এক দেশে বেড়াইত গেল; হিয়ানে হেইতে  
সংগামি কৱি হেইতার ব্যাক বিতু উড়াই দিল্।

এমন বিচ্ছি স্বর সুৱ টান আৰ রঞ্জেৰ ভাষা বাঙলা। অঞ্চলে অঞ্চলে তার  
আঞ্চলিক শোভা। এ-ভাষা নদীৰ ঢেউয়ে ছলকে ওঠে। কলাপাতাৰ কম্পনে  
দুলে ওঠে। রাখালেৰ মুখ থেকে মাঠে যয়দানে ঝ'রে পড়ে। পুকুৱপাড়ে  
নতুন বউৰ মুখে মুখৰ হয়ে ওঠে। ক্রোধে গৰ্জন ক'ৰে ওঠে পদ্মাৰ চৰে।  
নানা স্বরে মুখৰিত বাঙলা ভাষাৰ ভূতাগ।

AMARBOI.COM

## ଆ କାଳୋ ଅ ଶାଦା ଇ ଲାଲ

যখନ 'ଆ' ବଲି ତଥନ କି କୋନୋ ରଙ୍ଗ ଭେସେ ଓଠେ ଚୋଖେର ସାମନେ? କୋନୋ ରଙ୍ଗ ଜୁଲଜୁଲ କ'ରେ ଓଠେ 'ଆ' ବଲଲେ? 'ଇ' ବଲଲେ? 'ଉ' ବଲଲେ? ସବୁଜ ନୀଳ ରଙ୍ଗ ଆହେ କି 'କ'ର 'ଖ'ର 'ଗ'ର? ଆମରା ଯାରା ଖୁବ ବାନ୍ତବ ମାନୁଷ ତାରା 'ଆ' ବଲଲେ ଏକଟି ଧବନି ଶୁଣି । 'ଇ' ବଲଲେ ଆରେକଟି ଧବନି ଶୁଣି । କୋନୋ ରଙ୍ଗ ଭେସେ ଓଠେ ନା ଚୋଖେର ସାମନେ । କାନେ ଶୁଙ୍ଗନ କରେ ଧବନି । ବାନ୍ତବ ପେରିଯେ ଗିଯେଛିଲେନ ସବୁଜ ଚୋଖେର ଏକ କିଶୋର-ତରଣ କବି । ଜ୍ଞାନାର୍ଥୁର ର୍ଯ୍ୟାବୋ । ଫରାଶି କବି । ଓଇ କବି ଲିଖେଛିଲେନ : 'ଆବିକ୍ଷାର କହେଇ ଆୟି ସ୍ଵରବର୍ଣ୍ଣର ରଙ୍ଗ! —ଆ କାଳୋ, ଅ ଶାଦା, ଇ ଲାଲ, ଉ ସବୁଜ, ତାର ଚୋଖେ ଏକ ଏକଟି ଧବନି ଦେଖା ଦିଯେଛିଲୋ ଏକ ଏକଟି ରଙ୍ଗ ନିଯମ ଧବନି ଦେଖା ଯାଯ ନା; କିନ୍ତୁ ଲେଖା ଯାଯ । ଏକଟି ଧବନି ଆହେ ବାଙ୍ଗଲାଯୁଦ୍ଧାର ଚିହ୍ନ 'ଆ' । ଆରେକଟି ଧବନି ଆହେ, ତାର ଚିହ୍ନ 'କ' । ଆରୋ ବହୁ ଧବନି ଆହେ, ତାଦେର ଲେଖା ହୟ ଏକଏକଟି ଚିହ୍ନେ । ଓଇ ଚିହ୍ନଗୁଲୋକେ ଆମରା ବଲି 'ଅକ୍ଷର' । ଆବାର କଥନୋ ବଲି 'ବର୍ଣ୍ଣ' । ସବୁଗୁଲୋ ଅକ୍ଷରକେ ଏକତ୍ରେ ବଲି 'ବର୍ଣ୍ଣମାଳା', ବର୍ଣ୍ଣ ବର୍ଣ୍ଣ ଗୋଟିଏ ମାଳା ।

ଛୋଟୋ ବୟସେ ଯଥନ ଅକ୍ଷର ବା ବର୍ଣ୍ଣ ଶିଖିତେ ଶୁରୁ କରି, ତଥନ ହାତେ ପାଇ କୀ ସୁନ୍ଦର ସୁନ୍ଦର ବେଇ! ତାତେ ଏକଏକଟି ବର୍ଣ୍ଣ କୀ ବଡ଼ୋ । ଆର କତୋ ଛବି । 'ଆ'ର ପାଶେ ଅଜଗରେର ଛବି । 'ଆ'ର ପାଶେ ଛବି ରଙ୍ଗିନ ଆମେର । ଅକ୍ଷରଗୁଲୋ କତ ବଡ଼ୋ ଆର କତ ରଙ୍ଗ ବା ବର୍ଣ୍ଣ ତାଦେର । ବାଙ୍ଗଲାଯ ଆମରା ଅକ୍ଷରକେ ବର୍ଣ୍ଣ ବଲି । ବର୍ଣ୍ଣ ଶଦେର ଅର୍ଥ 'ରଙ୍ଗ' । ମେଇ ପୁରୋନୋ କାଳେ ଯଥନ ଲେଖା ଶୁରୁ ହେଯେଛିଲୋ ତଥନ ବିଭିନ୍ନ ରଙ୍ଗ ଦିଯେ ଆକା ହତୋ ଅକ୍ଷରଗୁଲୋ । ବର୍ଣ୍ଣ ଦିଯେ ଲେଖା ହତୋ ଅକ୍ଷର । ତାଇ ଅକ୍ଷରେର ନାମ ହୟ ବର୍ଣ୍ଣ ଅର୍ଥାତ୍ ରଙ୍ଗ । ପୃଥିବୀର ବହୁ ଭାଷାଯ ଅକ୍ଷର ବୋକ୍ଖାନୋର ଜନ୍ୟେ ଯେ-ଶବ୍ଦଟି ଆହେ, ତାର ଅର୍ଥ ରଙ୍ଗ । ବାଙ୍ଗଲାଯିଓ ତାଇ । ଏଥନୋ ତୋ କତୋ ରଙ୍ଗେ ଚିତ୍ରିତ ହୟ ଅକ୍ଷର । କାଳୋତେ, ଲାଲେ । ସବୁଜେ, କତୋ ନଦୀ ସରୋବର ବା ବାଙ୍ଗଲା ଭାଷାର ଜୀବନୀ ୭୫

নীলে । কবি মধুসূনের বর্ণনা ধার ক'রে বলতে পারি, আমাদের অক্ষরগুলো 'রঞ্জিত রঞ্জনরাগে' । অর্থাৎ রঙে রঙে রাঙানো ।

আমাদের বর্ণগুলো কোথা থেকে এসেছে? চিরিদিনই কি এরা এরকম? চিরকালই কি বাঙালি এভাবেই লিখে আসছে বাঙলা ভাষা? বাঙলা অক্ষরগুলো কোণালা, অনেকটা ত্রিভুজের মতো । গোলগাল নয় । একএকটি অক্ষর ফলের মতো ঝুলে থাকে 'মাত্রা' থেকে । মাত্রা নেই এমন অক্ষর আছে যাত্র শুটিকয় । লেখার সময় ঘটে কতো ঘটনা । ব্যঙ্গনবর্ণগুলোর চেহারা প্রায় সব সময়ই ঠিক থাকে । বেশি বদলায় না । কিন্তু ব্যর্ণনবর্ণগুলোর রূপ বদলে যায় ঘন ঘন । ছিলো 'ই'; কিন্তু হয়ে যায় 'ঁ' । ছিলো 'আ'; কিন্তু হয়ে যায় 'ঁ' । ছিলো 'উ'; কিন্তু হয়ে যায় 'ু' । ছিলো 'ও'; কিন্তু হয়ে যায় 'ু' । ছিলো 'গু'; কিন্তু হয়ে যায় 'ঁ' । আর এরা ব্যঙ্গনবর্ণের বাঁয়ে বসে । ডানে বসে । ওপরে বসে । নিচে বসে । বাঁয়ে-ডানে-ওপরে-নিচে বসে বুকের মধ্যে জড়িয়ে ধরে এক একটি ব্যঙ্গনবর্ণকে ।

কোথা থেকে এসেছে এরা? ভারতের একটি প্রাচীন লিপির নাম ব্রাহ্মীলিপি । ভারতের মানুষের নানা অস্তুত বিশ্বাস ছিলো, এখনো আছে । অনেকে মনে করতো ওই ব্রাহ্মীলিপি একেকেবে ব্রহ্মার সৃষ্টি । কিন্তু এ-লিপি কয়েক হাজার বছর আগে সৃষ্টি করেছিলো ভারতবাসীরাই । এ-লিপির বিবর্তনের ফলেই উদ্ভূত হয়েছে বাঙলা লিপি বা অক্ষর বা বর্ণমালা । কেউ কেউ মনে করেন যে ষষ্ঠ শতকের দিকে বাঙলা, বিহার, ওড়িষ্যা অঞ্চলে প্রচলিত ছিলো ওই লিপির একরকম বিবর্তিত রূপ । এ-রূপকে বলা হয় গুণলিপির পূর্বদেশীয় রূপ । এ-গুণলিপি আবার এসেছে কুষাণ লিপি থেকে । কুষাণ লিপি এসেছিলো ব্রাহ্মীলিপি থেকে । দশম শতকের দিকে ব্রাহ্মীলিপি বদলে হয়ে ওঠে বাঙলা লিপি । তারপর কতো বদল ঘটেছে বাঙলা লিপির । তখন তো ছাপাখানা ছিলো না । হাতে লেখা হতো পুথি । মানুষে মানুষে পার্থক্য ঘটে অক্ষরের রূপে । পুরোনো অক্ষরে পাওয়া যায় কতো রকমের অ, কতো রকমের আ, ক খ গ ঘ । হাতে হাতে বদলে আঠারো শতকের শেষ দিকে, ১৭৮৪ খ্রিস্টাব্দে, বাঙলা বর্ণমালা ঢালাই হয় ধাতুতে । মুদ্রাযন্ত্রে ওঠে বাঙলা অক্ষর । বই ছাপা শুরু হয় বাঙলা বর্ণমালায় । যদ্ব তো নানা রকম করে না কোনো কিছুকে । যদ্বের কাজই সব কিছুকে সুশৃঙ্খল ক'রে তোলা । যদ্বে ওঠার পর থেকেই বাঙলা বর্ণ স্থির রূপ পায় । সব 'খ' হয়ে ওঠে একই রকম, সব 'খ'র চেহারা এক । তবে তা হ'তে কিছুটা সময় লেগেছিলো ।

আগে এ-দেশে ছাপাখানা ছিলো না। ইউরোপে পনেরোশতকে প্রতিষ্ঠিত হয় ছাপাখানা বা মুদ্রায়ন। এ-দেশেও ছাপাখানা নিয়ে আসে ইউরোপীয়। ইউরোপীয়াই প্রথম ছাপে বাঙলা বর্ণমালা। প্রথমে বাঙলা বর্ণমালা ছাপা হয়েছিলো ব্লকের সাহায্যে। বিদেশে। ১৬৬৭ খ্রিস্টাব্দে আমস্টারডাম থেকে বেরিয়েছিলো চায়না ইলাস্ট্রেটা নামে' একটি বই। ওই বইতে মুদ্রিত হয়েছিলো বাঙলা বর্ণমালার নমুনা। অ্যালফাবেটম বেংগলিকুম নামে এ-বইতে বাঙলা বর্ণের যে-তালিকা ছাপা হয়েছে, তা দেখতে অনেকটা কাকের পা বকের পা। ১৭৪৩-এ লাইডেন থেকে বেরিয়েছিলো “ডিসারতিও সিলেকটা” নামে একটি বই। এ-বইতে আছে বাঙলা বর্ণমালার নমুনা। খুব চমৎকার এ-অক্ষরগুলো। মুন্দু চোখে দেখতে হয়। আরো কয়েকটি বইয়ে ছাপা হয়েছিলো বাঙলা অক্ষর, ব্লকে বা ধাতুফলকে।

১৭৭৮। অবিস্মরণীয় বছর বাঙলা লিপি ও ভাষার ইতিহাসে। এ-বছর হগলি থেকে বেরোয় বাঙলা ভাষার প্রথম বিস্তৃত ব্যাকরণ। ব্যাকরণের চায়নিয়াল ব্র্যাসি হ্যালহেড। বইটি লেখা ইংরেজিতে। কিন্তু হ্যালহেড তাঁর বইয়ের বাঙলা উদাহরণগুলো ছেপেছিলেন বাঙলা অক্ষরে। ওই উদাহরণ ছাপতে গিয়েই সূচিত হয় বাঙলা বর্ণমালা<sup>১</sup> আধুনিক কাল। আগে ব্লকে ছাপা হয়েছিলো বাঙলা বর্ণমালা; আর প্রতিক্রিয় শব্দ। এবার ছাপতে হয় পুরো বাক্য। পাতার পর পাতা। এই ছাপতে দরকার হয় টাইপ, ধাতব অক্ষর। ধাতব বর্ণ। এক একটি পৃথক পৃথক। হ্যালহেডের এ গ্রামার অফ দি বেঙ্গল ল্যাঙ্গুয়েজ-এর জন্মে বানানো হয় ধাতব অক্ষর। অক্ষর বানান চার্লস উইলকিস। তাঁকে সাহায্য করেন একজন কর্মকার, পঞ্চানন কর্মকার। হ্যালহেডের বইয়ের জন্যে যে-টাইপ বানানো হয়েছিলো, তা ছিলো খুবই চমৎকার। তার বাঙলা বর্ণগুলো অত্যন্ত সুন্দৰী। তাকিয়ে থাকতে ইচ্ছে করে। আকারে একটু বড়ো। কিন্তু কিছু অক্ষর এখনকার মতো নয়। কিন্তু উইলকিস ও পঞ্চানন কর্মকারই অনেকটা চিরকালের জন্যে হির ক'রে দেন বাঙলা বর্ণের মুখের রূপ। এরপর মুদ্রায়ন্ত্রের প্রয়োজনে ও উৎসাহে সুন্দৰী থেকে সূচীতর হয়ে উঠেছে বাঙলা অক্ষর। দেখা দিয়েছে মনো ও লাইনো রূপসী অক্ষর। তৈরি হয়েছে গুটিক্য নতুন অক্ষর। যুক্তাক্ষর নানাভাবে যুক্ত হয়েছে মনো ও লাইনোর শাসমনে ও স্নেহে। তবু তাদের শরীরে ছোয়া লেগে আছে পঞ্চানন ও উইলকিসের।

## গদ্যের কথা

কাননে কুসুমকলি সকলি ফুটিল । এটা কী? কবিতা । আমাদের ছেটো নদী চলে বাঁকে বাঁকে । এটা কী? কবিতা । রোদে রাঙা ইটের পাঁজা তার ওপরে বসলো রাজা । এটা কী? কবিতা । জন্মিলে মরিতে হবে অমর কে কোথা কবে? এটা কী? কবিতা । ঢল ঢল কাঁচা অঙ্গের লাবণি অবনি বহিয়া যায় । এটা কী? কবিতা । আপণা মাংসে হরিণা বৈরী । এটা কী? কবিতা । কবিতায় ভ'রে আছে বাঙলা ভাষা । ছন্দে মিলে সাজানো শব্দগুচ্ছ : কবিতা বা পদ্য ।

আমরা কেউ কবিতায় কথা বলি না । কথা বলার সময় ছন্দে মিলে সাজিয়ে দিই না ভাষা । রান্নাঘরে বেজটিসের লড়াই দেখে কেউ বলবে না : ‘আম্মা আবার রান্না ঘরে বেড়াল ছাঁকে লড়াই করে ’ ‘গরু’ সম্পর্কে রচনা লিখতে দিলে কেউ লিখবে ন্ম । আমরা সকলেই ভালো ক’রে জানি । গরু আর ধাঁড় সব চতুর্পদ প্রাণী । রাখালের আগে আগে ধীরেধীরে যায় । মাঠে গিয়ে খুশি হয়ে কতো ঘাস খায় ।’ এমন আজ আর কেউ লিখবে না । কিন্তু লিখতে তিনশো কি চারশো কি পাঁচশো বছর আগে । কেননা তখন গদ্যে কিছু লেখার কথা কেউ ভাবতেই পারতো না । প্রায় সব কিছু লেখা হতো কবিতায় বা পদ্যে, ছন্দে-মিলে সাজিয়ে ।

বাঙলা ভাষার আদি ও মধ্যযুগ ভ'রে ছিলো কবিতা । পদ্য । বাঙলা ভাষায় লেখা ওই সময়ের যা কিছু পাওয়া গেছে, তার শতকরা নিরানবই ভাগেরও বেশি হচ্ছে পদ্য । তার মানে কি আগের মানুষ কথাও বলতো কবিতায়? পদ্যে? প্রতিটি বাঙালিই ছিলো তখন কবি? মাঠের রাখাল কবি, নদীর জেলে কবি? ঘরের বউ কবি? বাজারের মুদি কবি? নিচয়ই এমন ছিলো না । তারা সকলেই কবি ছিলো না, তবে কেউ কেউ ছিলেন কবি । মানুষ তখন কথা বলতো গদ্যেই—সহজ সরল সাধারণ ভাব বিনিময় করতো না-সাজানো না-গোছানো শব্দে । কিন্তু সাহিত্যসৃষ্টির উৎসাহ

জাগলেই তাদের মনে দোলা দিতো ছন্দ, শুণশুণিয়ে উঠতো মিল। ওই পদ্যের একটা বড়ো অংশই অবশ্য গদ্যের মতো। কিছু অংশ তো গদ্যের চেয়েও গদ্য। গদ্য দরকার পড়ে প্রতিদিনের জীবন নির্বাহের জন্যে; বক্তব্য আর চিন্তা প্রকাশের জন্যে। আমাদের আদি ও মধ্যযুগের পূর্বপুরুষেরা প্রতিদিনের জীবন যাপন করতেন আটপৌরে গদ্যেই। কিন্তু তার কোনো উদাহরণ কালিতে কাগজে বাঁধা পড়ে নি। মুখ থেকে বেরিয়ে মুখের গদ্যভাষা মিশে গেছে অনন্তে। বক্তব্য আর চিন্তা প্রকাশের কোনো প্রয়োজন ছিলো না তাদের? যেমন প্রয়োজন এখন আমাদের? ছিলো নিশ্চয়ই, কিন্তু তা আজকের বাঙালির প্রয়োজনের তুলনায় অতি সামান্য। আর ওই প্রয়োজন মিটে যেতো গদ্যেরই যমজ বোন পয়ার ছন্দে।

এখন তো লিখিত বাঙলা ভাষার পঁচানবই ভাগই গদ্য। সহজ সরল, দুরুহ জটিল, শুন্দি অশুন্দি, সুন্দর অসুন্দর নানারকম গদ্যে পূর্ণ লিখিতমূল্যিত বাঙলা ভাষা। গদ্যই বাঙলা ভাষা, এমনও মনে হয় অনেকের। বাঙলা ভাষার যখন জন্ম হচ্ছিলো, তখন কেউ গদ্য লেখে নি। মধ্যযুগের শুরুতেও যে গদ্য লেখা হয়েছিলো, তার কোনো প্রমাণ পেতেও যায় না। কিন্তু যেলো শতকেই লিপিবদ্ধ হয় বাঙলা গদ্য। তবে ১৫৮০ খ্রিস্টাব্দ পর্যন্ত তার কোনো ধারাবাহিক বিকাশ ঘটেনি। এ-সময়ে পাঞ্জাব যায় নড়োবড়ো, বিকল, অস্তুত গদ্য। তখনকার বাঙলা গদ্য ও পাঁচদের অবস্থা দেখে প্রশ্ন জাগে—যা হাঁটতেই শিখলো না তা এমন নেট শিখলো কেমন ক'রে? পদ্য তখন নেচে চলেছে, গদ্য চলছে খুড়িয়ে আমাশুড়ি দিয়ে। ১৫৫৫ থেকে ১৭৪৩ পর্যন্ত সময়টা বাঙলা গদ্যের খুড়িয়ে চলার কাল। এ-সময়ে অনেক দলিলদস্তাবেজ, চিঠিপত্র লেখা হয়েছে গদ্যে; আর বৈশ্বিক সাধকদের কিছু কিছু প্রস্তুতির কোনো কোনো অংশ লেখা হয়েছে গদ্যে। খুবই গরিব এ-গদ্য। তবে তা বাঙালি গদ্য। কেননা এগুলো লিখেছিলেন মোটামুটিভাবে বাঙালিরাই। ১৭৪৩ খ্রিস্টাব্দে বিদেশিদের কলমে রচিত হয় বাঙলা গদ্য। এতোদিন যা দেশীয় রীতিতে খোঢ়াছিলো, ১৭৪৩-এ তাতে লাগে বিদেশি-পর্তুগিজ-খোঢ়ানোর চঙ। কিন্তু তখন বাঙলা গদ্য স্থির ক'রে ফেলেছে যে তাকে শক্তি আয় করতে হবে, সুস্থ হয়ে উঠতে হবে। যেতে হবে অনেক দূর। দাঁড়াতে হবে দুপায়ে। পা ফেলতে হবে স্থিরভাবে। ১৮০১ খ্রিস্টাব্দে বেশ স্থির হয়ে ওঠে গদ্য। তারপর দ্রুত আধ্যাত্মিক বাঙলা গদ্য এতো শক্তি আর পেশি অর্জন করে যে নাচ বন্ধ হয় বাঙলা ভাষার। দিকে দিকে ছন্দের নর্তকীরা নৃপুর খুলে ফেলে। নৃত্যের কাল শেষ হয়েছে; শুরু হয়েছে পদযাত্রার কাল।

আসামের তেজপুর থেকে প্রকাশিত “আসামবন্তি” পত্রিকায় ১৯০১ অন্দের জুন মাসের ২৭ তারিখে বাঙ্গলা ভাষায় লেখা একটি চিঠি ছাপা হয়। চিঠিটি, ১৫৫৫ খ্রিস্টাব্দে, লিখিতছিলেন কোচবিহারের মহারাজা নবরনারায়ণ, অহোমরাজ বৰ্গনারায়ণের কাছে। এ-চিঠিতেই খচিত হয়ে আছে বাঙ্গলা ভাষার সবচেয়ে পুরোনো গদ্যের রূপ। এর ভাষা আর ভাব দুই-ই বেশ সহজ সরল। পরে যে-ভাষাকে সাধুভাষা বলা হয় চিঠিটিতে তারই সূচনা দরা পড়ে। চিঠিটির কিছু অংশ এমন :

লেখনং কার্যঞ্চ। এথা আমার কুশল। তোমার কুশল নিরন্তরি বাঞ্ছন করি। অখন তোমার আমার সঙ্গীষ সম্পাদক প্রতাপত্রি গতায়ত হইলে উভয়নুকূল প্রীতির বীজ অঙ্গুরিত রহে। তোমার আমার কর্তব্যে সে বর্জিতাক পাই পুল্পিত ফলিত হইবেক। আমরা সেই উদ্যোগতে আছি তোমারো এ গোট কর্তব্য উচিত হয় না কর তাক আপনে জান। অধিক কি লেখিম।

রাজার কাছে রাজার লেখা রাজকীয় চিঠি এটি। সমোধনে একটি ‘আপনি’ এখানে প্রত্যাশা করিব; কিন্তু এতে পাওয়া যায় ‘তোমার’। তাই বোঝা যায় ঘোলোশতকে রাজাদের কাছে প্রিপারিচিত ছিলো ‘আপনি’। যে-সব চিঠিপত্র পাওয়া গেছে তাতে চোখে পড়ার মতো ব্যাপার হচ্ছে সমোধন। আজকাল আমরা যেখানে ‘প্রিয়’, ‘জনাব’, ও প্রচণ্ড কাউকে সমোধন করতে গেলে বড়জুরে ‘মাননীয়’ বা ‘মহামান্য’ লিখি সেখানে ওইসব পুরোনো চিঠিতে পাওয়া যায় লোমহৰ্ষক সব সমোধন। যদের সমোধন করা হয়েছে ওইসব পত্রে, তারা কেউ ‘প্রচণ্ড প্রতাপ’, কেউ ‘প্রবল প্রতাপ’, কেউ ‘মহোগ্র প্রতাপ’, আবার কেউ ‘গঙ্গাজল নিরমল পবিত্র কলেবর’। ১৭৮৮ অন্দে লেখা এক আবেদনপত্রের রোমহৰ্ষক ও নির্থক সমোধন এমন :

স্বষ্টি প্রাতরন্দীয়মানার্কমণ্ডল নিজভূজবল প্রতাপত্বাপিত সক্রসমূহ পূজিতাখীল রাজ্যের মহামহিম শ্রীযুত মশীরাখাখ হজুর সুলতানল গোলেন্তান ও বুনিয়ান জরুরেণ আজীমঞ্চান শেফাহসালার আফেআজ বাদসাহি ও কঙ্গেনী কেশওরে হিন্দোস্থান গবনর জনরেল চারলশ লাট করণওলশ বাহাদুরে বিশম শমরাট বৈরীকুল করিকুম বিদারণ কেশৱীবৰ মহেগ্র প্রতাপেন্তে।

কী করা যাবে। প্রচণ্ড প্রতাপেরা সিংহাসন আর সমোধন খুব ভালোবাসে। ভাষার তাতে প্রাণ থাক না থাক কিছু যায় আসে না। সতেরো-

আঠারো শতকের যে-সব চিঠিপত্র দলিল পাওয়া গেছে, তাতে আরবিফারসি শব্দের বাদশাহি চোখে পড়ে। এখন অনেকেই ওই বাঙ্গলা ভাষার অর্থ বুঝে উঠতে পারবে না। একটি দলিলের অংশ :

ইহার মৌখ্যে পরগনা পরগনাতে দেওড়া ও মুরুত তোড়িবার আহাদে হজুর থাকিয়া পরোয়ানা লইয়া আর আর পরগনাতে দেওড়া ও মুরুত তোড়িতে লাগীল। এ বার্তা মুনিয়া ঠাকুর রামজীবন মৌলিকের বাড়িতে বাহির বাড়িতে আসিয়া রহিলা রাম সর্মা ও ডগীরথ সর্মা ওগায়রহ ঠাকুরের সেবা ও চৌকী পহুঁচা রাত্রিদিন আছিল তাহার পর ২৭ মহরম মাহে ২৮ জৈষ্ঠ ঠাকুর দেখিবার.....

বেশ কঢ়ু বাঙ্গলা। তবে দলিল, আবেদন, বিজ্ঞপ্তির বাঙ্গলা এখনো বেশ কঢ়ু।

সতেরোশতক থেকে বৈষ্ণব সাধকেরা কখনো গদ্যে কখনো পদ্যে-গদ্যে এক ধরনের শাস্ত্রীয় রচনা লেখা শুরু করেন। রচনাগুলোর নাম 'কড়চা'। ধারাবাহিক গদ্যের স্রোত নেই এগুলোতে। মনে হয় এইমাত্র ভাষা অর্জন করেছে এমন কোনো শিশু প্রশ়ি করছে আর উত্তর পাচ্ছে তারই মতো আরেকজনের থেকে। একটি কড়চার অংশবিশেষ এমন :

তুমি কি। আমি জীব। তুমি কেমন জীব। আমি তটস্থ জীব। থাকেন কোথা।  
ভাগে। ভাগ কীরণ হইল। তত্ত্ব বস্তু হইতে। তত্ত্ব বস্তু কি? পঞ্চ আঘা।  
একাদশেন্দ্র। হয় রিপু ইঞ্জি এই সকল এক যোগে ভাগ হৈল।

বৈষ্ণবদের যে-সব শাস্ত্রীয় রচনা পাওয়া গেছে সতেরো-আঠারো শতকের তাতে যে-গদ্য পাই, আর তাতে প্রকাশ করা হয়েছে যে-ভাব, তা খুবই তুচ্ছ। মনে হয় বাঙালি তখনো বলার মতো বক্তব্যাই খুঁজে পায় নি। তাই ভাষা পাবে কোথা থেকে? জটিল কাহিনী বলার বেদনা তখনো জাগে নি তার মনে, বিশ্বজ্ঞানের কোনো এলাকাই ব্যাখ্যার বিষয় হয়ে ওঠে নি তার। তাই স্রোতের মতো তার বুক থেকে উৎসারিত হয় নি গদ্যভাষা। তবে আঠারোশতকে রচিত দু-একটি রচনা পাওয়া গেছে যাতে খুঁড়িয়ে-জিরিয়ে-থেমে চলা গদ্য এগিয়েছে স্বাভাবিকভাবে। যেমন পাওয়া যায় আঠারোশতকের 'মহারাজ বিক্রমাদীত্যচরিত' নামের কাহিনীটিতে :

মোং ভোজপুর শ্রীযুত ভোজরাজা তাহার কন্যা নাম শ্রীমতি মৌনাবতি সোড়য  
বরিস্যা বড় মুন্দুরি মুখ চন্দ্রতুল্য কেষ মেঘের রঙ চক্ষু আর্কন্দু পর্যন্ত মৃগ্য জর  
ধনুকের নেয়ায় ওঠ রক্ষিমে বর্ণ হস্ত পদ্মের মৃগাল শন দাঢ়িয়ে ফল রূপলাবন্য

বিদ্যুৎচূটা তাহার তুলনা আর নাওী এমন মুদ্দারি সে কল্যার বিভাই হয় নাওী  
কন্যা পন করিয়াছে রাত্রের মধ্যে জে কথা কহাইতে পারিবেক তাহাকে আমি  
বিভা করিব ।

আজকের ব্যাকরণ অনুসারে এটিতে ভুলের মেলা বসে গেছে । কিন্তু  
বোঝা যায় কথক বলার মতো একটি গল্প পেয়ে গেছেন, আর তিনি তা  
চমৎকারভাবেই বলবেন । কল্যাটিকে বড়োই দেখতে ইচ্ছে করে, ইচ্ছে হয়  
তাকে রাত পোহানোর আগেই কথা কহাই ।

আসে অবিস্মরণীয় অব্দ ১৭৪৩ । এ-বছরই প্রথম, সুদূর লিসবন শহরে,  
বাঙ্গলা ভাষা মুদ্রায়ন্ত্র হয় । মুদ্রিত হয় বাঙ্গলা ভাষা । তবে বাঙ্গলা বর্ণমালায়  
নয়, রোমান বর্ণমালায় । মুদ্রিত হয় তিনটি বই । একটির নাম ব্রাক্ষণ-রোমান  
ক্যাথলিক-সংবাদ । অন্য দুটির নাম কৃপার শাস্ত্রের অর্থভেদ ও  
ভোকাবুলিরও এম ইন্দিওয়া বেনগল্লা, ই পোরতুগিজ । প্রথমটির লেখক  
বাঙালি । কিন্তু তিনি খ্রিস্টানধর্ম গ্রহণ করে হয়ে গিয়েছিলেন খ্রিস্টান । তখন  
নাম হয়েছিলো তাঁর দোষ আন্তোনিয়ো । অন্য দুটির প্রণেতা-সংকলকের  
নাম মনোএল দা আসসুস্পসাঁট । প্রথম বই দুটিতে পাওয়া যায় বাঙ্গলা  
গদ্যের নমুনা । তৃতীয়টি একটি শব্দক্ষেত্র ও ব্যাকরণপুস্তক । দোষ  
আন্তোনিয়ো বাঙালি ছিলেন । খ্রিস্টান হয়ে তিনি যখন জেসাসের ধর্মের  
উৎকর্ষ প্রমাণে উদ্যোগী হলেন, তখন তাঁর বাঙ্গলা ভাষার ওপর নিচয়ই  
প্রভাব ছড়িয়েছিলো লাতিন লেখকের গঠন । খ্রিস্টধর্মের মূল কথা আয়ত  
করার জন্যে কিছুটা লাতিন তিনি নিচয়ই আয়ত করেছিলেন । তিনি তাঁর  
বইটি লিখেছিলেন সতেরোশতকের শেষ দিকে । সাধু গদ্যের অনেক বৈশিষ্ট্য  
ধরা পড়েছিল তাঁর রচনায় । তাঁর রচিত কথোপকথন এমন :

ব্রাক্ষণ ।-তুমি কারে ভজো ।

রোমা ।-পরমেশ্বরের পূর্ণো ব্রহ্মের ।

ব্রাক্ষণ ।-তবে তোমোরা বরো উত্তম ভজোনা ভজো, আমোরা তাহারে ভজি ।

রোমা ।-যদি তোমোরা সেই পূর্ণ ব্রহ্মের ভজো তবে কেন এত কুরিত  
(কুরীত) কুধরাণ নানা অধর্মী ভজনো দেখি ।

রোমান অক্ষরে লেখা বাঙ্গলা ভাষাকে বাঙ্গলা বর্ণমালায় ঢাললে কিছুটা  
হারিয়ে যাই । অনেক শব্দের উচ্চারণ রোমান অক্ষরে হয়তো প্রকাশ করতে  
পারেন নি আন্তোনিয়ো; আবার তাঁর রোমান বর্ণে খচিত বাঙ্গলাকে বাঙ্গলা  
বর্ণমালায় প্রকাশ করতে গিয়ে কিছুটা হয়তো পিছলে গেছেন আধুনিক  
গবেষকরা । দোষ আন্তোনিয়ো রামায়ণকাহিনী বলেছেন এমন গদ্যে :

৮২ কতো নদী সরোবর বা বাঙ্গলা ভাষার জীবনী

রামের এক স্তৰী তাহার নাম সীতা, আর দুই পুত্রো লব আর কুশ তাহার ভাই লকেণ, রাজা অযোধ্যা বাপের সত্যে পালিতে বোনবাসী হইয়াছিলেন, তাহাতে তাহান স্তৰীরে রাবোগে ধরিয়া লিয়াছিলেন, তাহার নাম সীতা, সেই স্তৰীরে লক্ষ্ম থাক্যা আনিতে বিস্তর যুর্দো করিলেন, বালিরে মারি তাহার স্তৰী তারা সুসীরেরে দিলেন, সে বালির ভাই, তাহারে রাজ খণ্ডে দিলেন; বিস্তর রাখোস বধ করিলেন; কুর্মাকর্ণো বধিলেন, ইন্দ্রোজিং বধিলেন, প্রছাতে রাবোগ বধিয়া সীতারে আনিলেন।

এ-ভাষা দেখে মনে হয় গল্প বলতে গেলে গদ্য বেশ স্বাভাবিক হয়ে ওঠে। কিন্তু চিন্তা প্রকাশ করতে গেলেই বিপদ বাঁধে। হোঁচট খেতে থাকে তারী ও বাঙলা ভাষা।

১৭৪৩-এ বাঙলা গদ্য চ'লে যায় ইউরোপিদের হাতে : ধর্ম্যাজক তাকে দীক্ষা দেন, ব্যাকরণপ্রশ্নেতা অভিধানসংকলক তাকে শাসন করেন, আইনপ্রশ্নেতা তাকে বিধিসম্মত করতে চান। বাঙলা ভাষার মানরূপ তখনো ছির হয় নি, তাই বিদেশিদের পক্ষে বাঙলা আয়ত্ত ও প্রয়োগ করা খুব সহজ ব্যাপার ছিলো না। তাঁদের শিখতে হয়েছে আংশিক বাঙলা ভাষা, লিখতে হয়েছে গ্রন্থের বাঙলা ভাষা। এবং সবচেয়ে বড়ো কথা তাঁদের প্রকাশ করতে হয়েছে বজ্জব্য। বাঙলা ভাষার প্রথম বজ্জব্য প্রকাশ করতে শেখে ইউরোপিদের হাতে। বিদেশিদের বাঙলা গদ্যেই প্রথম প্রকাশ পায় বজ্জব্য। তাঁদের গদ্যে ভূল আছে নান্মারকম, আছে বিদেশি চঙ্গের হোঁচট খাওয়ার ঘটনা, রয়েছে শব্দের অপপ্রয়োগ; তবে তাঁরাই সূচনা করেন ধারাবাহিক গদ্যের ধারা। তাঁদের বিষয় হিসেবে স্থান পেয়েছে ধর্ম, ভাষাতত্ত্ব, আইন, এবং আরো অনেক কিছু।

বাঙলা ভাষায় প্রথম বিদেশি গদ্যলেখক পর্তুগিজ পাট্রি মানোএল দা আসসুম্পসাঁউ। তাঁর বইয়ের নাম “কৃপার শাস্ত্রের অর্থভেদ”। আসসুম্পসাঁউ কাহিনী বলার সময় বেশ স্বাভাবিক; কিন্তু যেই কথা বলতে শুরু করেছেন বা রচনা করেছেন প্রার্থনাসঙ্গীত, অমনি তাঁর ভাষা হয়ে উঠেছে বিদেশির বাঙলা। তাঁর কাহিনীর গদ্য এমন :

হিস্পানিয়া দেশে মাত্রিদ শুহরে দুই গলিম পুরুষ আছিল: বিস্তর দিন তাহারা একজনে আর জনেরে তালাশ করিয়াছিল দাদ তুলিবার কারণ। কঠের দিন ছয় ঘড়ি দুই প্রহর বাদে তাহারা জনে জনেরে লাগাল পাইল, লাগাল পাইয়া দুইজনে ও তরোয়াল খসিয়া মারামারি করিল। যে জনে বেশ তেজবস্ত সে আরো এক চোট দিল, সে মাটিতে পড়িল, পরাজয় হইল।

কতো নদী সরোবর বা বাঙলা ভাষার জীবনী ৮৩

বোধ হয় আসসুম্পসাঁউর এ-বাঙলার ওপর প্রভাব ফেলেছে তাঁর মাতৃভাষা পর্তুগিজ। দাকার আঞ্চলিক বাঙলা এখানে আছে প্রকাশে, গোপনে হয়তো আছে পর্তুগিজ বাক্যের গঠন।

পর্তুগিজ পান্তি মানোএল দা আসসুম্পসাঁউ যখন বাঙলা গদ্য লেখেন ও প্রকাশ করেন দোম আন্তোনিয়োর লেখা বই, তখন তিনি জানতেন না যে আন্তোনিয়ো ছাড়া কোনো বাঙালি তাঁরও আগে লিখেছিলেন বাঙলা গদ্য।

আসসুম্পসাঁউর সাড়ে তিনি দশক পর যখন ইংরেজরা বাঙলা ভাষায় উৎসাহী হন, উদ্যোগী হন বাঙলা ভাষা শিখতে ও শেখাতে, এবং রচনা করেন বাঙলা গদ্য, তখন তাঁরা জানতেন না যে তাঁদের আগে আদৌ কেউ লিখেছিলেন বাঙলা গদ্য। তাঁদের সামনে ছিলো একটি সত্য;—বাঙলা সাহিত্য গদ্যহীন। এটা সত্য ছিলো তাঁদের জন্যে, কেননা বাঙলা গদ্য রচনার সময় কোনো নমুনাই উপস্থিত ছিলো না তাঁদের সামনে। তাই তাঁদের যাত্রা শুরু হয়েছিলো শুরু ও শূন্যতা থেকে। কিন্তু তাঁরা অন্ত সময়ের মধ্যে বাঙলা ভাষাকে ত'রে দেন বিভিন্ন রকম গদ্যে, এবং সৃষ্টি করেন বাঙলা গদ্যের অবিরাম ধারা। তাঁদের নিজেদের লেখা হয়তো অসাধারণ ছিলো না, ছিলো তাতে বহু ভুলভাস্তি। তাঁদের লেখা বহু বাক্য হাস্যকর। কিন্তু বাঙলা গদ্যের অবিরাম ধারা সৃষ্টিতে ইংরেজের দানকে অস্থীকার করা যায় না। এক সময় বাঙলা সাহিত্যের ঐতিহাসিকেরা বাঙলা গদ্য সৃষ্টির প্রায় সমস্ত কৃতিত্ব দিতেন তাঁদের। এখন চলছে তাঁদের কৃতিত্ব অস্থীকারের সময়। বাঙালি সম্ভবত কখনোই ত্যের মুখোয়াখি হবে না।

আঠারোশতকে ইংরেজরা ব্যাকরণ-অভিধান প্রণয়ন করেছেন, ও বাঙলা গদ্যে অনুবাদ করেছেন বিভিন্ন আইন। ওই বাঙলায় অনুদিত আইনগুলোতেই প্রথম বাঙলা ভাষায় প্রকাশ পায় জটিল বক্তব্য, ও রচিত হয় মিশ্রজটিল বাক্য। এ-গৃস্থগুলোর গদ্যের সাথে পুরোনো বাঙলা গদ্যের দুষ্টর পার্থক্য। মনে হয় এই প্রথম পরিবেশিত হলো বাঙলা গদ্যে উল্লেখযোগ্য চিন্তা-বক্তব্য। এ-গৃস্থগুলোতেই বপন করা হয় আধুনিক বাঙলা গদ্যের বীজ। আইনের বাঙলা অনুবাদগৃস্থগুলোর মধ্যে আছে জোনাথন ডানকানের দেওয়ানি আইনসংক্রান্ত ইস্পেকোডের বাঙলা অনুবাদ (১৭৮৫), বেনজামিন আয়াডমনস্টোনের ফৌজদারি আইনসংক্রান্ত গ্রন্থ (১৭৯৩); ও হেনরি পিটস ফরস্টারের কর্ণওয়ালিশ কোড (১৭৯৩)। ডানকানের গদ্য এমন :

সদর দেওয়ানি আদালতে যদি কোন সাক্ষী আজ্ঞা মতো সাক্ষাৎ না আইসে অথবা সাক্ষাৎ আসিয়া সুকৃতি না করে কিম্বা সাক্ষী পত্র লিখিয়া তাহাতে

স্বাক্ষর করিতে না চাহে কিম্বা আপন অভিপ্রায় মতে অথবা কিছু গ্রহণ করিয়া মিথ্যা সাক্ষি দেয় কিম্বা কচহরির মধ্যে আদালতের অসম্মান করে তবে তাহার সমৃচ্ছিত জন্যে পূর্বে মপস্বল আদালতের ব্যবস্থাপক সাহেবের দিগের যে মত অধিকার লেখা গিয়াছে সদর দেওয়ানি আদালত হইতে ও সেই মত সমৃচ্ছিত হবেক—

এখনকার মানদণ্ডে কিছুকিছু ক্রটি থাকলেও এ-গদ্যকে চমৎকার না বলে উপায় নেই। আজকের বহু বাঙালির পক্ষেও ওপরের পংক্তিগুচ্ছ রচনা করা কঠিন।

খুব ভালো হয়েছিলো যে ইংরেজ ধর্ম নিয়ে বাঙলা গদ্যচর্চায় নামে নি। কিন্তু অল্প পরেই মহাসমোরোহে ধর্ম এসে উপস্থিত হয়। বাইবেলের বিভিন্ন অনুবাদের মুদ্রণে মুখ্য হয়ে ওঠে মুদ্রাযন্ত্র। বাইবেলে বাইবেলে হিস্তি-লাতিনের অনুকরণে রচিত হয় একরকম অন্তর্ভুক্ত বাইবেলি বাঙলা গদ্য, যার কিছু অংশ হাস্যকর, কিছু অংশ অভাবিত, আর কিছু অংশ মহান। বাঙলা বাক্যের পদক্রম নানাভাবে এলোমেলো হয়ে যায় বাইবেলের মূল ভাব আর বাক্যের গঠন শুন্দি রাখার আঁগ্রাম চেষ্টায়। ধর্মগ্রন্থ সব সময়ই বাঙলায় অনুদিত হয়েছে বেশ বিশ্বি ভাষায়—সম্ভবত অনুবাদকেরা সৈন্ধবের ভয়ে কেঁপে কেঁপে উঠেছেন বারবার আর পীড়ন নির্যাতন চালিয়েছেন নিরীহ বাঙলা ভাষার ওপর। এমন একটি অনুবাদ হচ্ছে মঙ্গল সমাচার মতীয়ের রচিত (১৮০০)। এটির অনুবাদক টমাস ও রামরাম বসু; সংশোধক উইলিয়াম কেরি। এতেই সূচিত হয় বাইবেলি বাঙলা গদ্য :

সে দিনে যেও ঘর হইতে যাইয়া বসিলেন সমুদ্রের তিরে। এবং হেন বড় মানব্য একত্তর হইল তাহার স্থানে তাহাতে জাহাজে যাইয়া বসিলেন ও সকল মানব্য তত্ত্বের উপরে ডাগাইল। এবং তিনি হিত উপদেশ কহিলেন অনেক বিষয় তাহারদিগের বলিয়া দেখ এক বীজ বুনক বীজ বুনিতে গিয়াছে। বুনিতে ২ কিছু পড়িল পছৰে পার্শ্বে ও পক্ষেরা আসিয়া তাহ গ্রাস করিল।

এতে বিলেতি বাঙলা গদ্যের কিছু লক্ষণ সহজেই চোখে পড়ে।

কেউকেউ বাঙলা না শিখেই অন্যদের বাঙলা শেখাতে চেয়ে পরিণত হয়েছেন উপহাস্যকর উদাহরণে। জন মিলার সিক্ষ্য/গুরু প্রকাশ করেছিলেন ১৭৯৭ অন্দে, যখন তিনি নিজেই ঠিক মতো আয়ত্ত ক'রে উঠতে পারেন নি বাঙলা ভাষা। 'সিখাইতে তোমারদিগেরকে ইঙ্গরাজি কথা সহজে আর অনাআসে', বা 'অত্যুবের আমি বিবেচনা করিয়া এ তরজমা করিয়াছি চলতি

কথার দ্বারায়' ধরনের বিলেতি বাঙলা লিখে বিখ্যাত হয়ে আছেন মিলার। তবে তাঁদের সবার বাঙলা গদ্য এমন নয়। অবশ্য বিলেতি বৈশিষ্ট্য তাঁরা বাঙলায় খচিত করেছেন নানাভাবে। 'আমরাও দেখিলাম না তাহারে' বা 'বির্ধকালে পুণ্যে পুর্ণিৎ মরিয়া চলিয়া গেল সর্গে', বা 'আঝা সর্গে গেল উড়িয়া', বা 'সে এক পুত্র জয়হিল' ধরনের বিদেশি বাঙলা জুলজুল' ক'রে ওঠে মাঝেমাঝেই।

১৮০১ সালে শুরু হয় আধুনিক বাঙালির বাঙলা গদ্যের ধারা। এ-বছর ফোর্ট উইলিয়ম কলেজ থেকে বেরোয় রামরাম বসুর "রাজা প্রতাপাদিত্যচরিত"। দেড় দশক ধ'রে ফোর্ট উইলিয়ম কলেজের বাঙালি পণ্ডিতরা সংস্কৃত থেকে আঁকড়িক শব্দে অবিরাম যাতায়াত ক'রে নানাভাবে বাড়িয়ে দেন বাঙলা গদ্যের শক্তি। রামরাম বসু, মৃত্যুঞ্জয় বিদ্যালঙ্কার প্রমুখ পণ্ডিতের পরে আসেন ভবনীচরণ বন্দ্যোপাধ্যায়, রামমোহন রায়ের মতো তার্কিক ও প্রভাবশালী বাস্তিগণ। বিকশিত হ'তে থাকে বাঙলা গদ্য; স্থির হ'তে থাকে তাঁর সর্ববঙ্গীয় রূপ।

ঈশ্বরচন্দ্র বিদ্যাসাগরের রচনায় বাঙলা গদ্যলোভ করে সুস্থিতি। তাঁরপর বিভিন্নভাবে বিকশিত হয় বাঙলা গদ্য, সবল জাটিল বিজ্ঞানমনক কাব্যিক ও আরো বিভিন্ন রূপের গদ্যে ত'রে ওঠে বাঙলা ভাষা। উনিশশতকের মাঝামাঝি স্থির হয়ে যায় বাঙলা ভাষার একটি রূপ, যাকে বলা হয় সাধুভাষা।

## মান বাঙলা ভাষা : সাধু ও চলতি

পৃথিবীতে বহু ভাষা আছে। তবে সব ভাষা সমান উন্নত নয়; সব ভাষার শক্তি সমান নয়। ভাষার মূল কাজ সমাজের মানুষের যোগাযোগে সাহায্য করা। সব ভাষাই এ-কাজটি চমৎকারভাবে করে। ধরা যাক একটি আঞ্চলিক ভাষার কথা। ভাষাটি ব্যবহৃত হয় দেশের একটি ছোটো এলাকায়। ওই এলাকার মানুষেরা ভাষাটি ব্যবহার করে স্বচন্দে জীবন চালায়। কিন্তু ভাষাটি তার চেয়ে বেশি কিছু পাঞ্জে না। তাতে কোনো কবিতা লেখা হয় না, রচিত হয় না উপন্যাস। তাত্ত্বে জ্ঞানের কোনো কথাই লিখিত হয় না। ওই ভাষার শব্দের সংখ্যা খুব কম। তাতে আধুনিক জীবনের জন্যে দরকারি সব কাজ সম্পন্ন করা যায় না। তাই ওই ভাষাটি অনুন্নত, অবিকশিত। ভাষাটির বিকাশ ঘটানো যেতো, সাধন করা যেতো উন্নতি; কিন্তু নানা কারণে তা হয় নি।

কিন্তু পৃথিবীর বেশ কিছু ভাষার ঘটেছে বিপুল উন্নতি। সেগুলোর সাহায্যে সামাজিক যোগাযোগ খুব চমৎকার সম্পন্ন তো হয়ই; তার ওপরও সম্পন্ন হয় আরো বহু কাজ। এমন ভাষাকে বলা হয় ‘উন্নত’ বা ‘বিকশিত’ বা ‘মানসম্পন্ন’ ভাষা। আদিযুগে বা মধ্যযুগে বাঙলা ভাষা ছিলো একটি অবিকশিত বা অনুন্নত ভাষা। একটি ভাষা বলাও ঠিক নয়। বাঙলা ভাষা বলতে ছিলো একগুচ্ছ আঞ্চলিক ভাষা—দেশের একএক অঞ্চলে ছিলো তার একএক রূপ। সে-রূপগুলোর মধ্যে অবশ্য ঘনিষ্ঠ সম্পর্ক ছিলো। ওই আঞ্চলিক ভাষাগুচ্ছে বা বাঙলা ভাষায় আদি ও মধ্য যুগে লেখা হয়েছে কিছু কবিতা ও কাব্য। তার বেশি কিছু হয় নি। তাই ওই সময়ে বাঙলা ভাষার বিকাশ ঘটেছে বেশ কম। জ্ঞানের কোনো শাখার প্রকাশ-মাধ্যমরূপেই ব্যবহৃত হয় নি বাঙলা ভাষা। তার ছিলো না এমন কোনো রূপ, যা ব্যবহৃত হতো সারা বাঙলা ভাষাঙ্গলে।

কতো নদী সঙ্গের বা বাঙলা ভাষার জীবনী ৮৭

কোনো একটি ভাষার বিকাশ ঘটার জন্যে দরকার পড়ে ওই ভাষা যারা বলে, তাদের জাতীয় চেতনা। একটি জাতি যখন বোধ করে যে এ-ভাষাটি তাদের, তখন তারা বিকাশ ঘটাতে থাকে তাদের ভাষার। আর ওই জাতির যদি থাকে একটি নিজস্ব রাষ্ট্র, তাহলে তো ভাষার বিকাশ ঘটে খুব দ্রুত। কেননা রাষ্ট্রের জন্যে দরকার হয় এমন একটি ভাষা, যা দিয়ে পালন করা যায় রাষ্ট্রের দরকারি সব কাজ। মধ্য যুগে বাঙালির জাতীয় চেতনা আজকের মতো ছিলো না। কিন্তু তা দেখা দেয় ক্রমশ, এবং উনিশশতকে ওই চেতনা ব্যাপকভাবে দেখা দেয়। বাঙ্গলা ভাষারও বিকাশ ঘটাতে থাকে। কোনো জাতি যখন একটি ভাষাকে আপন ভাষা 'ব'লে গ্রহণ করে, সম্পত্তি করতে চায় ওই ভাষার সাহায্যে সব ভাষ্যিক কাজ, তখন দরকার পড়ে ভাষাটির একটি 'মানরূপ'। মানরূপ, অর্থাৎ ভাষাটির এমন রূপ, যা সারা দেশে অভিন্ন। তা আঁকড়িলিক নয়। তা সমগ্র দেশিক। আদিযুগে ও মধ্যযুগে বাঙ্গলা ভাষার কোনো মানরূপ ছিলো না। তার এমন কোনো রূপ ছিলো না, যা ব্যবহৃত হতো বাঙ্গলা ভাষাধ্বনের সমগ্র এলাকায়। মানরূপ ছিলো না, কেননা আদি ও মধ্য যুগের বাঙালির দরকার হয় নি মানরূপের।

কোনো ভাষার মানরূপ সৃষ্টি করতে হলো দুটি দিকে মনোযোগ দিতে হয়। প্রথমে ভালোভাবে স্থির করতে হয়ে ভাষাটির অবয়ব বা শরীর। অর্থাৎ ভাষাটিতে কতোগুলো ধ্বনি আছে, তার প্রতিটি শব্দের রূপ আর বানান কী, প্রতিটি শব্দের অর্থ কী ইত্যাদি। স্থির ক'রে ফেলতে হয়। কেউ বলবে বা লিখবে 'খাইছি', কেউ 'খেয়েছি', তা চলবে না। সবকিছু হবে সুস্থিত। সুস্থির। অবশ্য চরমভাবে কোনো কোনো ভাষাই সুস্থির নয়। ভাষার রূপ স্থির হয়ে গেলে দেখতে হয় ভাষাটি কতোটা দায়িত্ব পালন করতে পারে। কোনো ভাষায় যদি শুধু আলাপই করা যায়, আর কিছু করা না যায়, তবে সেটা বিশেষ কাজের ভাষা নয়। ভাষা দিয়ে কবিতা লিখতে হবে, রচনা করতে হবে উপন্যাস। জ্ঞানের সমস্ত কিছু প্রকাশের উপযোগী হ'তে হবে ভাষাটিকে। তাকে দিয়ে ব্যবসা চালাতে হবে, রাজনীতি করতে হবে। সমাজের বিভিন্ন শ্রেণীর মানুষের প্রয়োজন মেটাতে হবে ভাষাটিকে। যদি তা পারে, তখন বলবো যে ভাষাটি পালন করতে পারে বিভিন্ন ভূমিকা। কোনো ভাষার রূপ স্থির আর ভূমিকা বিশদ হ'লেই ভাষাটিকে ধরা হয় 'উন্নত', বা 'বিকশিত', বা 'মানবন্ধ', বা 'মানসম্পন্ন', বা 'মানভাষা' ব'লে।

"চর্যাপদ"-এর কালে বাঙ্গলা ভাষা ছিলো খুবই অবিকশিত। তার শব্দের রূপ স্থির হয় নি, ধ্বনিও অস্থির। জ্ঞানের কথা তখনো শোনে নি বাঙ্গলা ভাষা। মধ্যযুগে ব্যাপকভাবে বিকশিত হয় বাঙ্গলা ভাষা। সাহিত্য সৃষ্টি হয়

বাঙলা ভাষায় বিপুল পরিমাণে। ধনাচ্য হয়ে ওঠে বাঙলা শব্দভাষার। কিন্তু বাঙলা ভাষার রূপ তখনো অস্থিত। আঞ্চলিকভাবে হোঁয়া তাতে বড়ো বেশি। তখনো সারা দেশের আঞ্চলিক ভাষারাশি হেঁকে সৃষ্টি করা হয় নি কোনো সর্ববঙ্গীয় বাঙলা ভাষা। মানভাষা। কিন্তু মানভাষা সৃষ্টির অসচেতন প্রক্রিয়া শুরু হয়ে গেছে তখন। সাধুভাষায় যে 'করিল', 'করিতেছিল', 'হইল', 'হইবে' প্রভৃতি ক্রিয়ার রূপ বসে, মধ্যযুগেই 'সে-কুপগুলো' তৈরি হয়ে গিয়েছিলো। ব্যবহৃত হ'তে শুরু করেছিলো ব্যাপকভাবে। দেখা দিয়েছিলো 'তাহার', 'উহার', 'ইহার' ইত্যাদি পরিপূর্ণ সর্বনামরূপ। কিন্তু আঠারো-শতকের শেষভাগ থেকে শুরু ক'রে উনিশশতকের প্রথম পক্ষগাশ বছরে সৃষ্টি করা হয় বাঙলা ভাষার একটা মানরূপ। তার নাম সাধুভাষা বা সাধু বাঙলা ভাষা বা সাধুরীতি।

বাঙলা ভাষার একটি মানরূপের সন্ধান চলছিলো অনেক বছর। উনিশশতকে সেটি দেখা দেয় সাধুভাষার রূপ ধ'রে। কোনো ভাষার মানরূপের ভিত্তি হয়ে থাকে এমন একটি উপভাষা বা আঞ্চলিক ভাষা, যা প্রভাবশালী। হয়তো ওই উপভাষাটিতে অনেক দিন ধ'রে সাহিত্য রচিত হয়েছে, তাই তার বিকাশ ঘটেছে অন্যান্য উপভাষার চেয়ে ভালোভাবে। এমনও হ'তে পারে যে ভাষার মানরূপ সৃষ্টির সময় ওই উপভাষী ব্যক্তিরা পালন করেন বিশেষ চৃমিকা। অনেকের মতে বাঙলা সাধুভাষার ভিত্তিরূপে ব্যবহৃত হয়েছে নদিয়া-শাস্ত্রিধর ও ভাগীরথীর উভয় কূলে প্রচলিত উপভাষাটি। কিন্তু সাধুভাষার সৃষ্টিকারীরা ওই উপভাষাটিকে ভিত্তি ক'রে গড়ে তুলেছিলেন এমন একটি মার্জিত বাঙলা ভাষারূপ, যা বিশেষ কোনো অঞ্চলের নয়। তাঁরা সংস্কৃত থেকে শব্দ খণ্ড করেছেন অবিরলভাবে, তৈরি করেছেন নতুন শব্দ, বিকাশ ঘটিয়েছেন বিভিন্ন রকম বাঙলা বাক্যের। ফলে জন্ম নিয়েছে বাঙলা ভাষার একটি মানরূপ। কেরি, রামরাম বসু, মৃত্যুজ্ঞয় বিদ্যালক্ষ্মি, রামেশ্বর রায়, অক্ষয়কুমার দস্ত এবং আরো অনেকের শ্রমে ক্রমবিকশিত হয় সাধুভাষা। তবে তাঁদের ভাষায় ছিলো কোনো-না-কোনো রকম অস্থিতি। ১৮৬০ খ্রিস্টাব্দে স্টেশনরচন্দ্র বিদ্যাসাগরের রচনায়, সীতার বনবাস-এ, সাধুরীতি লাভ করে শ্বিল মানরূপ। এর পর বক্ষিমচন্দ্র, রবীন্দ্রনাথ ও আরো অনেকে সাধুরীতির বাঙলায় নিয়ে আসেন নানা বৈচিত্র্য। কিন্তু তার মূলকাঠামো বদলায় নি।

তাই উনিশশতকের মাঝামাঝি বাঙলা ভাষার মানরূপ সাধুভাষাই হয়ে ওঠে বাঙলা ভাষা। ওই ভাষা ছিলো সর্ববঙ্গীয়; বাঙলার সব অঞ্চলেই সাধুভাষার রূপ ছিলো অবিভিন্ন। কিন্তু সাধুভাষা ছিলো একটি বড়ো

সীমাবদ্ধতা বা সমস্যা। সাধুভাষা লেখার ভাষা। বহু বই লেখা হয়েছে সাধুভাষায় বা সাধুবীভিত্তে; কিন্তু ওই ভাষায় কেউ কখনো, শুধু পাগল আর যাত্রাভিনেতারা ছাড়া, কথা বলে নি। তাই বাঙ্গলার একটি মানভাষা জন্ম নেয়, লেখার কাজে খুব দক্ষতার পরিচয় দেয়, কিন্তু বার্থ হয় একটি এলাকায়। সেটি হচ্ছে কথা বলার এলাকা। মানভাষা এমন হওয়া উচিত যাতে সম্পন্ন করা সম্ভব সব কিছু। তা হবে মুখের ভাষা, তা হবে লেখার ভাষা। যদি তা না হয়, তাহলেই সমস্যা দেখা দেয়। এক বীতির ভাষায় বই লিখবো, আর অন্য বীতির ভাষায় কথা বলবো, এটা এক ঝামেলা। বাঙ্গলা সাধুভাষা আমাদের প্রতিদিনের জীবন ও তাপ থেকে চলে গিয়েছিলো অনেক দূরে। আবার যে-ভাষা ছিলো জীবনের, যাতে কথা বলা হতো, তাতে কিছু লেখা চলতো না। তাই একটি সমস্যা দেখা দেয়। এ-সমস্যার সমাধানরূপে জন্ম নেয় আরেকটি মান বাঙ্গলা ভাষা। তার নাম চলতি ভাষা বা চলতি বীতি বা চলতি বাঙ্গলা।

চলতি বাঙ্গলার জন্মস্থানের নাম কলকাতা। উনিশশতকের বাঙ্গলাদেশ ও ভাষার কেন্দ্র কলকাতা। মধ্যযুগে এক অঞ্চলের বাঙালি খুব কাছাকাছি আসে নি আরেক অঞ্চলের বাঙালি। তাই তাদের দরকার হয় নি এমন একটি কথ্য বাঙ্গলা, যাতে পরস্পরের মাঝে যোগাযোগ করতে পারে সব এলাকার বাঙালি। উনিশশতকে বিস্তৃত অঞ্চলের বাঙালি শিক্ষা, চাকুরি, ব্যবসায় ও আরো সহস্র কারণে উপস্থিত হয় কল্পলিনী কলকাতায়। তাদের দরকার হয় একটি কথ্য ভাস্তুবীতি, যা সকলের। সাধুভাষা দিয়ে ওই কাজ সম্ভব ছিলো না। কেননা তা বোবা। তাদের দরকার হয় একটি মুখর ভাষা, যার নাম চলতি ভাষা। এক সময় বলা হতো চলিত ভাষা। রবীন্দ্রনাথ একে বলতেন প্রাকৃত বাঙ্গলা।

চলতি বাঙ্গলার জন্ম কলকাতায় হ'লেও তা কলকাতা শহরের উপভাষাভিত্তিক ছিলো না। যে-অঞ্চলের উপভাষা ভিত্তি ক'রে জন্ম হয়েছিলো সাধুভাষার, সে-অঞ্চলের উপভাষা ভিত্তি ক'রেই জন্ম নেয় চলতি ভাষা। নদিয়া, শান্তিপুর, ভাগীরথীর দু-কূলের ভাষা কলকাতা শহরে এসে আধুনিক বাঙালির প্রয়োজন মেটাতে হয়ে ওঠে চলতি ভাষা। চলতি ভাষা কথ্য ভাষা, মুখের ভাষা। তাতে শুধু কথা বলা হতো এক সময়। উনিশশতকের মাঝামাঝি বাঙ্গলা ভাষার দেখা দেয় দুটি মানরূপ। একটি সাধুভাষা : লেখার ভাষা। অন্যটি চলতি ভাষা : কথার ভাষা। সাধু ও চলতি ভাষা দুই তপস্থি ছিলো না যে এক ছায়ার নিচে শান্তিতে ধ্যান করবে। তারা হয়ে ওঠে এক বাঙ্গলা-রাজে দুই রাজা। রাজাদের কাজ যুক্ত করা।

৯০ কতো নদী সরোবর বা বাঙ্গলা ভাষার জীবনী

উনিশশতকের মাঝামাঝি বাঙ্গলা ভাষার দুই রাজাৱ, সাধু ও চলতিৱ, যুক্ত শুল্ক হয়ে যায়। যুদ্ধেৱ উত্তেজনা টিকে থাকে শতাব্দীব্যাপী। আজো তা পুৱেপুৱি থেমে যায় নি।

উনিশশতকের মাঝামাঝি সাধুৱীতিটি তাৱ রাজত্ব পেতে বসে মহাসমাৱোহে। তখন তাৱ রূপ বেশ দৃঢ়ভাবে স্থিৱ হয়ে গেছে। ভাৱিভাৱি শব্দে আৱ লম্বা লম্বা ক্ৰিয়াৱল্পে, উৎকলিকাকুল, অবয়বসংহানাদিকৃত, গমন কৱিলেন, হৱণ কৱিয়াছে, প্ৰযুক্ত, পুৱঃসৱ প্ৰত্তিতে, চমৎকাৰভাবে সেজেগুজে, বলা যাক সজ্জিত হয়ে, লাভ কৱেছে অনমনীয় রাজকীয় মহিমা। অৰ্থাৎ উনিশশতকেৱ মধ্যভাগেৱ সম্ভাট সাধুৱীতি। কিন্তু মুখেমুখে তখন জন্ম নিছিলো বিদ্রোহী চলতি রীতি। ওই সময়ে চলতি রীতিটি খুব স্থিৱ রূপ পায় নি, কিন্তু রূপ পেয়েছে অনেকখানি। কিছুটা শক্তি আয় ক'ৱেই বিদ্রোহী চলতি রীতি বিদ্রোহ ঘোষণা ক'ৱে বসে সাধুৱীতিৱ বিৱৰণে, উনিশশতকেৱ মাঝামাঝি। ওই বিদ্রোহেৱ ইশতেহার প্ৰথম ঘোষিত হয়, দ্ৰোহেৱ পতাকা প্ৰথম ওড়ানো হয় প্যারীচাঁদ মিত্ৰেৱ এক অভৃতপূৰ্ব গদ্যসৃষ্টি “আলালেৱ ঘৱে দুলাল”-এ। ১৮৫৮-তে। তখন চলতি রীতিৱ জয়েৱ কোনো সম্ভাবনা ছিলো না। কেননা তখনো ক্ষেত্ৰ শক্তি অৰ্জন কৱে নি, তাৱ রূপ স্থিৱ হয় নি। তবে তা নাড়ি দেয় সাধুৱীতিৱ শেকড়সুন্দ। সাধুৱীতি ক্ৰমেক্ৰমে আসতে থাকে চলতিৱ কৃষ্ণকাহি, বড়োবড়ো শব্দ বিদায় নিতে থাকে সাধুৱীতি থেকে। কিন্তু শৰীৱে বা রূপে সাধুৱীতিই থেকে যায়। তাৱ ক্ৰিয়ামাত্ৰই ‘কৱিয়াছিলেন’, ‘হইতেছিল’, সৰ্বনামমাত্ৰই ‘তাহাৱ’, ‘তাহাকে’, ‘তাহাদিগকে’, ‘আমাদিগেৱ’।

উনিশশতক ধ’ৱে মুখেমুখে, ও কিছুটা লেখায়, শক্তি, সৌষ্ঠব, মান আয়ত্ত কৱতে থাকে চলতি রীতিটি। এ-ৰীতিটিৱ ছিলো একটি স্বাভাৱিক সুবিধা। চলতি ভাষা মুখেৱ ভাষা, চলতি ভাষা লেখাৱ ভাষা। এটা নিৰ্বাক নয়, এটা নিৰক্ষৰ নয়। কথাও বলতে জানে, লিখতেও জানে। তাই তো তাৱ মধ্যে লুকিয়ে ছিলো জয়েৱ বীজ। বিদ্রোহীৱ কথনে পৱাজিত হয় না। বিদ্রোহী চলতি রীতিৱ জন্মেও অপেক্ষা ক'ৱে ছিলো অবধারিত জয়। বিশ্বশতকেৱ দ্বিতীয় দশকে, ১৯১৪ অদ্বে, প্ৰমথ চৌধুৱী দেখা দেন চলতি রীতিৱ প্ৰবক্তাৱল্পে। তিনি দাবি কৱেন যে বিদায় জানাতে হবে সাধুৱীতিকে, প্ৰতিষ্ঠিত কৱতে হবে চলতি রীতিকে, কথা ও লেখায়, সব এলাকায়। তাঁৱ বিদ্রোহ আলোড়ন আনে বাঙ্গলা ভাষাবাজো। এগিয়ে আসেন বাঙ্গলা ভাষার শ্ৰেষ্ঠ সত্তান ও পুৰুষ রবীন্দ্ৰনাথ ঠাকুৱ। তিনি চলতি রীতিতে লিখেছিলেন এৱ আগেও। কিন্তু বেশি লেখেন নি। উনিশশো চোদ থেকে রবীন্দ্ৰনাথ চলতি রীতিকেই মেনে নেন বাঙ্গলা ভাষাবল্পে। চলতি রীতি হয়ে ওঠে

কতো নদী সৱোৱৰ বা বাঙ্গলা ভাষার জীবনী ৯১

মানভাষা, বাঙ্গলা ভাষা। এগিয়ে আসেন অন্যরা। ধীরেধীরে বিদায় নিতে থাকে সাধুরীতি।

এখন তো সাধুরীতি যাপন করছে মরণোত্তর জীবন। রবীন্দ্রনাথ সাধু-চলতির কলহকে ব্যাখ্যা করেছিলেন রূপকথার রূপকে। বাঙ্গলা রূপকথায় এক রাজার দুই রানী, সুয়ো ও দুয়োরানীর ঝগড়া, খুব বিখ্যাত। রূপকথার শুরুতে সুয়োরানী রাজার প্রিয়তমা, তখন পীড়নে দৃঢ়খে দিন কাটে দুয়োরানী। রূপকথার শেষে দুয়োরানী হয়ে ওঠে প্রিয়তমা, বিদায় নেয় সুয়োরানী। রবীন্দ্রনাথ ভবিষ্যত্বানী করেছিলেন যে একদিন সুয়োরানী বিদায় নেবে, সিংহাসনে বসবে দুয়োরানী। তাঁর বাণী ফলে গেছে। বাঙ্গলা ভাষার দুয়োরানী, চলতি রীতি, এখন সিংহাসনে। সাধুরীতি ঘূর্মিয়ে আছে রবীন্দ্রকথিত ‘ঐতিহাসিক কবরস্থানে’। তবে তার কবরস্থান অবহেলায় মলিন নয়। তা এখন তীর্থের মতো। এখন চলতি বাঙ্গলাই মান বাঙ্গলা ভাষা। বাঙ্গলা ভাষা।

কোথায় বিরোধ সাধু আর চলতির? এক সময় মনে করা হতো যে তাদের বিরোধটা খুব বড়ো। সাধুরীতি হবে গুরুগম্ভীর শব্দে পরিপূর্ণ, তাতে শোনা যাবে সংকৃত গর্জন, লঘালম্বা ক্রিয়ান্তরণের নিমাদ। তা হবে মুখের ভাষা থেকে খুবই দূরের। আর চলতি রীতি হবে সরল সোজা মুখের ভাষা, যাতে থাকবে না জটিল কোনো ভাস্তু অর্থাৎ এদের মধ্যে থাকবে দুষ্টর দূরত্ব। একটি জীবন থেকে দূরেস্থকে; প্রকাশ করা হবে তাতে গুরুত্বপূর্ণ বক্তব্য। অন্যটি হবে জীবনেরভাষা; কিন্তু তাতে সহজ সরল সাধারণ কথা ছাড়া কিছু বলা যাবে না। এমন দেয়াল টেকার কথা নয়। যতোই দিন যেতে থাকে, চলতি বাঙ্গলায় প্রকাশ পেতে থাকে জীবনের সমস্ত কিছু। তাতে যেমন বলা যায় ‘কাছে এসো’, তেমনি বলা যায় ‘অসলংগ্র ভাবচ্ছবির অনিকাম সংঘট্ট’। এখন সাধু-চলতির মধ্যে পার্থক্য সামান্য। আছে উচ্চারণে কিছুটা ভিন্নতা, আছে শব্দগত কিছুটা পার্থক্য, আছে বাক্যগঠনে প্রায়-ধ্রা-যায়-না এমন ভিন্নতা। সাধু-চলতির প্রধান পার্থক্য ক্রিয়ারূপে আর সর্বনামে। যাইব, খাইব, করিব, চলিব সাধু। যাবো, খাবো, করবো, চলবো চলতি। তাহাকে, তাহাদিগের, যাহা সাধু। তাকে, তাদের, যা চলতি। এখন সাধু-চলতির বড়ো ব্যবধান এখানেই। তবে সাধু আর নেই। চলতি রীতি শোষণ ক'রে নিয়েছে তার সব শক্তি। ক্রিয়ারূপ আর সর্বনামের রূপ ঠিক রেখে যাই বলা আর লেখা হোক, তাই চলতি ভাষা। সাধুরীতি আজ মৃত।

## অভিধানের ইতিকথা

অভিধান বা শব্দকোষ। খুব মোটা একটি বই, জায়গা জুড়ে থাকে অনেকখানি। বইটিতে কোনো গল্প থাকে না, ছড়া থাকে না। থাকে শব্দের পর শব্দ; বর্ণনাক্রমিকভাবে সাজানো। প্রথমে থাকে 'অ' দিয়ে যে-সব শব্দ শুরু, সেগুলো; তারপর 'আ' দিয়ে যে-সব শব্দ শুরু, তারপর 'ই' দিয়ে শুরু। এভাবে বর্ণের ক্রম অনুসারে সাজানো থাকে শব্দ অভিধান। যে-গ্রন্থে শব্দের নাম, সংজ্ঞা বা উপাধি অর্থাৎ অভিধান অর্থাৎ অর্থ ব্যাখ্যা করা হয়, তার নাম অভিধান। অভিধানের অন্য নাম প্রদর্শকোষ। অর্থাৎ শব্দের ভাষার। অভিধানে সংকলিত হয় ভাষার শব্দসমষ্টি। সব শব্দ কি থাকে? থাকে না। তবে বিপুল পরিমাণ শব্দ সংকলিত থাকে অভিধানে। অভিধান ব্যবহার করি আমরা প্রধানত শব্দের অর্থ-জ্ঞানার জন্যে। তবে শব্দের বানান, উচ্চারণ, শব্দটি এসেছে কোথা থেকে ইত্যাদি জ্ঞানার জন্যেও ব্যবহার করি অভিধান। কারো কারো মনে হয় শব্দের বানান ও অর্থ সম্পর্কে শেষকথা লেখা আছে অভিধানে। অভিধান জানিয়ে দেয় শব্দের শুন্দ রূপ কী, শুন্দ বানান কী, শুন্দ অর্থ কী। অভিধান মানেই হচ্ছে শুন্দতা আর শুন্দতা। প্রথিবীর সব শুন্দত্বপূর্ণ ভাষারই অভিধান বা শব্দকোষ আছে। আছে বাঙ্গলা ভাষারও।

আদি ও মধ্য যুগে সংকলিত হয় নি বাঙ্গলা ভাষার কোনো অভিধান। দরকার পড়ে নি বাঙ্গলির; দরকার পড়ে নি বাঙ্গলার কবিদের। তখন বাঙ্গলা ভাষার মানুরূপ স্থির হয় নি, কোনো আগ্রহ-উৎসাহ দেখা দেয় নি মানুরূপ স্থির করার। কোনো জাতি যখন তার ভাষার মানুরূপ স্থির করতে উৎসাহী হয়, তখনি তার আগ্রহ জাগে অভিধান সংকলনের। ভাষার মানুরূপ স্থির করার জন্যে প্রথমে দরকার হয় শব্দগুলোর রূপ ঠিক করা, তাদের বানান ঠিক করা, অর্থ ঠিক করা। এ-কাজ করা সম্ভব অভিধানের সাহায্যে।

কতো নদী সরোবর বা বাঙ্গলা ভাষার জীবনী ৯৩

ইতালীয়রা, ফরাশিরা এ-কাজ করেছিলো একাডেমি প্রতিষ্ঠা ক'রে; আর ইংল্যান্ডে একজন ব্যক্তিই একটি শুরুত্বপূর্ণ অভিধান সংকলন ক'রে অনেকখানি স্থির ক'রে দিয়েছিলেন ইংরেজি ভাষার মানরূপ।

আঠারোশতকেও বাঙ্গলি কোনো প্রয়োজনবোধ করে নি আপন ভাষার মানরূপ স্থির করার। তাই অভিধানেরও কোনো প্রয়োজন বোধ হয় নি বাঙ্গলি জাতির। আঠারোশতকের তৃতীয় দশকে একজন বিদেশি—পর্তুগিজ—ধর্ম্যাজক ঢাকা জেলার ভাওয়ালে প্রচার করেছিলেন জেসাসের ধর্ম। তিনি দরকার বোধ করেন একটি অভিধানের। বাঙ্গলা তো তাঁর মাতৃভাষা ছিলো না যে তিনি মন থেকেই পাবেন এক একটি শব্দ ও বানান ও অর্থ। তিনি নিজের ও তাঁর শ্রেণীর ধর্ম্যাজকদের জন্যে সংকলন করেন একটি অভিধান। ওই ধর্ম্যাজকের নাম মনোএল দা আসসুম্পসাউ। তাঁর অভিধানের নাম “ভোকাবুলারিও এম ইদিওমা বেনগল্লা, ই পর্তুগিজ”। এটি একটি বিভাষিক অভিধান। এটির প্রথম অংশে দেয়া হয়েছে বাঙ্গলা শব্দের পর্তুগিজ প্রতিশব্দ; আর দ্বিতীয় অংশে দেয়া হয়েছে পর্তুগিজ শব্দের বাঙ্গলা প্রতিশব্দ। পাদ্রি আসসুম্পসাউর অভিধান মিসেন শহরে প্রকাশিত হয় ১৭৪৩ খ্রিস্টাব্দে। এটিই বাঙ্গলা ভাষার প্রথম অভিধান। আসসুম্পসাউ বাঙ্গলা ভাষার প্রথম অভিধানপ্রণেতা। তাই অমর হয়ে আছেন এ-পাদ্রি বাঙ্গলায়। তিনি শুধু অভিধান সংকলন করেন নি, অভিধানের সাথে জড়িয়ে দিয়েছিলেন একটি খণ্ডিত ব্যক্তিরূপ। তাই আসসুম্পসাউ বাঙ্গলা ভাষার প্রথম অভিধানপ্রণেতা, ও প্রথম ব্যক্তিরণচার্যিতা। পর্তুগালে তাঁর নাম মুছে গেছে; কোনো স্বর্গ নেই ব'লে সেখানেও বিরাজিত দেখা যাবে না দূর দেশের এ-পাদ্রিকে। কিন্তু বাঙ্গলা ভাষা তাঁকে স্মরণে রাখবে।

বাঙ্গলা ভাষার মানরূপ প্রতিষ্ঠার কোনো লক্ষ্য ছিলো না আসসুম্পসাউর। ভাওয়ালের যে-দরিদ্রের দরোজায় তিনি পৌছে দিচ্ছিলেন তাঁর করুণাময়ের করুণ শহীদ পুত্রকে, তাদের দরজা থেকে আসসুম্পসাউ সংগ্রহ করেছিলেন আঞ্চলিক সমাজের দৈনন্দিন শব্দ। লিপিবদ্ধ করেছিলেন ওইসব শব্দ রোমান অক্ষরে। তাই আঞ্চলিক শব্দে পূর্ণ তাঁর অভিধান। ‘আকল’, ‘বাদাম’, ‘আলিয়া’, ‘আলগুছি’, ‘চামচারা’, ‘আটকল’, ‘আষ্ট’, ‘আজৈন’, ‘বাও’ প্রভৃতির মতো শব্দে ভ'রে আছে ওই অভিধান। তাঁর অভিধানটি বিশেষ প্রচারিত হয় নি। সেটি একটি গোপন গহ্নের মতো থেকে গিয়েছিলো পর্তুগিজ ধর্ম্যাজকদের মধ্যে। তাই এটি বাঙ্গলা ভাষার বিকাশে কোনো ভূমিকা পালন করে নি।

এর পর ইংরেজরা দেখা দেন অভিধানপ্রণেতারূপে। আঠারোশতকের শেষ দশকে। তারা বাঙ্গলা ভাষার উন্নতি সাধন আর বিকাশ ঘটানোর জনোই রচনা করেন অভিধান। তাঁদের বিশ্বাস ছিলো বাঙ্গলা ভাষা সংস্কৃত ভাষার আধুনিক রূপ; আর ভারতের সব ভাষার মধ্যে বাঙ্গলাই শ্রেষ্ঠ। তাঁরা সিদ্ধান্তে পৌছে গিয়েছিলেন যে বাঙ্গলা ভাষাকে উন্নত ভাষায় পরিণত করতে হ'লে উদারভাবে শব্দ খুণ করতে হবে সংস্কৃত থেকে। অভিধানে তাঁরা সংকলন করেছেন প্রচুর পরিমাণে আটপৌরে শব্দ; কিন্তু সংস্কৃত শব্দ সংকলন করেছিলেন এতো বিপুল পরিমাণে যে তাদের ভেতর যেনো লুণ হয়ে গিয়েছিলো দৈনন্দিন শব্দরাশি। তাঁরা অনেক শব্দের তুল রূপকে শুন্ধ রূপ মনে করেছিলেন, অনেক শব্দের দিয়েছিলেন ভুল অর্থ। কিন্তু তা তাঁদের কৃতিত্বের তুলনায় সামান্য। তাঁরাই প্রথম স্থির করতে উদ্যোগী হন বাঙ্গলা শব্দের বানান, অর্থ নির্দেশ করার চেষ্টা করেন প্রাণপণে, আর সংস্কৃত থেকে ধার ক'রে বিপুল পরিমাণে বাড়িয়ে দেন বাঙ্গলা শব্দের ভাগুর। তাঁদের পরে যখন দেশি পণ্ডিতেরা বাঙ্গলা ভাষার অভিধান সংকলনে উদ্যোগী হন, তখন বহুগুণে বেড়ে যায় সংস্কৃত শব্দ। মনে হয় তাঁরা যেনো বাঙ্গলা ভাষার অভিধান সংকলন করতে ব'সে রচনা করেছিলেন সংস্কৃত ভাষার অভিধান। তাঁদের বহু শব্দ হয়তো কখনোই কেউ ব্যবহার করে নি; কিন্তু প্রচুর পরিমাণ শব্দ পত্রপত্রিকায়, সাহিত্যে ও চিকিৎসাবিজ্ঞানে রচনায় ব্যবহৃত হয়ে গৃহীত হয়ে যায়। আঠারোশতকের ইংরেজি ও উনিশশতকের প্রথমদিকের অভিধানপ্রণেতারা সচেতনভাবে পালন করেন বাঙ্গলা ভাষার মানুষপুর পরিকল্পনাকারীর ভূমিকা। তাঁদের ওই প্রচেষ্টা ছাড়া বাঙ্গলা ভাষার বিকাশ এতো দ্রুত ঘটতো না।

‘ইংরাজ ও বাঙালি লোকের সিখিবার কারণ এক বহি’ বেরোয় ১৭৯৩ অন্দে। ‘বহি’টির নাম ইঞ্জিনেরি ও বাঙালি বোকেবিলরি। এটি একটি বাঙ্গলা-ইংরেজি শব্দকোষ বা অভিধান। অভিধানটির সংকলকের নাম মুদ্রিত হয় নি অভিধানে; মুদ্রিত হয়েছে প্রকাশকের নাম। কলকাতা থেকে প্রকাশ করেছিলেন আপজন সাহেবে। এটিকেই ধরতে পারি বাঙ্গলা ভাষার প্রথম পরিকল্পিত অভিধান ব'লে। এর কয়েক বছর পর, ১৭৯৯ ও ১৮০২ অন্দে, দু-খণ্ডে, বেরোয় বাঙ্গলা ভাষার প্রথম উচ্চাশী অভিধান। সংকলক ছিলেন হেনরি পিটস ফরস্টার। দু-খণ্ডের বিশাল অভিধান এটি। প্রথম খণ্ডটি ইংরেজি-বাঙ্গলা, আর দ্বিতীয় খণ্ডটি বাঙ্গলা-ইংরেজি অভিধান। ফরস্টার উচ্চাশী ছিলেন; ভালোবেসেছিলেন বাঙ্গলা ভাষাকে। তাঁর ইচ্ছে ছিলো বাঙ্গলা ভাষাকে বিকশিত করার। প্রচুর পরিশ্রম করেছিলেন হেনরি পিটস

কতো মনী সরোবর বা বাঙ্গলা ভাষার জীবনী ৯৫

ফরস্টার। তাঁর অভিধানের আকার, অক্ষরের রূপ দেখলেই বিশ্মিত হ'তে হয়। ইংরেজি-বাঙ্গলা অংশে তিনি একেকটি ইংরেজি শব্দ নিয়েছিলেন, আর একের পর এক দিয়েছেন তাঁর বাঙ্গলা প্রতিশব্দ। নির্দেশ করেছেন উচ্চারণ। বানানও অনেকটা স্থির করেছেন তিনি। কিছুকিছু প্রতিশব্দ হয়তো ভুল হয়েছিলো তাঁর; কোনোকোনো ক্ষেত্রে তিনি বিশুদ্ধ মার্জিত শব্দের পাশাপাশি বসিয়েছেন তথাকথিত অমার্জিত শব্দ। খুব শিউরে উঠতে হয় তাঁর অভিধান পড়ার সময়; তাতে মুখোযুথি হই এমন সব শব্দের, যাদের মুখোযুথি হওয়া এক চমৎকার অভিজ্ঞতা।

উইলিয়ম কেরি। স্মরণীয় তিনি বাঙ্গলা গদ্যের ইতিহাসে, অবিস্মরণীয় বাঙ্গলা অভিধানের ইতিকথায়। ফরস্টারের পর দেড় দশকের মধ্যে যখন বেরোয় উইলিয়ম কেরির বিশাল অভিধান, তখন নিচয়ই বাঙ্গলা ভাষা তাঁর দিকে তাকিয়েছিলো মুঝে, বিশ্মিত, কৃতজ্ঞ চোখে। কেরির অভিধানের নাম এ ডিকশনারি অফ দি বেঙ্গলি ল্যাপ্লেজেজ, ইন হাইচ দি ওয়ার্ডস আর ট্রেসড টু দেয়ার অরিজিন, আজ্ঞাত দেয়ার ভেরিয়াস মিনিংস গিভেন। এর প্রথম খণ্ড বেরোয় ১৮১৫-তে; দশ বছর পর ১৮২৫-এ বেরোয় দ্বিতীয় খণ্ড। কেরির অভিধান অনেক বেশি সুন্দর ও সুশৃঙ্খল ফরস্টারের অভিধানের চেয়ে। শব্দের পরিমাণও অনেক বেশি, বিচ্যুতিশূন্য অনেক কম। তিনি প্রায় স্থির ক'রে ফেলেন অধিকাংশ বাঙ্গলা শব্দের সংস্কৃতানুসারী বানান। সে-কালের প্রধান গদ্যলেখকদের বানানে যে-অস্থিরতা দেখা যায়, তা নেই এ-অভিধানে। কেরি বহু শব্দগুলি নিয়েছেন সংস্কৃত অভিধান থেকে, বহু শব্দ নিয়েছেন বাস্তব জীবন থেকে, এবং নিজে তৈরি করেছেন প্রচুর শব্দ। এমন অনেক শব্দ পাই তাঁর অভিধানে যা অভিধানে জায়গা পাওয়ার যোগ্য নয়, কেননা সেগুলো ব্যাকরণের সূত্র দিয়েই তৈরি করা যায়। কেরির অভিধান বেশ সুস্থিত ক'রে দেয় বহু বাঙ্গলা শব্দের রূপ ও বানান; এবং আধুনিক বাঙ্গলা মানবাধ্যার বিকাশে পালন করে শুরুত্বপূর্ণ ভূমিকা। কেরি যদি বাঙালি হতেন, তাহলে প্রভাব বিস্তার করতে পারতেন আরো বেশি। মহিমা পেতেন বাঙ্গলা ভাষার প্রধান অভিধানপ্রণেতার। তাঁকে বলতাম বাঙ্গলা অভিধানের জনসন।

উনিশশতক ছিলো অভিধানের শতাব্দী। দশকেদশকে বেরিয়েছে দ্বিভাষিক ও একভাষিক অভিধান; এবং বহুভাষিক অভিধানও বেরিয়েছে কয়েকটি। এসব অভিধান আনুশাসনিক; অর্থাৎ এগুলোর উদ্দেশ্য ছিলো বাঙ্গলা শব্দের শুল্ক রূপ, বানান, অর্থ প্রভৃতি নির্দেশ করা। উনিশশতকে যখন গদ্য বিকশিত হচ্ছিলো রচনায় রচনায়, বাঙ্গলা ভাষা অর্জন করছিলো

মানরূপ, তখন এ-সমস্ত অভিধান সরাসরি সাহায্য করেছে বাঙ্গলা ভাষার মানরূপ সুস্থিতিতে। কেরির পরে দুটি বিশাল অভিধান সংকলন করেছিলেন চার্লস গ্রেভস হটেন ও রামকমল সেন। হটেনের “এ ডিকশনারি, বেঙ্গলি অ্যান্ড স্যানসক্রিট” বেরিয়েছিলো ১৮৩৩-এ। রামকমল সেনের “এ ডিকশনারি ইন ইংলিশ অ্যান্ড বেঙ্গলি” বেরিয়েছিলো ১৮৩৪-এ। উনিশশতকে আর যাঁরা উল্লেখযোগ্য অভিধান প্রণয়ন করেছিলেন, তাঁরা হলেন পীতাম্বর মুখোপাধ্যায় (১৮০৯), জন মেনডিস (১৮২২), জগন্নাথপ্রসাদ মল্লিক (১৮৩১), মথুরানাথ তর্করাত্মক (১৮৬৩)। বিশশতকে দুটি গুরুত্বপূর্ণ অভিধান সংকলন করেন জ্ঞানেন্দ্রমোহন দাস ও হরিচরণ বন্দ্যোপাধ্যায়। তবে উনিশশতকে বিভিন্ন অভিধান যে-ভূমিকা পালন করে বাঙ্গলা ভাষার বিকাশে বিশশতকে তা পালন করে নি কোনো অভিধান। উনিশশতকে অভিধান ও বাঙ্গলা ভাষার বিকাশ ছিলো ঘনিষ্ঠ ব্যাপার। বিশশতকে আর তা নেই। একটি অবিকশিত ভাষাকে অভিধান যতোটা নিয়ন্ত্রণ করতে পারে বিকশিত ভাষাকে ততোটা পারে না।

AMARBOI.COM

## ব্যাকরণের কথা

শুন্দতার ধারণাটি প্রাণের মতো বিরাজ করে একটি গ্রহে। ওই গ্রহকে বলা হয় ব্যাকরণ। ব্যাকরণ বইয়ের পাতায় পাতায় একটা স্বর যেনো অবিরাম ব'লে যেতে থাকে এটা শুন্দ, ওটা শুন্দ, সেটা শুন্দ; আর এটা অশুন্দ, ওটা অশুন্দ, সেটা অশুন্দ। চাই শুধু শুন্দতা। ব্যাকরণের প্রতিটি পৃষ্ঠা, প্রতিটি সূত্র শ্লোগানের মতো বলে এ-কথা। ব্যাকরণের উৎপত্তিই ঘটেছিলো ভাষার কোন শব্দটি শুন্দ আর কোনটি অশুন্দ, তা মিসেশ করার জন্যে। কোনো একটি জাতি যখন নিজের ভাষার মানুরূপ স্থির করতে চায়, দ্রু করতে চায় ভাষার নানা রকম বিশৃঙ্খলা, তখন তাদের মধ্যে উৎসাহ দেখা দেয় ব্যাকরণ রচনার। এমন উৎসাহ দেখা গিয়েছিলো প্রাচীন গ্রিসে, পুরোনো ভারতে, আঠারোশতকের ইংল্যান্ডে। ব্যাকরণবিদেরা খুজেখুজে বের করেন মানা সূত্র, বহু নিয়ম। ভাষার কিছুকিছু ব্যাপারকে তাঁরা ঘোষণা করেন অশুন্দ ব'লে। অন্যরা মেনে নেয় ব্যাকরণরচয়িতার অনুশাসন। তখন ভাষা পেতে থাকে স্থির সুস্থিত রূপ। যে-ব্যাকরণ ভাষার নিয়মকানুনসূত্র স্থির ক'রে দেয়, শুন্দ প্রয়োগের বিধান দেয়, তাকে বলা হয় ‘আনুশাসনিক ব্যাকরণ’। এর অন্য নাম ‘প্রথাগত ব্যাকরণ’। আধুনিক কালে অবশ্য জন্ম নিয়েছে নতুন এক ধরনের ব্যাকরণ, যা শুন্দতা-অশুন্দতা সম্পর্কে বলে না কিছু; শুধু বর্ণনা করে, কেবল ব্যাখ্যা করে। কিন্তু প্রথাগত ব্যাকরণের জন্ম হয়েছিলো ভাষার শুন্দ প্রয়োগ শেখানোর উদ্দেশ্যে। ভারতবর্ষ খুব বিখ্যাত ব্যাকরণের জন্যে। এ-অঞ্চল পরিপূর্ণ পাণিনিতে আর পতঞ্জলিতে। কিন্তু আদিযুগে আর মধ্যযুগে কোনো বাঙালি বোধ করে নি বাঙলা ভাষার ব্যাকরণ রচনার উৎসাহ। ব্যাকরণবিদেরা সব ব্যস্ত ছিলেন সংকৃত ব্যাকরণ নিয়ে।

বাঙলা ভাষার বিকাশ ঘটানোর কোনো আগ্রহ ছিলো না পান্তি মানো এল দা আসসুস্পসাঁউর। তাঁর আগ্রহ ছিলো জেসাসের ধর্ম প্রচারে। তবুও তিনিই

হলেন বাঙ্গলা ভাষার প্রথম ব্যাকরণরচয়িতা। ১৭৪৩ অন্দে পর্তুগালের লিসবন শহরে বেরিয়েছিলো তাঁর যে-অভিধানটি, তাতে পাণ্ডি আসসুস্পস্সাউ জুড়ে দিয়েছিলেন একখানি সংক্ষিপ্ত, খণ্ডিত, বাঙ্গলা ব্যাকরণ। ব্যাকরণটি সংক্ষিপ্ত, খণ্ডিত, অপরিকল্পিত। আসসুস্পস্সাউর অভিধান-ব্যাকরণ ছিলো খুবই লাজুক; চেথের আড়ালে গোপনে থেকে গেছে আঠারো আর উনিশ শতক। তাই তা কোনো উপকারে আসে নি বাঙালি ও বাঙ্গলা ভাষার। কিন্তু তা খুব উপকার করেছে রচয়িতার। এ-যুগল গ্রন্থ রচয়িতার জন্যে মরলোকে এনে দিয়েছে অমরতা।

১৭৭৮। ন্যাথানিয়েল ব্রাসি হ্যালহেড। বাঙ্গলা ব্যাকরণ। ঢালাই করা বাঙ্গলা বর্ণমালা। ঢারটি ব্যাপার—অব্দ, ব্যক্তি, ভাষা, মুদ্রণ—একসাথে দেখা দিয়েছিলো বাঙ্গলা ভাষার জীবনে। ওই বছর ইংরেজ হ্যালহেড প্রকাশ করেন বাঙ্গলা ভাষার প্রথম ব্যাপক ও পরিকল্পিত ব্যাকরণপুস্তক। হগলি থেকে বেরিয়েছিলো তাঁর বিখ্যাত ব্যাকরণ এ গ্রামার অফ দি বেঙ্গল ল্যাঙ্গুয়েজ। ১৭৭৮ অন্দে। সব দিক থেকেই চমৎকার বই হ্যালহেডের ব্যাকরণটি। ছাপা ঝকঝকে, অক্ষরগুলো সৃষ্টী মুন্দর। এ-ব্যাকরণের জন্মেই প্রথম ধাতুতে ঢালাই হয় বাঙ্গলা বর্ণমালা। বাঙ্গলা ভাষা ঢালাই করা অক্ষরে মুদ্রাযন্ত্রস্থ হয় এ-ব্যাকরণেই সর্বপ্রথম হ্যালহেডের বাঙ্গলা ভাষার ব্যাকরণ অতি-উল্লেখযোগ্য হয়ে আছে বাঙ্গলা ব্যাকরণ ও মুদ্রণের ইতিহাসে। ব্যাকরণরচয়িতা হিশেবেও চূম্বকৃত ছিলেন হ্যালহেড। ভালোবেসেছিলেন তিনি বাঙ্গলা ভাষাকে; বাসন্ত ছিলো তাঁর বাঙ্গলা ভাষাকে একটি বিকশিত ভাষায় পরিগত করার। হ্যালহেড বাঙ্গলা ভাষার প্রথম প্রথাগত ব্যাকরণবিদ, যিনি কিছু নিয়ম স্থির ক'রে দিতে চেয়েছিলেন বাঙ্গলা ভাষার। হ্যালহেড থেকেই সূচনা ঘটে ধারাবাহিক ব্যাকরণ রচনার; প্রথমে ইংরেজি ভাষায়, পরে বাঙ্গলা ভাষায়।

বাঙ্গলা ভাষার আদি ব্যাকরণপ্রণেতারা বিদেশি ও বিভাষী। তাঁরা লাতিন ও ইংরেজি ব্যাকরণের আদলে রচনা করেন বাঙ্গলা ব্যাকরণ। তারপর আসেন সংস্কৃত পণ্ডিতরা। তাঁরা বাঙ্গলা ভাষাকে সংস্কৃতের দুষ্ট মেয়ে ভেবে তাকে সংপথে আনার জন্যে সংস্কৃত ব্যাকরণের কাঠামোতে রচনা করতে থাকেন বাঙ্গলা ব্যাকরণ। আর বাঙ্গলা ভাষা, তার স্বভাব অনেকটা সোনার মতো, কখনো এদিকে কখনো ওদিকে বেঁকে না-ভেঙে লাভ করতে থাকে নিজের চরিত্র। উনিশশতকের প্রথাগত ব্যাকরণরচয়িতারা অনেক নিয়ম স্থির ক'রে দিয়েছিলেন বাঙ্গলা ভাষার। তার কিছুটা মেনেছে বাঙ্গলা ভাষা, মানে নি কিছুটা। এগিয়েছে সামনের দিকে। তারপর উনিশশতকের শেষ দশকে

কতো নদী সরোবর বা বাঙ্গলা ভাষার জীবনী ৯৯

দেখা দেন একদল ব্যাকরণবিদ : দ্বিজেন্দ্রনাথ ঠাকুর, রবীন্দ্রনাথ ঠাকুর, রামেন্দ্রসুন্দর প্রিবেদী, হরপ্রসাদ শাস্ত্রী এবং আরো অনেকে। তাঁরা বাঙলা ভাষাকে দেখতে চান বাঙলা হিশেবেই, সংকৃতরূপে নয়। তাঁরা খুঁজে বের করেন বাঙলা ভাষার বহু একান্ত আপন বৈশিষ্ট্য।

হ্যালহেডের পর একটি ধারা সৃষ্টি হয়ে গিয়েছিলো বাঙলা ব্যাকরণ রচনার। উনিশশতকের শুরুতেই বেরোয় উইলিয়ম কেরিব ব্যাকরণ এ গ্রামার অফ দি বেঙ্গল ল্যাঙ্গুয়েজ। তিনি আর হ্যালহেডের মতো বাঙলাকে ‘বেঙ্গল ল্যাঙ্গুয়েজ’ বলেন নি, বলেছেন, ‘বেঙ্গলি ল্যাঙ্গুয়েজ’। তারপর ইংরেজিতে বাঙলা ব্যাকরণ লেখেন গঙ্গাকিশোর ভট্টাচার্য (১৮১৬), জেমস কিথ (১৮২১), রামমোহন রায় (১৮২৬)। বাঙলা ভাষায় যে-বাঙালি প্রথম বাঙলা ব্যাকরণ রচনা করেন, তাঁর নাম রামমোহন রায়। রামমোহন রায়ের মৃত্যুর পর ১৮৩৩ অন্দে প্রকাশিত হয় তাঁর “গৌড়ীয় ব্যাকরণ”। উনিশশতকে আরো অনেকে লিখেছিলেন বাঙলা ব্যাকরণ। তাঁদের মধ্যে আছেন শ্যামাচরণ গাঙ্গুলি, যদুনাথ ভট্টাচার্য, শ্যামাচরণ সরকার, ব্রজনাথ বিদ্যালঞ্চার, নিত্যানন্দ চক্রবর্তী, নীলমণি মুখোপাধ্যায়, প্রসন্নচন্দ্র বিদ্যারত্ন, নকুলেশ্বর বিদ্যাতৃষ্ণণ, এবং আরো অনেকে। তাঁদের ব্যাকরণ ছিলো ছাত্রপাঠ্য : ইংরেজদের ও বাঙালি কিশোরকুতুরণ ছাত্রদের বাঙলা শেখানোর জন্যেই রচিত এগুলো। অটিও আছে অনেক। তবু এ-ব্যাকরণরাশি নানাভাবে সাহায্য করেছিলো বাঙলা ভাষার মানুকুপ সুস্থিতিতে।

## যে সব বঙ্গেত জন্মি

বাঙালি মুসলমানেরা একটি শ্রেণী কয়েক শো বছর ধুরে ভুগেছে, এমনকি এখনো ভুগছে, একটি দুষ্ট রোগে। এতো বেশি দিন ধুরে রোগে ভোগার ইতিহাস পৃথিবীতে বেশি নেই। ওই শ্রেণীটি মোটামুটিভাবে সমাজের ওপরের শ্রেণীর। দালাল, সুবিধাবাদী, স্বার্থপরায়ণ, দেশের সাধারণ মানুষ থেকে বিচ্ছিন্ন কিছু মানুষে গঢ়ে উঠেছিলো বাঙালি মুসলমানের ওই শ্রেণীটি। তারা যে-রোগে ভুগেছে, সে-রোগের সাম দিতে পারি ‘নিজেদের-সম্পর্কে-ভুল-ধারণা’। আত্মসম্মত অস্মৃত বাঙালি মুসলমান। বাঙালি মুসলমান বাঙালি, এ-দেশেরই মানুষ তারা। তারা ঘোড়া ছুটিয়ে, তলোয়ার ঘুরিয়ে, মারমার কাটকাট শব্দ করে কোনো রোদে-পোড়া মরুভূমি থেকে আসে নি। মাতাপিতামহক্রমে স্তোদের বঙ্গেত বসতি। বাঙলার পলিমাটিতেই তাদের জন্ম। বাঙলার গাছের ছায়া, আকাশের মেঘ, সবুজ সোনালি ধানের খেতের স্নেহআদরেই লালিত তাদের জীবন চিরকাল। কিন্তু পলিমাটির এ-বন্ধিপে সব সময়ই আগাছার মতো উল্লাসে জন্ম নিয়েছে একগোত্র সুবিধাবাদী মানুষ। দালালি তাদের এনে দিতো শক্তি আর সম্পদ। সমাজের উচু শ্রেণীটিই সাধারণত ভরা থাকে কাতারে কাতারে দালাল আর সুবিধাবাদীতে। চিরকালই ছিলো, আজো আছে। ওই শ্রেণীটি বাঙলাকে মেনে নিতে পারে নি তাদের দেশ হিশেবে, মাত্তাষা হিশেবে মেনে নিতে পারে নি বাঙলাকে। বাঙলার পাতার কুটিরে শুয়ে তারা স্পন্দ দেখেছে ইরানতুরানের। মরুভূমি ভেসে উঠেছে চোখে। কখনো আরবিকে, কখনো ফারসিকে, আবার কখনো উর্দুকে মনে করেছে নিজেদের ভাষা বলে। ভুগেছে মানসিক অসুখে; আর নানাভাবে শক্তি করেছে বাঙলার সাথে।

বাঙলার সাথে বাঙালি মুসলমানের এ-শ্রেণীটির শক্তি শুরু হয়ে গিয়েছিলো মধ্যযুগেই। কিন্তু বিশাল বাঙালি মুসলমানেরা ভুলেও ভাবে নি

কতো নদী সরোবর বা বাঙলা ভাষার জীবনী ১০১

বাঙলা ছাড়া আর কোনো ভাষা আছে তাদের। এ-ভাষাতেই তো তারা প্রথম মাকে মা, বাবাকে বাবা (হায়, 'বাবা' শব্দটি বাঙলা নয়, তুর্কি!) বলেছে। সুখে উল্লাস প্রকাশ করছে বাঙলা ভাষায়, তাদের বেদনার কাতরতা নীল হয়ে বরেছে বাঙলা ভাষায়। কিন্তু উচ্চ শ্রেণীটি তাদের শেখাতে চায় অন্য কথা। এতে সতেরো শতকেই আগনের মতো জু'লে উঠেছিলেন একজন কবি। আবদুল হাকিম। নুরনামা কাব্যে তিনি তীব্র ভাষায় তিরঙ্গার করেছেন বাঙলা বিদ্যোদের :

যে সব বঙ্গেত জনি হিংসে বঙ্গবাণী ।  
সে সব কাহার জন্ম নির্ণয় ন জানিবা  
দেশী ভাষা বিদ্যা যার মনে ন জুয়ায় ।  
নিজ দেশ ত্যাগি কেন বিদেশ ন যায়া ।  
মাতাপিতামহক্রমে বঙ্গেত বসতি ।  
দেশী ভাষা উপদেশ মান হিত অতি॥

কী তীব্র তীক্ষ্ণ আক্রমণ শক্রদের প্রতি, আর মমতা আপন ভাষার প্রতি! উনিশশতকের দ্বিতীয় ভাগে এসে দেখুন্তায় 'যে সব বঙ্গেত জনি হিংসে বঙ্গবাণী', তারা শুধু মুসলমান নয়ে একগোত্র হিন্দুও যোগ দিয়েছে তাদের সাথে। মুসলমান বাঙালিরা শ্রেণী স্বপ্ন দেখতো আরবি ফারসি উর্দুর, পরে লেখাপড়া শিখে স্বপ্ন দেখতৈ শুরু করে ইংরেজিও। হিন্দু বাঙালির একটি শ্রেণী—শিক্ষিত, সুবিধাবাদী, পরগাছা শ্রেণীটি স্বপ্ন দেখতে শুরু করে ইংরেজির। তার ফলে আমাদের সমাজে সব সময়ই একটি শ্রেণী পাওয়া গেছে যারা কোনো বিদেশি ভাষার দাস। তারা ধনী, সুবিধাবাদী, দালাল। শোষণে আর শাসনে সব সময়ই উৎসাহী। এখনকার বাঙলাদেশে এ-শ্রেণীটির তৎপরতা চোখে পড়ে থুব। তারা বাঙলার সম্পদ অনেকটা লুট ক'রে বিলাসে জীবন কাটায়। বাঙলা ভাষাকে অবহেলা ক'রে দাস হয়ে থাকে ইংরেজির। দুটি সাম্রাজ্যবাদ বাঙলায় দুবার দালাল সৃষ্টি করেছে। মধ্যপ্রাচীয় সাম্রাজ্যবাদ সৃষ্টি করে একবার, বিলেতি সাম্রাজ্যবাদ সৃষ্টি করে আরেকবার। ওই সাম্রাজ্যবাদের দালালেরাই সব সময় নিজেদের প্রতিষ্ঠিত করেছে বাঙলা ও বাঙলা ভাষার শক্ররূপে। তারা বিদেশি ও বিদেশি ভাষার ভৃত্য।

বাঙলার সাথে বাঙালি মুসলমানের ওই শ্রেণীটির শক্রতা বেশ ক্ষতি করেছে বাঙালি মুসলমানের। অনেক শক্তি, অনেক রক্ত অপচয় হয়েছে কলহে, ক্রোধে; আর প্রতিবাদে আর সংঘর্ষে। ধীরেধীরে এ-সত্য প্রতিষ্ঠিত

হয়ে গেছে যে বাঙালির, বাঙালি মুসলমানের, ভাষা বাঙলা। সতাটা ছিলে; শুরু থেকেই, কিন্তু তা মেনে নিতে চলে যায় দীর্ঘ সময়। ওই কলহে বিশশতকের কয়েক দশক ধরে বাঙলাবিরোধী শ্রেণীটি উর্দুকে গণ্য করেছে তাদের ভাষা ব'লে। কিন্তু বাঙলাপন্থীরা নানাভাবে দেখিয়েছেন যে বাঙলাই বাঙালির ভাষা। বাঙালি মুসলমান বাঙালি। বাঙালির ভাষা বাঙলা। হামেদ আলি লিখেছিলেন :

আমাদের পূর্বপুরুষগণ আরব, পারস্য, আফগানিস্থান, অথবা তাতারের অধিবাসীই হউন আর এতদেশীয় হিন্দুই হউন, আমরা এক্ষণে বাঙালী, আমাদের মাতৃভাষা বাঙলা। তাহারা (বাঙলার শক্রা) বাঙলার বাঁশবন ও আন্তর্কাননের মধ্যস্থিত পর্যন্তুরো নিদ্রা যাইয়াও এখনও বোগদাদ, বোখারা, কাবুল, কান্দাহারের স্থপু দেখিয়া থাকেন। কেহ কেহ আবার বাঙলার পরিবর্তে উর্দুকে মাতৃভাষা করিবার মোহে বিভোর। দুর্বল বাক্তিরা যেমন অলোকিক স্থপু দর্শন করে, অধঃপত্তি জাতিও তেমনি অস্থাভাবিক খেয়াল আঁটিয়া থাকে।

বিশশতকের শুরুর দিকে (১৩১৬) স্মামাদের একটি শ্রেণীর অন্তর্ভুত পাগলামোর কথা বলেছিলেন হামেদ জালী। আর বিশশতকের মাঝামাঝি একটি অন্তর্ভুত দেশ, পাকিস্তান, আঁটুঁজামাভাবিক খেয়াল। বাতচলিশ থেকে একান্তর পর্যন্ত বাঙলাদেশ অন্তর্ভুত ছিলো অন্তর্ভুত পাকিস্তানের। বাঙালিকে, বাঙলাকে বিনষ্ট করাই ছিলো পাকিস্তানি শাসকদের উদ্দেশ্য।

পাকিস্তান ছিলো একটি মধ্যবুংগীয় প্রগতিবিরোধী দেশ। সেখানে ক্ষমতা দখল করতো দেশের অধিবাসীদের থেকে বিচ্ছিন্ন প্রতিক্রিয়াশীল মানুষেরা; আর বড়োবড়ো শরীরের সেনাপতিরা। অন্ত আর চক্রান্ত ছিলো সবচেয়ে বড়ো ব্যাপার পাকিস্তানে। পাকিস্তানের সিংহাসন যারা দখল করেছিলো, শুরু থেকেই তাদের মনে হয়েছিলো পাকিস্তান টিকিবে না। তাদের ভয় ছিলো বাঙালিদের। তাই শুরু থেকে পাকিস্তান চক্রান্ত করে বাঙলা ও বাঙালির বিরুদ্ধে। চারদিক থেকে পাকিস্তানি শাসকেরা আক্রমণ করে বাঙলা ভাষাকে। কখনো তারা বাঙলা ভাষার লিপি বদলাতে চায়। বাঙলা বর্ণমালার বদলে চাপিয়ে দিতে চায় ইংরেজি, আরবি অক্ষর। কখনো বানান সহজ করার নামে চক্রান্ত করে বাঙলার বিরুদ্ধে। কখনো বাঙলা ভাষাকে পৌত্রিক নাম দিয়ে বাঙালি মুসলমানকে বিমুখ ক'রে তুলতে চায়। এবং রাষ্ট্রভাষার নামে উর্দুকে চাপিয়ে দিতে চায় বাঙালির ওপর। বাঙালিরা যদি প্রহণ করতো উর্দুকে, মেনে নিতো পাকিস্তানি চাপ, তাহলে বাঙলা ভাষা এগোতো অবলুপ্তির দিকে। কিন্তু বাঙালি তা হ'তে দেয় নি।

পাকিস্তানের জন্মের এক মাস আগেই স্পষ্টভাবে প্রকাশ পায় বাংলার বিরুদ্ধে পাকিস্তানি ষড়যন্ত্র। আলিগড় বিশ্ববিদ্যালয়ের উপাচার্য প্রস্তাব করে যে পাকিস্তানের রাষ্ট্রভাষা হবে উর্দু। এতেই সূচনা ঘটে একটি আন্দোলনের। ওই আন্দোলনের প্রথম বড়ো পরিণতি উনিশশো বায়ান্নোর বিদ্রোহ; এবং পরম পরিণতি একাত্তরের স্বাধীনতা। সাতচলিশে ভারত ভেঙে দুটি দেশের উন্নতি ঘটে। তার একটি পাকিস্তান। পাকিস্তানে যার প্রতাপ ছিলো নিরসুশ, তার নাম মুহম্মদ আলি জিন্না। জিন্নাই পাকিস্তানে প্রথম বাংলার সাথে শক্রতা শুরু করে। আর তাকে অনুসরণ করে অন্যরা। পাকিস্তানের শুরু থেকেই আন্দোলন শুরু হয়ে যায় বাংলার পক্ষে, বাংলাদেশে। ১৯৪৮-এ জিন্না ঢাকা এসে ঘোষণা করে যে 'পাকিস্তানের রাষ্ট্রভাষা হবে উর্দু, অন্য কোনো ভাষা নয়'। প্রতিবাদ করে ঢাকা বিশ্ববিদ্যালয়ের ছাত্ররা। তারা দাবি করে পাকিস্তানের অন্যতম রাষ্ট্রভাষা হিশেবে বাংলাকে স্বীকৃতি দেয়ার।

একটি জাতির ভাষা শুধু পরম্পরের সাথে কথা বলার মাধ্যম নয়। ভাষা জড়িত তার অস্তিত্বের সাথে। ওই ভাষাটিকে কেড়ে নিলে বা পর্যন্ত করা হ'লে জাতিটির অস্তিত্ব বিনাশের মুক্তিসূর্য হয়। পাকিস্তানের শুরুতে বাংলির অবস্থাও হয়েছিলো অমন। তাই তাদের প্রতিবাদ করতে হয়েছে, গ'ড়ে তুলতে হয়েছে আন্দোলন। আন্দোলনে ছাত্রাই নেয় সক্রিয় ভূমিকা। বাংলা ভাষার লেখকেরাই কাজ করেন আন্দোলনের মূলে। তাঁরা দেখিয়ে দেন বাংলা রাষ্ট্রভাষামা হ'লে কীভাবে পর্যন্ত হয়ে যাবে বাংলি। তাঁদের বাণী গ্রহণ ক'রে প্রতিরোধে উদ্যোগ হয় ছাত্ররা ও অন্যরা।

তবে বাংলার সাথে চক্রান্ত করেছে বহু বাংলি। যাজা নাজিমুদ্দিন, নূরুল আমিন, ফজলুর রহমান নানাভাবে বাংলার বিরুদ্ধে কাজ করে। এবং ১৯৫২-র ৮ই ফাল্গুনে, ২১-এ ফেব্রুয়ারিতে, বৃহস্পতিবারে, ঢাকার রাজপথে ঝ'রে পড়ে ছাত্রদের রক্ত। তাদের অপরাধ তারা বাংলাকে অন্যতম রাষ্ট্রভাষা হিশেবে চেয়েছিলো। রক্তে লাল হয়ে ওঠে বাংলাদেশ। সেদিনই বোৰা যায় পৃথিবীতে একটি নতুন স্বাধীন দেশের জন্ম আসন্ন। উনিশ বছর পরই জন্ম নেয় সে-দেশটি। বাংলাদেশই সে-অন্য দেশ পৃথিবীর, যার জন্মের মূলে কাজ করেছে ভাষা। আছে আরো একটি বিশ্য়কর ব্যাপার। বাংলাদেশই সম্ভবত একমাত্র দেশ, যার নাম ভাষার নামে। বাংলা-দেশ। ভাষা বাংলা, দেশও বাংলা। পৃথিবীর একটিমাত্র দেশের রাষ্ট্রভাষা বাংলা। সেটা এই দুঃখিনী নষ্টভূষ্ট অপরাজেয় বাংলাদেশ।

## বাঙ্গলা ভাষা : তোমার মুখের দিকে

তোমার মুখের দিকে আমি সব সময়ই তাকিয়ে আছি ।

যখন জেগে থাকি তখন তোমার দিকে স্থির ক'রে রাখি চোখ । স্থির ক'রে রাখি অস্তিত্ব ।

যখন ঘুমোই তখন তোমার দিকে ধ'রে রাখি দুটি চোখ । স্থির ক'রে রাখি বপ্ন ।

তুমি আর আমি একই গোত্রের । শ্যামলী রূপসী ।

শাইশাই চাবুকের শব্দ শুনি । চাবুকের শাইশাই শব্দে গান হয়ে বেজে উঠছে এক হাজার একশো বছর ।

শুধু চাবুকের শব্দ শুনি ।

শেকলে বাঁধা উদ্ধত দুর্বিনীত প্রাকৃত মানব । বনবান ক'রে ওঠে অজগরের মতো তরেন্তরে শেকল আর শেকল আর শেকল ।

শেকলের শব্দে অর্কেস্ট্রার মতো বেজে ওঠে এক হাজার একশো বছর ।

শুধু শেকলের শব্দ শুনি ।

তুমি আর আমি সে-গোত্রের যারা চিরদিন উৎপীড়নের মধ্যে গান গায় ।

হাহাকার রূপান্তরিত হয়ে সঙ্গীতে শোভায় ।

আমি চারিদিকে শোভা দেখি ।

সঙ্গীতে শিহরিত দেখি লোকালয় বন আর প্রাতর ।

তোমার অঞ্চলিন্দু পৃথিবীর সবচেয়ে সুন্দর মুক্তোর চেয়েও সুন্দর ।


তোমার পিঠের চাবুকের দাগ সবচেয়ে উজ্জ্বল জড়োয়ার চেয়েও উজ্জ্বল ।

তুমি তাকালেই সৌন্দর্য ঠিকরে পড়ে সূর্যাস্তে, চন্দ্রাদয়ে । শিশিরে, সমুদ্রে, বুনোঘাসে, কবিতার পংক্তিতে ।

তোমার অ, আ চিৎকার সমস্ত আর্যশ্লোকের চেয়েও পবিত্র অজয় ।

তোমার দীর্ঘশ্বাসের নাম চঞ্চীদাস


শতান্তীকাপানো উল্লাসের নাম মধুসূদন  
তোমার থরোথরো ভালোবাসার নাম রবীন্দ্রনাথ  
বিজন অশ্ববিন্দুর নাম জীবনানন্দ  
তোমার বিদ্রোহের নাম নজরুল ইসলাম  
তোমার কৃপের আমি কোনো সীমা পাই না ।  
যখন শৈশবে আমার বুক থেকে স্পন্দন থেকে প্রথম মুখের হয়ে উঠেছিলে,  
তখন মনে হয়েছিলো এ-ই পৃথিবীতে প্রথম বাণী এলো ।  
মা বলার সাথে সাথে তুমি আর অদ্বিতীয় আরেকজন এক হয়ে  
গিয়েছিলো ।  
জননী জননী ।  
তারপর তুমি আমার চাঞ্চল্য হয়ে ছড়িয়ে পড়েছো মাঠে মাঠে আকাশে  
আকাশে । আমার দুঃখ হয়ে কেঁপে উঠেছো আঘায় ।  
আমার স্পন্দন হয়ে দেখা দিয়েছো গঢ়ে ।  
এক সময় দেখি তুমি আর আমার অস্তিত্ব এক হয়ে গেছে ।  
সুখে দুঃখে উদ্বিত বিদ্রোহে পরাজয়ে আর বিজয়ে অভিন্ন আমরা ।  
হাজার বছর ধ'রে । হাজার বছর পরে ।



ন্যাথানিয়েল ব্রাসি হ্যালহেড : বাঙলা ভাষার প্রথম প্রধান ব্যাকরণ রচয়িতা।



রামকুমল সেন : তিনি সংকলন করেছিলেন  
"এ ডিকশনারি ইন ইংলিশ আ্যাট বেঙ্গলি" নামক  
এক অসাধারণ অভিধান।



উইলিম কেরি : তিনি সংকলন করেছিলেন এক  
অতুলনীয় ইংরেজি বাঙলা অভিধান।

দুনিয়ার পাঠক এক হও! ~ [www.amarboi.com](http://www.amarboi.com) ~

বোধপূর্কাশং শব্দশাস্ত্রং  
চিরিঞ্জিনামূলকারার্থং  
ক্ষিয়তে শালেদঙ্গেজী

A  
GRAMMAR  
OF THE  
BENGAL LANGUAGE

BY

NATHANIEL BRASSEY HALHED

ইন্দুদয়োপি যম্যান্তং নয়নঃ শব্দবারিধৈঃ  
পূর্ক্যান্তস্য হৃক্ষেস্য ক্ষযোবত্তুং নরঃ কথং॥

---

PRINTED  
AT  
HOOGLY IN BENGAL

M DCC LXXVIII.

---

হালহেডের ব্যাকরণ হচ্ছ “এ গ্রামার অফ দি বেঙ্গল ল্যাংগুেজ”-এর (১৭৭৮) আধ্যাপন।

A

# VOCABULARY,

IN TWO PARTS,

ENGLISH AND BONGALEE,

AND

VICE VERSA.

---

BY H. P. FORSTER.

SENIOR MERCHANT ON THE BONGAL ESTABLISHMENT.

---

EX LIBRIS FERRELLA XHIL.



FROM THE PRESS OF FERRIS AND CO.

1799.

RARE BOOK

হেনরি পিট্স ফরস্টার-এর অভিধান “এ ভোকাবুলারিও, ইন টু পার্টস, ইংলিশ অ্যাণ্ড  
বেঙালি’র (১৭৯৯) আধ্যাপত্র।

দুনিয়ার পাঠক এক ইঙ্গ! ~ [www.amarboi.com](http://www.amarboi.com) ~

BENGAL LANGUAGE.

ঠান ভাঙ্গি সোমদত্ত দেখিন মহেশ !  
বিভূতি ভুসন অঙ্গ জাঁচা ভাব কেশ ॥

যানবিড়ি সোমদত্ত দেখিয়া চান্দবে ।  
বিবিধ পুকাবে রাজা অতি স্তুতি করে ॥

সোমদত্ত বনে যদি হইনা কৃপাবান !  
এক নবেদন আমি কবি তোৱ শান ॥

সতা যষ্টি সেনী যোৰে অপমান কৈন ।  
জতেক ভূপতি গান বসিয়া দেখিন ॥

হালহেতের ব্যাকরণে মুক্তি বাংলা বর্ণমালা ।

স্তুতিস্তুপিদ্যাপ্তিঃ র্থ অতি ॥  
সেক্ষণাগ্নিঃ প্রস্থান্তস্তুপিদ্যাপ্তিঃ ॥  
চক্ষপদ্মৰস্তুপিদ্যাপ্তিঃ প্রস্থান্তস্তুপিদ্যাপ্তিঃ ॥  
মোক্ষপ্রতিষ্ঠাপ্তিঃ প্রস্থান্তস্তুপিদ্যাপ্তিঃ ॥  
ধ্যানপদ্মৰস্তুপিদ্যাপ্তিঃ প্রস্থান্তস্তুপিদ্যাপ্তিঃ ॥  
পৃতিস্তুপিদ্যাপ্তিঃ প্রস্থান্তস্তুপিদ্যাপ্তিঃ ॥  
মথপদ্মৰস্তুপিদ্যাপ্তিঃ প্রস্থান্তস্তুপিদ্যাপ্তিঃ ॥  
মুমূলাপ্তিঃ প্রস্থান্তস্তুপিদ্যাপ্তিঃ ॥  
প্রগ্নিপদ্মৰস্তুপিদ্যাপ্তিঃ প্রস্থান্তস্তুপিদ্যাপ্তিঃ ॥  
প্রস্তুপিদ্যাপ্তিঃ প্রস্থান্তস্তুপিদ্যাপ্তিঃ ॥  
গুচ্ছন্তস্তুপিদ্যাপ্তিঃ প্রস্থান্তস্তুপিদ্যাপ্তিঃ ॥  
গুচ্ছন্তস্তুপিদ্যাপ্তিঃ প্রস্থান্তস্তুপিদ্যাপ্তিঃ ॥

মধ্যামুগের একটি পুঁথির লিপি ।



বঙ্গভাষায়নুবাদক সমাজ-এর বাঙ্গলা মাসিক পত্র  
“বিবিধাৰ্থ সংগ্রহ” (১৮৫৫)-এর আখ্যাপত্র ।



ইন্দ্রচন্দ্র বিদ্যাসাগর : বাঙলা সাধুরিতি তাঁর হাতে  
লাভ করে সৃষ্টি।



রামমোহন রায় : ১৮৩৩-এ বেরোয়া তাঁর “গৌড়ীয়  
বাকবরণ”। বাঙলা ভাষায় লেখা এটি প্রথম বাঙলা  
ব্যাকরণ।



মহামহোপাধ্যায় হরপ্রসাদ শাহী : “চর্যাপদ”-এর  
আবিকারক।



রবীন্দ্রনাথ ঠাকুর : তিনি শুধু বাঙলা ভাষার প্রেরণ  
নন, বাঙলা ভাষার প্রেরণামূলক ভাষাবিজ্ঞানীও।

হাজার বছর আগে প্রাচীন ভারতীয় আর্যভাষ্য সম্পাদিত হয়ে বঙ্গীয় অঞ্চলে জন্ম নিয়েছিলো এক মধুর- কোমল- বিদ্রোহী প্রাকৃত। তার নাম বাঙলা। ওই ভাষাকে কখনো বলা হয়েছে 'প্রাকৃত', কখনো বলা হয়েছে 'গৌড়ীয় ভাষা'। কখনো বলা হয়েছে 'বাঙলা', বা 'বাঙালা'। এখন বলি 'বাঙলা' বা 'বাংলা। এ-ভাষায় লেখা হয় নি কোনো ঐশ্বী শ্লোক: এ-ভাষা স্নেহ পায় নি প্রভুদের। কিন্তু হাজার বছর ধরে এ-ভাষা বইছে আর প্রকাশ করছে অসংখ্য মানুষের স্মৃতি ও বাস্তব। বৌদ্ধ বাউলেরা বাঙলা ভাষায় রচনা করেছেন দৃঢ়থের গীতিকা; বৈষ্ণব কবিরা ভালোবেসেছেন বাঙলা ভাষায়। মঙ্গল কবিরা এ- ভাষায় গেয়েছেন লৌকিক মঙ্গলগান। এ-ভাষায় লিখিত হয়েছে আধুনিক মানুষের জটিল উপাখ্যান। এ-ভাষার জন্যে উৎসর্গিত হয়েছে আমার ভাইয়ের রঙিন বিদ্রোহী রজ। কতো নদী সরোবর বা বাঙলা ভাষার জীবনী এ-বাঙলা ভাষারই জীবনের ইতিকথা। ডেষ্ট হৃমায়ুন আজাদ লেখক হিশেবে বিশ্ময়ৰ: তিনি একজন প্রধান কবি, ভাষাবিজ্ঞানী হিশেবে বাঙলাদেশে অধিতীয়, সমালোচক হিশেবে অসাধারণ। কিছু দুরহ গ্রন্থের তিনি রচয়িতা। আবার কিশোরদের জন্যে অনন্য অনুপম ভাষায় তিনি লিখেছেন কয়েকটি সুখকর বই। কতো নদী সরোবর বা বাঙলা ভাষার জীবনীতে বাঙলা ভাষার ইতিহাস হৃমায়ুন আজাদের হাতের ছোঁয়ায় হয়ে উঠেছে কবিতার মতো মধুর, সুখকর, ও সুন্দর।

**ISBN 984-401-017-9**